

ЎЗБЕК ТИЛИНИНГ ИЗОҲЛИ ЛУФАТИ

80 000 дан ортиқ сўз ва сўз бирикмаси

ТАҲРИР ҲАЙЪАТИ:

Э. БЕГМАТОВ, А. МАДВАЛИЕВ, Н. МАҲКАМОВ, Т. МИРЗАЕВ (раҳбар),
Н. ТҮХЛИЕВ, Э. УМАРОВ, Д. ХУДОЙБЕРГАНОВА, А. ҲОЖИЕВ

А. Мадвалиев таҳрири остида

Лугат ҳозирги ўзбек адабий тилида кенг истеъмолда бўлган 80 мингдан ортиқ сўз ва сўз бирикмаларини, фан, техника, санъат ва маданият соҳаларига оид терминларни, бир неча шевада қўлланадиган сўзларни, баъзи тарихий ва эскирган атамаларни ўз ичига олади. Лугатда берилган сўзларнинг амалда қўлланиши XX аср ўзбек адабиёти ва матбуотидан олинган мисоллар билан далилланган. Лугат ўзбек тилшунослиги ва туркийшунослик бўйича мутахассислар, таржимонлар, оммавий аҳборот воситалари ходимлари, олий таълим муассасаларининг ўқитувчилари ва талабалари, шунингдек, кенг ўқувчилар оммаси учун мўлжалланган.

**“Ўзбекистон миллий энциклопедияси”
Давлат илмий нашиёти
Тошкент**

**Эслатма: Ушбу китобдан фақатгина шахсий мутолаа, танишиб чиқини
максадида фойдаланиш мумкин. Тизорий максадларда фойдаланиш (сотиш,
кўпайтириш, тарқатиш) қонунан тақиқланади.**

Y

Ү (ж.к., ў.-п. к., ч.к. – унга, унда, ундан) 1 киши олм. З-ш. бирл. Сўзловчи ва тингловчи-дан бошқа шахсни, нутқ жараёнида қатнаш-маётган шахс («ўзга»)ни билдиради. У мен-дан бир ёши катта. Ундан ёшлар ўрнак оли-шади. — У кетгандан кейин, Сидиқжон шу ернинг ўзида чўкка тушиди. А. Қаҳхор, Кўшчинор чироқлари. *Мана, бошқарма бўлими-да уни [Искандаровни] роса қизартиришиди.* С. Аҳмад, Бош оғриғи. Унинг овози ўзига жуда узоқдан эшиштилаётганга ўҳшарди. С. Аҳмад, Юлдуз.

2 кўрс. олм. Сўзловчидан наридаги ёки узоқдаги кимса, нарсани кўрсатиш учун қўлланади. Бу китобни эмас, у китобни бе-ринг. *Ўйигитни танийсанми? Дарёнинг ўғи.* — У ерда нима кўп – наст-баландлик. Шуҳ-рат, Олтин зангламас. Мен бўлсам унинг ўй-лини аллақачон топиб қўйғанман. Х. Тўхта-боев, Ширин қовунлар мамлакати.

Бошини (ёки ўзини) у ёққа урмоқ, бу ёқ-қа урмоқ Бирор нарса ҳаракатида ўзини минг алфозга солмоқ, астойдил уринмоқ. [Мирзакаримбой:] *Бошини у ёққа урдим, бу ёққа урдим, ахир бир эвини топдим, жиян.* Ойбек, Танланган асарлар. Ё у ёқлик, ё бу ёқлик қилмоқ Масалани кўндалант ҳал қилмоқ, ишни бир ёқлик қилмоқ, ажрим қилмоқ. У дунё қ. дунё 8. *Тақдирга шукур қил, номусли камбагал бўл.* У дунёда фойдасини биласан. Ойбек, Танланган асарлар. У дунё-бу дунё, у дунёю бу дунё қ. дунё 8. У ёқда турсин қ. турмоқ. Очилиши у ёқда турсин, очиқ хотин-ларнинг юзини ҳам кўрмайман, деб онт ич-ганман. А. Қаҳхор, Майиз емаган хотин. У ёқда қолиб Ёддан кўтарилиб, эсдан чиқиб,

унутилиб. *Канизак.. кўзи жиққа ёшга тўлди-ю, узр у ёқда қолиб, ҳасратга тушиб кетди.* А. Қаҳхор, Кўшчинор чироқлари. **У ёғи-ни суриштирсанг** Анигини билмоқчи бўлсанг, очиғини айтганда, аслида. У ёғини суриштирсанг, қишлоқда ҳамманинг рўзгори танг. Ойбек, Танланган асарлар. **Уни қўй, буни қўй с.т.** Бошқа гапларни қўятур.. Уни қўй, буни қўй, қаҷон бизнисига келасан?

-у (унли товушлардан кейин -ю) 1 боғл. Тенг ҳукуқли икки сўз ёки гап бўлагини ўзаро боғлаб, «ва» маъносида қўлланади. *Еру қўй.* Ёшу қари. Кечаю кундуз. Тўқсон бешу ўндан уч фоиз. — *Қир-адирда ўтлар менинг қўю қўзим.* Ислом шоир.

2 боғл.-юкл. Қиёс, зид маъноли гапларни таъкид маъноси билан боғлаш учун қўлланади. *Мен ҳам шуни ўйлаяпман-у, иккинчи ёқдан Шералига қараб туриб, ҳам раҳмим келади, ҳам ҳавасим.* С. Кароматов, Олтин кум.

УБОРШИЦА [р. убрать – «йигиштириб, сарсанжом, ораста қилмоқ» фл. дан ясалган от] қ. фаррош. *Малоҳатхон.. эрининг қаршилигига қарамай, район советига уборшица бўлиб ишга кирган экан.* А. Қаҳхор, Жонфиксон.

У-БУ 1 Ноаниқ бўлган нарса, гап, ҳодиса маъносини билдиради. *Taxta ва гишталар устига у-бу ёндилар.* А. Мухтор, Опасингиллар. *Излама энди баҳона, Демагин убуда айб.* Э. Воҳидов, Муҳаббат. *Нури билан у-бу тўғрисида гаплашиб, кир ювар эди.* Ойбек, Танланган асарлар. ..гап сўрасам, тишим оғриб қолди, у-бу деб мужсал жавоб берди. А. Қаҳхор, Асарлар.

2 Бирор гап-сўз; алай-балай. ..хурсанд-чилигини қилин. У-бу дейдиган одамнинг оғзига уриш керак. А. Қаҳхор, Асарлар.

УВ тақл. с. Ит, бўри каби ҳайвонлар чиқарадиган чўзиқ овозни ва шу овозга ўхашаш бошқа нарсалар товушини, жумладан, инсон йигисидаги шу каби овозни билдиради. Ув.. деб келар бўри овози. С. Жўра. Тўсиндан даҳшатли ув билан гирдибод қуюн уларни ўради. Ойбек, О.в. шабадалар. Бирга турмайман дессангиз, майли, судга беринг. Бироқ мен шармандан кечиринг! Мен сизнинг тирногингизга ҳам арзимайман! Ув!. С. Сиёев, Отлик аёл.

Ув солмоқ (ёки тортмоқ) «Ув» деган чўзиқ овоз чиқармоқ. Овлу тинч, гоҳо узоқда, Аллонбий қўраси томонда бўри ув тортарди. А. Мухтор, Қорақалпоқ қиссаси. Дараҳтларни юмдалар бўрон.. Гоҳ қутуриб ув солар бўрон. З. Обидов, Яхши ният. Шу тилда алласин айтгандир онам, Шу тилда ув тортган фарзанд додига. Шуҳрат, Ёшлигимнинг давоми. Ҳадича буви ҳам ув тортуб йиғлади. М. Исмоилий, Фарғона т. о.

УВА Тоғ ёнбагирларидаги чети қиялаб кўтарилиган ерлар, пасттекислик. Гўё табиат қирлар, адирлар ва уваларга ям-яшил гилам қўйландай. Газетадан. Қаришибди улуғтвор топлар, уваларни томоша қилиб.. аравада ликиллаб ланж бораман. Ойбек, Болалик. Сув ёқалаб келиб қолганим бу чечаклар уваси мунчалар гўзал, дўстим! Миртемир, Тингла, ҳаёт.

УВАДА 1 Кийим, тўшак ва ш.к. нинг тўзган, узилган парчаси. Мен совуқдан сақлашни учун увадаси оқиб ётган қўрпа-тўшакларга ўралиб олар эдим. Ҳ. Турсункулов, Ҳаётим қиссаси. Ниҳоят, тўнидан увада олиб отибди.. Шунақа, Тўлаган ака, душман отган тошдан жигар отган увада қаттиқ тегади. А. Қаҳхор, Қўшчинор чироқлари.

2 Эскириб, ситилиб, йиртилиб дабдала бўлган кийим-кечак; латта-путта, эски-туски. Чувериндиларга ўралган Лавын увадага ўралган гўдагини қучоқлаб.. пўстак устида ўтиради. Ҳ. Фулом, Машъал. Зангдан қорайиб кетган темир каравот устида қўрпанамо эски увадаларга бурканиб Дороббек ётарди. Д. Нурий, Осмон устуни. Болор ҳам хода бозори. Пахта, увада бозори.. «Равшан».

З сфт. Йиртилган, тўзган, увада ҳолга келган. Увада камзулда билур тугмадай Булатлар ортидан боқади юлдуз. А. Орипов.

4 кўчма Увадага ўхашаш нарса ҳақида. Оттоқ увада булатларни шамол ҳайдайди. С. Зуннунова, Гўдак ҳиди. Бир ёнда судраган қиши увадаси: Иркит қор уюми, тўнгган нам тупроқ. Р. Бобоҷон.. этда-бетда увада қорлар сочилиб ётарди. Мирмуҳсин, Қуламас қоя.

Увадаси чиққан 1) эскириб, йиртилиб тўзган, дабдала бўлган. Увадаси чиққан тўн.

— Бояги тикроқ бола увадаси чиққан дастурхонни ёзib, қотган-қутган бурда нонларни расамади билан сочиб юборди. С. Кароматов, Олтин кум.. аёл увадаси чиққан кўрпача солиб, эшишилар-эшишилмас овозда деди.. Ж. Абдуллахонов, Ҳонадон; 2) яроқсиз ҳолга келган, «дабдала» бўлган. Комилжоннинг тақлифи — увадаси чиққан эски гап. И. Раҳим, Ихлос.. композиторлар-ку қайта ишлайвериб, ҳалқ қўшиқларининг увадасини чиқарди, энди қайта ишлашни ошпазга ким қўйибди.. И. Раҳим, Ҳилола.

УВАДАЛАНМОҚ Эскириб, титилиб, парча-пурча бўлиб кетмоқ; увада ҳолига келмоқ. Қоратой икки томондан очик бўғотлари увадаланган ишхонада.. темир парчасини болга билан гурс-гурс урар, яссилар, чўзар, қайиради эди. Ойбек, Танланган асарлар.

УВАДАЧИ айн. эскифуруш.

УВАЛАМОҚ 1 Майдада, увоқ қисмларга бўлмоқ; майдаламоқ, ушатмоқ. Кесакни увадаламоқ. Нонни увадаламоқ. — Кум-кесакдан кўп бемадор қирғокни [пўртана] ўпцарди, увадарди. F. Фулом.

2 Бошоқ, сўта ва ш.к. даги доналарни уқалаб ажратиб олмоқ. Жўхорини увадаламоқ. Анонни увадаламоқ.

УВАЛАНУВЧАН Яхши, тез, осон увалиниш (майдаланиш, парчаланиш) хусусиятига эга. Уваданувчи гишт.

УВАЛИ-ЖУВАЛИ Кўп фарзандли, невара-чеварали. Икки ёшнинг муҳаббатли, ували-жували бўлишиларига дуо қилишгач, совчиларга заррин тўнлар кийдирилди. А. Қодирий, Ўтган кунлар. Буви.. уй соҳиби Ўтапнинг серфарзанд, ували-жували бўлишига истак билдиради. Ҳ. Фулом, Машъал. Толибжон ҳам ували-жували, хотин, болачақаси билан чиқиб, бобони кузатгани отланган эди. А. Мухтор, Чинор.

УВАЛЛО қ. уввало. Шошиб қолганидан, увалло уринишига қарамай, пальтосининг енгини тополмасди. С. Абдуқаҳор, Кўзлар.

УВАЛМОҚ Майда бўлакчаларга бўлинмоқ; ушалиб кетмоқ, уваланмоқ. *Бўр увалаб кетди.*

УВАТ қ.х. Дала ёки эки майдони ичida, четларида қолдирилган бўш ер, тор йўл. Адирларда ўрим боради, Уватларда ўтлайди пода. X. Салоҳ, Чашма. *Марза, уват, йўл ёқаларини ҳайдаш ҳисобига майдонимизни ўн икки гектарга кенгайтиридик.* Газетадан.

УВВАЛО Астойдил уриниб, зўр бериб; астойдил, роса. *Маҳкам ака уввало тушунтишишга уринса ҳам, чол эшишмасди.* Р. Файзий, Ҳазрати инсон. *Хотинлар уввало қистаса ҳам, Бувинисо ҳалимга коса кўтариб бормади.* П. Турсун, Ўқитувчи. *Уни тинчтиши, нима бўлганини аниқлашга уриниб, уввало ялиноман, қани тинчиса, қани очиқ айта қолса.* Ҳ. Назир, Кўктерак шабадаси.

УВВОС Ўкирган овоз, шундай овозли йиги. *Куни билан Осим аканинг ҳовлисидан қий-чув, уввос кўтарилиб турди.* И. Қаландаров, Шоҳидамас, баргида. *Дилшод дараҳтга қараб югурди.* Аёллар ҳам уввос билан дараҳт тагига келишиди. М. Исмоилий, Фарғона т. о.

Уввос солмоқ (ёки тортмоқ, кўтармоқ) Ўкирган, қаттиқ овоз чиқармоқ; шундай овоз билан йигламоқ. *Барча баравар уввос солди.* Қий-чув олқишилар, қарсак қўшилиб, ўрис созини эшиштиримай қўйди. С. Сиёев, Аваз. *Қопқоги қалайланган темир тобут уй ўртасига қўйилгач, хотин-халаж бирдан уввос солиб, аза очди.* Э. Усмонов, Ёлқин. ..*одамлар уввос тортшиб, чапаклар, қарсаклар билан, оҳвойлар, қичқириклар билан яна сўрадилар.* М. Исмоилий, Фарғона т. о. *Бечора она чидомади, қабрни қучоқлаб, уввос тортди.* А. Қодирий, Ўтган кунлар. *Мабодо оломон ичидан бири чиқиб:* «*Биз одам бўлмаймиз», дейдиган бўлса, қолганлар «тўғри», деб уввос кўтарииши турган гап.* «Муштум».

УВЕРТИЮРА [фр. ouverture < лот. aрgeture, опертюре – очилиш, бошланиш] мус. 1 Опера, балет, кинофильм ва ш.к. га ёзилган, ана шу асарнинг асосий мавзуларини ифодаловчи мусиқали муқаддима. *Кўп ўтмай, фрак кийган дираижёр ўз ўрнига чиқди-ю,* «Богchasарай фонтани»нинг увертиюраси бошланди. П. Қодиров, Уч илдиз. Симфоник оркестр опера бошланиши олдидан чалинадиган увертиюрани.. ижро этади. Ҳ. Носирова, Опера ҳақида айрим тушунчалар.

2 Оркестр учун ёзилган, бир қисмдан иборат мустақил мусиқий асар. Концерт увертиюраси.

УВИЗ шв. Оғизнинг икки чети. *Оғзи ним очиқ, увизидан сизган сўлаги соқолига ёпишган.* «Шарқ юлдузи».

УВИШМОҚ 1 Қоннинг яхши (меъёрий) юришмаслиги сабабли караҳт ҳолатли бўлмоқ (асосан, оёқ, қўл ҳақида). – *Қўлларини ечиб юборинг!* – Аргун белидаги ханжарини суғуриб олиб, чилвир арқонни узуб ташлади. Амирак Аҳмад увишиб қолган қўлларини осилтириб уқалади. Мирмуҳсин, Меъмор. Қимирлатиб кўриб, ҳеч нарса сезмади. Оёқлари увишиб, ўйқ бўлиб қолгандай эди. М. Мансуров, Ёмби. *Сезганимисиз, оёқ увишиб қолганданд, зилдай бўлиб, эгасига бўйсунмайди.* М. Ҳазратқулов, Журъат.

2 Лоҳаслик билан қисман қалтироқ ҳис этмоқ; жунжикмоқ (тана, эт, бадан ҳақида). *Оқшом салқинидан увишган танасини ҳаракатга келтириши учун керишаётган жангчининг елкасига панжаси билан қоқиб..* Н. Сафаров, Оловли излар. Заргаров чиндан ҳам эти увишиб, зўрга ўтирган эди. А. Мухтор, Бўронларда бордек ҳаловат. *Бадани увишиб ўтирган аёл жонланиб, у айтган шим билан кўйлакни қўлига олди.* «Ёшлиқ».

З кўчма Умуман, караҳт ҳолатда бўлмоқ (нарса ҳақида). *ЛАъли ўғилчасининг ўлимига чидаёлмай, кўп ишегади, илгари юзи ётилган булоқдай, юрак қабрида увишиб ётган оналик меҳри мана, ниҳоят, кечроқ бўлса ҳам, жўшу урди.* Д. Нурий, Осмон устуни.

Юраги (ёки қалби) увишмоқ Нохуш нарсадан ўзини ёмон ҳис қилмоқ. Мен, ётирилиб келган совуқ туйгудан юрагим увишиб, арчага суюниб қолдим. О. Ёкубов, Иzlайман. *У қоларкан қалби увишиб, Кўрқиб боқар ҳовлиси томон.* О. Ҳожиева, Ҳаётга таъзим.

УВЛАМОҚ айн. **увилламоқ**. Увлаб йигла-моқ. — Увлаб қолди бир тўда оч, малтун бўрилар. Файратий. *Туни билан бўлган газабли бўкиришилар, хунук алаҳлашлар, ўиртқичдай увлаб йиглашлар тинди.* А. Мухтор, Опасингиллар.

УВОЛ [а. عوار – нокулай мұхит; бало, оғат; фалокат ёки وجال – камчилик, нуқсон] 1 Айб, гуноҳ. *Ёшина эмадиган чақалоти бўлмагандা ҳам майли эди, унга қўл тегизмоқ увол!* И. Акрам, Адолат. *Меҳмонлар*

тўйга бориб хурсанд бўлишмади. Тўйбошининг орзу-ҳаваси уволга, замон сўзи билан айтсан, гуноҳга айланди. Н. Сафаров, Оловли излар.

Уволи тутмоқ ёки уволига қолмоқ Ножӯя иш ёки ҳаракатнинг айбори бўлмоқ; жазосини олмоқ. Ўқишини жувонмарг қилсан, уволига қоламиз. М. Исмоилий, Фарғона т. о.

2 Фойдасиз ёки бевақт ўйқ бўлиш, ўйқолиш; нест-нобуд. Умр увол, увол, баҳор меваларин, Ёшлик бўсаларин тўйиб томмасанг. А. Мухтор. *Хоҳишиларинг бўлмасин увол!* X. Олимжон.

3 кўчма Бирорга озор бермайдиган, зиён етказмайдиган; ювош, заиф. [Акрам:] Ие, ҳали сутдан оқ, мусичадек уволман денг? О. Ёкубов, Айтсам, тилим куяди, айтмасам – дилим. Боя чумолидек увол кўринган қиздек ишит энди кийикдек ел қувиб учиб борарди. С. Аҳмад. Чўл бургуги.

4 Огир, қийин, аянчили. Жўжабирдек жон, болаларига увол бўлди. Н. Сафаров, Уйғониши. Оёқ-қўли бутун бўла туриб, чумчукдан баттар увол яшайдиган одамлар ҳам бор. С. Аҳмад, Қадрдон далалар.

УВОҚ 1 Уватилган нарсанинг кичик бир бўлаги, увалган қисми; ушоқ. Зокир.. бостон пиджагининг енгига ёпишган нон увогини чертиб ташлади. П. Қодиров, Уч илдиз. Бинонинг ташқи томони мармар тахталар ҳамда мармар увоқлари билан пардоzlанган. Газетадан.

2 кўчма Жуссаси кичик, майда. [Шербек:] Корамол билан увоқ молга бу ерда тўплайдиган ем-хашагимиз бемалол. С. Анорбоев, Оқсой. Бундай мураккаб машинани мендек увоққина бир қиз бошқариишини қаёқдан билар эди улар. Н. Сафаров, Узоқни кўзлаган қиз. У. Дилбархон тасаввур қилганидек, ўйғон, барваста эмас, балки 55 ёшлардаги увоққина одам эди. X. Тўхтабоев, Садоқат.

З кўчма Умуман, майда, кичик. Увоқ мақсад учун тарихни чаплаб, Ҳомийларни, закийларни сотганлар озми? А. Орипов, Йиллар армони.

УВОҚЛАМОҚ айн. уваламоқ 1. Жувон нонни увоқлаб, қанд билан латтага тугиб, сувга чайқагандан сўнг, гўдак оғзига тутади. С. Азимов, Оппоқ тонг қўшиги.

УВУЛДИРИҚ Балиқ ва б. баъзи сувда яшовчи жониворларнинг тухумчалари, уруғи; икра. Босилиб, увулдириғи ситилиб чиқ-

кан балиқлар. ■ Қовоқ хумчадаги сутдан оқлаб, увулдириқ суркалган кулчани синдириб, меҳмоннинг олдига қўйди. А. Мухтор, Қорақалпоқ қиссаси.

УВУЛЛАМОҚ Чўзиқ «ув» деган овоз чиқармоқ; ув тортмоқ. Бўри увулади. Ит увулади. ■ Аллақандай бир тўда ит тўлкинга қарши увулламоқда. F. Ғулом. Шамол гоҳ оч бўридай увуллар.. эди. А. Қаҳҳор, Даҳшат.

УВУН-ТЎДА 1 Эски, чирик, йиртиқ нарсалар; эски-тускилар. Увун-тўдаларнинг орасида, хонақонинг бир бурчагида тонг оттиридим. F. Ғулом, Шум бола.

2 Бетартиб, пала-партиш; йиғиширилмаган. Увун-тўда ҳовли. ■ Уйнинг эшиги лане очиқ эди. Нарсалар увун-тўда бўлиб ётибди. Ш. Ғуломов, Ёрқин уфқлар.

УВУШМОҚ қ. увишмоқ.

УГЛЕВОДЛАР [р. уголь – кўмир + вода – сув: кўмирсувлар] Одам, жониворлар ва ўсимликлар ҳаётини зарур бўлган, углерод, кислород ва водороддан таркиб топган органик бирикмалар гуруҳи.

УГЛЕВОДОРОДЛАР [р. уголь – кўмир + водород] Молекулалари фақат углерод ва водород атомларидан таркиб топган органик бирикмалар синфи.

УГЛЕРОД [р. уголь – кўмир + род(ить) – түғдирмоқ] Менделеев даврий система-сининг IV гуруҳига мансуб, ҳамма органик моддаларнинг энг муҳим таркибий қисми бўлган кимёвий элемент.

УГРА 1 Юпқа ёйилиб, узун ва майда қилиб кесилган хамир. Угра кесмоқ. ■ Зиёдахон шитоб билан угра кесар экан, унга [Сидикжонга] бир қараб қўйди. А. Қаҳҳор, Кўшчинор чироқлари.

2 Шундай хамирдан тайёрланган суюқ ош. Олий нав ун угра, лагмон, манти каби таомлар учун кўл келади. К. Маҳмудов, Ўзбек тансиқ таомлари. Уста Абдуллажон келтирган бир коса серқатиқ угра ошидан икки-уч қошиқ ишиб, қайтариб берди. О. Ёкубов, Видо.

УД [а. عود – дарахт, поя, новда; торли, чертма мусиқа асбоби номи] Катта ноксимон косахонали, калта дастали, кўп торли, чертеб чалинадиган мусиқа асбоби. Уд чалмоқ. ■ Уд [барбат] – қадимги Ўтра Осиёда чертма торли мусиқа асбоби. «Фан ва турмуш».

УДАЙЧИ айн. ҳудайчи. Анвар бугунги нома ва аризаларни ўигиштириб, удаичига топшириди. А. Қодирий, Мехробдан чаён.

УДАРНИК I [р. ударить — «урмоқ, зарба бермоқ; уриб чалмоқ» фл. дан ясалган от] Отиш куроллари затворининг отиш пайтида ўқ капсюлини уриб чақадиган, ўт олдирадиган учли қисми, учи. Затвор ударниги. Ударник чақалаган пистон.

УДАРНИК II эск. қ. зарбдор.

УДДА [а. ۋەدە — масъулият, жавобгарлик; кафиллик, кафолат] Бирор ишни бажара олиш, ўринлатиш; амалга ошириш, эплаш. Бу нозик вазифанинг уддасини сизга ҳавола этмоқчимиз. Ойбек, Навоий.

Удда қыммоқ ёки уддасидан чиқмоқ Бажара олмоқ, эпламоқ, уддаламоқ. *Майли, ишни ҳам, ўқишини ҳам удда қиламан десанг, боравер.* Ҳ. Назир, Сүнмас чақмоқлар. *Битта бузоқни удда қиломайсан-а.* С. Нуров, Нарвон. *Бригадамиз унча катта ва кучли бўлмаса ҳам, барча ишнинг уддасидан чиқамиз, ишонаверинг!* Ш. Рашидов, Бўрондан кучли.

УДДАБУРО(Н) [а. ۋەدە + ф. بَرَان — кесувчи, кескир, ўткир] Ҳар ишни удда қила оладиган, эплай оладиган; эпчил, ажир, тадбиркор. Уддабуро аёл. — *Ҳомидхўжа Мирвалининг уддабуро бола эканини яхши биларди.* С. Аҳмад, Сайланма. *Нұмандың мөхір мастер, яхши бригадиргина эмас, балки уддабуро ташкилотчи ҳамдир.* Н. Ёқубов, Қалб кўзи билан.

УДДАБУРО(Н)ЛИК Уддабурога хос хислат. *Фотиманинг бир сўзлилиги, уддабуронлиги ҳаммага ёқиб тушиб.* «Саодат».

УДДАЛАМОК Уддасидан чиқмоқ, удда қыммоқ, эпламоқ. *Кулиб турби ииғлаш мушкул ҳол, буни энг мөхір артистларгина уддалаши мумкин.* «Ёшлик». *Раиса ўша ўили раисга берган ваъдасини уддалади.* Газетадан.

УДЛИ-ШУДЛИ Ишни тез бажарадиган, эпчил; серҳаракат, серғайрат. *Удли-шудли киз.* Удли-шудли хизматчи. Удли-шудли бўлмоқ. — *Болангиз тузук, удли-шудли чиқяпти.* Ҳадемай, сизга суюнчиқ бўлиб қолади. Ҳ. Назир, Индамас.

УДМУРТ 1 Россия Федерацияси таркибидаги Удмуртия Республикаси туб аҳолисини ташкил этувчи ҳалқнинг номи (қ. **удмуртлар**). Удмурт ҳалқи. Удмурт миллати.

2 Шу ҳалқ, миллатга оид, мансуб. Удмурт аёли.

УДМУРТЛАР Удмуртия Республикасининг туб аҳолисини ташкил қиладиган, фин-угор тил гуруҳига мансуб пермь тилларидан бирида сўзлашадиган ҳалқ.

УДУМ [а. عدو — йўқлик, номавжудлик; йўқолган (йўқотилган) нарса] 1 Умум томонидан қабул қилинган ва амал қилинадиган тартиб; одат, расм. Тошкентликда бағоят қадим Яшаб келар эзгу бир удум: Учрашганда биринчи сўроқ — «Тинчликми?» деб ҳол суриштиromoқ. М. Шайхзода. Қора уйларни эса, эски удумга кўра, фақат аёллар тикишади. Ш. Холмирзаев, Оғир тош кўчса.

2 с.т. Айрим шахсга хос иш-машгулот, одат. Паррандага ўч: ҳали қарқуноқ тутуб келади, ҳали бедана. Бобосининг удумини қилиб, овчи бўламан, дейди. Ҳ. Назир, Сўнмас чақмоқлар.

УЕЗД [қад. р. ездъ — йўл; кўча; юриш] эск. Чор Россиясида ва собиқ СССРда: 1929 йилгача губерна таркибидаги маъмурий-ҳудудий бўлинма. Уезд ҳокими «акангни мингбони қиламан» деб.. дегрезлик Исомиддин деган жаллобни сайлаган эди. А. Қаҳҳор, Йиллар.

УЗА Узра с. қисқарган шакли. Богинг уза рафтор ила ўтганда хиромон.. Т. Тўла.

УЗАЙМОҚ 1 Бўйига чўзилмоқ, узунлашмоқ. Йўл узайди. Қуёш оғиб, соялар узайди. — *Катта-кичик дараҳтларнинг ерга ташлаган кўланкалари, гердайиб кўкка узайган ҳайбатли қайрагочлар сирли, ваҳимали кўринди.* Ойбек, Танланган асарлар.

2 Узоқ вақт давом этмоқ, чўзилмоқ. Камбагал рўза тутса, кун узаяр. «Қанотли сўзлар». Сентябрнинг охирлари. Қунлар қисқариб, тунлар эса узая бошлайди. Т. Обидов, Юсуфхон қизиқ.

УЗАЛА: узала чўзилмоқ (ёки тушиб ётмоқ) Бор бўйи билан ясланиб, чўзилиб ётмоқ. Ёрмат майса устига узала чўзилиб, қаттиқ уҳ тортиди. Ойбек, Танланган асарлар. Шерниёз узала тушиб, ухлаб қолган эди. Ж. Шарипов, Хоразм. Ҳовлига чиқиб, бирпас айланаб киради-ю, яна узала тушиб ётиб олади. С. Сиёев, Аваз.

УЗАЛАСИГА Бор бўйича чўзилган ҳолда. Бир-икки чайқалиб, гул пайкали устига узаласига ийқилиб тушиб. «Муштум».

УЗАЛМОҚ айн. **узанмоқ.** Саидий қизарди-да, узалиб, стол устида турган папироздан бирини олиб тутатди ва илжайди. А. Қаҳҳор, Сароб. Нортожи полvon узалиб, довуч-

чалардан бирини олди. Н. Норқобилов, Бекатдаги оқ уйча. «Энди ўлдим», деб узалиб ётди. «Баҳром ва Гуландом».

УЗАМОҚ кам құлл. Аңча нари кетмоқ, узоқлашмоқ. Тонг отди, қызлар узаб кетди. «Равшан».

УЗАНА шв. айн. узала, узласига. Гоҳ узана, гоҳ чалқанча ерга ётдим. Н. Нарзуллаев.

УЗАНГИ Эгарнинг икки томонига қа-йиш билан боғлаб, осиб құйиладиган, отга миниш ва эгарда оёқларни тираб ўтириш учун хизмат қиладиган, металдан ясалған от аbzали. Комил кумуш узангига оёқ учини құйиб, әгарға миниб олди. Ҳ. Фулом, Машъял. *Маълум отлиқ құтидорнинг дарвозасида отини тұхтатди-да, ўнг оёғини узангидан узды.* А. Қодирий, Ўтган кунлар.

УЗАНГИСОЗ Узанги ясовчи темирчи уста. *Темиртош ўтрорлик бир узангисоз ҳунарманднинг биттау битта ўғлы эди.* М. Осим, Ўтрор.

УЗАНМОҚ 1 Бутун бўйи (гавдаси) билан чўзилмоқ, чўзилиб ётмоқ. *Буни пайқаган Отабек, ханжарини қинидан чиқарип, қўлига ушлагач, юзтубан ерга узанди.* А. Қодирий, Ўтган кунлар. *Гиламга узаниб, бошини қўллари устига қўйди.* Чўлпон, Кечак ва кундуз.

2 Бирор нарсани олиш учун интилмоқ, қўл чўзмоқ; чўзилмоқ. *Кўзлари.. ёришиб кетди, лабларини ялаб, милитиққа узанди.* Ойбек, Қуёш қораймас. *Тилов узаниб, каравотдан парёстик олди-ю, Жамшидга ялт қаради.* Ш. Холмирзаев, Тоғларга қор тушди.

3 айн. Узаймоқ, чўзилмоқ. *Тұхтамади замон дарёси, Күнлар ортди, узанди бўйим.* М. Шайхзода.

УЗАТМОҚ 1 Қўлидаги бирор нарсани бошқа бир шахсга бермоқ, қўл чўзиб тутқизмоқ, бирорға тутмоқ. *Чой узатмоқ.* Гул узатмоқ. — *Раъно китобни секингина ётib, Анварга узатди.* А. Қодирий, Мехробдан чаён. *Тамила унга сўргич кийгизилган сутли шишишни узатди.* Ү. Ҳошимов, Қалбингга қулоқ сол. *Юзини рўмол билан тўсган бир аёл дерарадан ош узатди.* С. Аҳмад, Ҳукм.

2 кўчма с.т. Пора (пора тарзидаги нарса) бермоқ. *Унга бирор нарса узатмасангиз, ишингиз битмайди.*

3 Бирор томонга йўналтиromoқ, чўзмоқ, ёзмоқ; ростламоқ (оёқни, қўлни). *Шерали дум-думалоқ қўлини Каримга узатди.* С. Ка-

роматов, Олтин кум. *У иккала оёғини узатиб, ўзини уйқу ихтиёрига топширди.* Ф. Мусажонов, Ҳиммат.

4 спрт. Иргитиб, тепиб, иккинчи ўйинчига ўтказмоқ, етказиб бермоқ; оширмоқ (тўп, шайба ва ш.к. ни). ..*бир-бирларининг қарши ҳужумларини мустаҳкамлаб, тўпни қисқа ва аниқ узатиб ўйнар эдилар.* Газетадан.

5 Маълум жойгача биргалашиб бормоқ, кузатмоқ. *Уни электр чироқли столба тагиғача узатиб, сұнг хайрлаши.* П. Турсун, Үқитувчи. *Уста Олим Отабекни күчагача узатиб чиқди.* А. Қодирий, Ўтган кунлар.

6 Бирор манзилга йўлламоқ, жўнатмоқ. *Она бугун узатади ўз ўғлини фронтга.* Ҳ. Олимжон. *Менгбой танишларини узатди, яна Faффор билан буфетга қайтиб кирди.* Ш. Холмирзаев, Оғир тош кўчса.

7 Етказмоқ, етказиб бермоқ. *Хабарларни узатмоқ, Электр токини узатмоқ.*

8 Турмушга чиқармоқ, эрга бермоқ. *Қиз бола ота-онага омонат, узатиб тинчий!* С. Зуннунова, Янги директор. *Сиз узатишни хоҳламасангиз ҳам, балки у эрга тегишини хоҳлаб қолгандир.* Ү. Ҳошимов, Қалбингга қулоқ сол. *Келин қилсанг – йўқдан қил, қиз узатсанг – борга қил.* «Қанотли сўзлар».

Кўрпага қараб оёқ узатмоқ қ. **кўрпа.** Оёқ узатиб Хотиржам, бемалол. [Фотима:] Мен ҳам дунёга умид билан келганиман, оёғимни узатиб ўтирармиканман, деб ўғыл ўстирганман. А. Қаҳҳор, Оғриқ тишлар. *Пенсияга чиқиб кетиб, энди оёқни узатиб ётаман.* З. Эгамбердиев, К. Холмуҳамедов, Қари билганини – пари билмас. *Қаёққа узатса, қўли етади ёки қўлинини қаёққа узатса, етади Нимани истаса, шуни удда қиласи; ҳар қандай мушкулотни ҳал қилишга қодир.* [Зуҳра:] *Кимга гаптурсанг, гапине ўтади; қаёққа узатсанг, қўлине етади.* А. Қаҳҳор, Оғриқ тишлар.

УЗВ [a. عضو – аъзо, тана қисмларидан бири] 1 Тана аъзоси; мучак. *Сайдийнинг икки ийл ичидаги бўшаёзган илларни тўлди, узвлари эшилиб бўртди.* А. Қаҳҳор, Сароб. [Бу мавжудотларда] *Бош ўрнидаги узв настга қарраган, кўринишлари мискин ва қайгули эди.* Ҳ. Шайхов, Туташ оламлар.

2 Бирор бутунликнинг ажралмас қисми, бўлғаги. *Бу чаман шонли ватанинг узви бўлгандан кейин..* Ф. Фулом.

УЗВИЙ Чамбарчас ҳолдаги, ўзаро боғланган; ажралмас. **Узвий алоқа.** — Навоий мусамматлари унинг улкан лирик меросининг узвий бир қисмидир. «ЎТА». Бундай ҳол турмушда тақрор бўлиши мумкин, чунки бир иш иккинчиси билан узвий боғлиқдир. Ш. Рашидов, Бўрондан кучли.

УЗГИЧ Электр токини узиш, улаш учун хизмат қиласиган мослама. Аккумулятордан келаётган ток тўғридан-тўғри трансформаторга келмасдан, узгич-улагич орқали келади. Газетадан.

УЗЕЛ I [қад. р. возеле < везати (взять) — тўқимоқ; боғламоқ, биритирмоқ] 1 Транспорт йўлларининг туташган, кесишиб ўтган жойи. Энг иширик темир ўйл узели — А. станцияси учун шиддатли жсанг давом этмоқда эди. Н. Сафаров, Оловли излар.

2 Бир жойга ўрнаштирилган, вазифаси жиҳатидан бир-бирига боғланган иншоотлар, механизмлар, курилмалар ва ш.к. ий-финдиси. Гидроиншоотлар узели. — **Қотишма тайёrlаши** узелида қишига яхши тайёргарлик кўримаган. Газетадан.

3 Машина ёки аппаратнинг ўзаро бирриккан бир қанча содда деталлардан ташкил топган яхлит бир қисми. Абдусаттор тракторнинг узелларини кўздан кечирди. «Ўзбекистон қўриқлари». Шубҳасиз, пахта териши машинасида ҳамма узел ва агрегатлар муҳим. Газетадан.

4 *анат.* Организмдаги маълум ҳужайраларнинг фуж ўрнашган жойи; тутун. Лимфатик узел. *Нерв узели.*

УЗЕЛ II денг. Кемаларнинг бир соатда босиб ўтилган денгиз мили сони билан ҳисобланадиган тезлик ўлчови. Пароход ўн икки узел тезликда юрди.

УЗЗОЛ [а. عزل — узоқлашиш, ажралиш; пастга сакраш] мус. Ўзбек ҳалқ куйларидан бири; Шашмақом таркибида маълум шўъба номи (куй ҳаракатида кўққисдан 4-5 погона пастлаш рўй беради).

УЗЗУКУН Куни билан, кун бўйи. Кўйлар уззукун ўтлаб тўймагандек, ердан бош кўтмармайди, кўра томон жилгиси келмасди. Н. Фозилов, Дийдор. Қорнинг ҳам очиқкан-дир уззукун юриб, ҳозир овқатингни иситиб бераман. С. Кароматов, Сўнгги барҳан.

УЗИКМОҚ шв. айн. **узилмоқ** 4. Дилшод Гуломжонни аввал узикуб қолди, деб ўйлаган эди. М. Исмоилий, Фарғона т. о.

УЗИЛ-КЕСИЛ 1 рвш. Бекам-кўст, тўла ҳолда; батамом. [Низомжон] Юрагида тўлибтошган гапларни узил-кесил тўқиб солмоқчи бўлиб, қизни излаб, яна далага қараб кетди. С. Аҳмад, Уфқ. Ҳали биз қипчоқ элидан узил-кесил қутулганимиз ўйқ. А. Қодирий, Ўтган кунлар. Муайян соҳага оид муаммолар, жумбоқлар шу соҳагина тўла ва узил-кесил ҳал этилиши мумкин. «Фан ва турмуш».

2 Қарор ҳолига келган, қатъий. Узил-кесил жавобимизни ўн кундан сўнг хабар қилалими. О. Мўминов, Хиёбондаги уч учрашув. Ниҳоят, Раҳматулла хаёлий режсалардан чарчаб, узил-кесил қарорга келди. «Ёшлик».

УЗИЛМОҚ 1 Узмоқ фл. ўзл. ва мажҳ. н. Умиди узилди. Алоқа узилди. Ўқ узилди. Тандирдан янги узилган нон. Ип ингичка еридан узилади. Мақол. — Кўзлари жисдий, Маратдан узилмайди. Ж. Абдуллахонов, Хонадон.

2 Алоқаси, боғлиқлиги ўйқ бўлмоқ; ажралмоқ. Ҳотин кишининг уйдан узилиб, кўчага чиқиши осон эканим! С. Анорбоев, Оқсой. [Қодир Комилович] Ҳалқдан узилиб қолганга ўшайди. Ўйғун, Навбаҳор.

3 Давом этишдан тўхтамоқ. Йигит узилган ширин тушини яна бир он кўриш умидида кўзларини юммоқчи бўлди. Ойбек, Қоёш қораймас. Магазин эрталабдан кечгача очиқ, бу ердан эрталабдан кечгача хотин-халаж узилмасди. А. Мухтор, Опа-сингиллар.. кичкина қора қўмғон тагидан олов узилмас эди. Ойбек, Қоёш қораймас.

4 Касали қайталамоқ, қайта оғирлашмоқ. — Сен уринма, узилиб қоласан, — деди Маҳкам ака Фотима опага. Р. Файзий, Чўлга баҳор келди. Одатда врачлар бемор олдига одам қўйишавермайди. Толиқади, узилади, дейшиади. Р. Файзий, Ҳазрати инсон.

5 Жон бермоқ, жон таслим қилмоқ; ўлмоқ. .. бир қултумгина сув ҳам ичолмай, гул ҳидлаб ётиб, бечора узилди. Мирмуҳсин, Умид. Калта-калта нафас олиб, шипга қараб ётептилар.. Кун ёйилганда узилдилар. А. Қаҳҳор, Қўшчинор чироқлари.

Ичаги (ёки ичи, қорни) узилмоқ 1) қорни жуда очмоқ, очиқмоқ. [Рузон хола:] Кўй, болам, бунақа беҳуда хаёлларни.. Ол, ошингни ич, ичагинг ҳам узилиб кетгандир. Ҳ. Назир, Ўтлар туташгандга. Ола қол.. қорнинг ҳам узилиб кетгандир.. С. Акбарий, Чўлдаги пар-

воз; 2) қаттиқ кулгидан ёки йиғидан ҳолдан тоймоқ. - Чироилий үйигит, ақлли үйигит, – деб мақтай-мақтай, Тұйбеканинг ичаги узилди. А. Қодирий, Үттан кунлар. **Насибаси** (ёки тұз-насибаси) узилмоқ Бирон ердан кетиш зарурати түгілмоқ, кетишга тұғри келмоқ. **Наҳот Зорқишлоқдан ҳам насибам узилган бұлса.** С. Ахмад, Ҳукм. Еримиздан тұз-насибанг узилмасин, болам! М. Хайруллаев, Тилла маржон. **Оёғи узилмоқ** Келмай қүйімоқ, келиш-кетишини тарқ этмоқ, тұхтатмоқ. **Келди-кетди бұлғын, Низомжон уч-тұрт күн Дилдор билан бағуржа учрашолмади..** **Нұхоят, үйдан мәхмөнларининг оёғи узилди.** С. Ахмад, Уфқ. **Юраги** (ёки юрагининг бир чети) узилмоқ Бирор кимса ёки нарсага ачинмоқ, ғоят хафа бўлмоқ. **Жонузоқнинг юмалоқ құйма гавдаси..** узоқдаги тунд бутаптар орасида күздан яширганида, Бобоқулнинг юраги узилиб қолди. С. Анорбоев, Оқсой. [Нодир] Автобусга ўтириб, станцияға яқинлашгани сари, юрагининг бир чети узилиб қолгандек бўлаверди. Ш. Фуломов, Ёрқин уфқлар.

УЗЛАТ [а. عَزْلَت – ёлғизланиш, яккаланиш; ёлғизлик] кт. дин. Кишилардан узоқ, якка ҳолдаги ҳаёт; холи жой; ёлғизлик. **Бу имонсизлардан имонимни асрай десанғ, етти қат ер тағидаги жаҳаннамда ёнмай десанғ,** узлатга чекин, узлатга, бошингни олиб кет бу ердан, Бобоқул. С. Анорбоев, Оқсой. **Қолған кунларимни бир чеккада, узлатда худо-йи таолога сиғиниб, тоат-ибодатда яшамоқчиман.** Мирмуҳсин, Меъмор.

УЗЛАТНИШИН [а.+ ф. عَزْلَتْ نَشِين – узлатда ўтирувчи] кт. Узлатда яшовчи. **Назаримда, бошқа ҳеч нарса билан иши йўқ,** димиқиб ётган бу узлатнишин одамга бизнинг келишимиз деразадан отилиб кирган баҳор шабадасидек түйшлиши керак эди. А. Мухтор, Давр менинг тақдиримда.

УЗЛУКМОҚ іш. айн. **узилмоқ** 4. [Гавҳар:] Сал дармонга кирсангиз, яхши бўларди. Узлукиб қолмасмикансиз? С. Зуннунова, Гулхан. **Икки мартаба одам юборганимда,** [Абдумажиддинг хотини] унамабди, ҳали дармонга киргани йўқ, узлукади, дебди. А. Қаҳҳор, Асрор бобо.

УЗЛУКСИЗ 1 Бирин-кетин, кетма-кет, пайдар-пай. **Машиналар узлуксиз ўтиб турипти.** ■ **Бетон қориши маси узлуксиз келиб**

туради. «Ўзбекистон қўриқлари». Гранаталар узлуксиз учди. Ойбек, Қуёш қораймас.

2 Тұхтамасдан, тинимсиз, изчил равишида. **Икки сутка узлуксиз ёмғир ёғди.** ■ **Йўл бўйлаб кетган симёғочлар эса узлуксиз гувувлайди.** П. Турсун, Ўқитувчи. **Қишлоқ хўжалиги ишлаб чиқарши узлуксиз юксалиши ўйлидан бормоқда.** Газетадан.

Узлуксиз таълим Ўзаро мантиқий изчиллик асосида боғланган ҳамда соддадан мурракабга қараб ривожланиб борувчи ва бирбирини тақозо этувчи босқичлардан иборат яхлит таълим тизими.

УЗМА Юпқа ёйилган хамирни қўлда узуб, қиймали шўрвага солиб пишириладиган таом.

УЗМОҚ 1 Куч билан тортиб, юлқиб, бутундан ажратмоқ, бутунни қисмга бўлмоқ. **Хўқиз бир силтаб, арқонни узуб юборди.** ■ **Жўра пошиша бўйнидан марварид маржонини чиқарди-да, итини шарт-шарт узуб, марваридларни кигизга тўқди.** М. Исмоилий, Фарғона т.о. **Дуторчи дуторнинг қулоғини жаҳз билан қаттиқ бураб, торини узуб юборди.** А. Қаҳҳор, Қанотсиз читтак. Зиёдахон, зувала узар экан, ҳазиломуз жавоб берди. А. Қаҳҳор, Кўшчинор чироқлари.

2 Палак, новда ёки тупидан ажратиб олмоқ, кесмоқ. **Қовун узмоқ. Помидор узмоқ. Узум узмоқ. Олма узмоқ.** ■ ..гулга термилиб ўтиришини эмас, ўша гулни узуб, исказ юришини ёқтиради. С. Сиёев, Отлиқ аёл.

3 Кесиб, қирқиб, жойидан бўлак қилмоқ. **Қилич билан бошини узмоқ.** ■ **Глуховнинг иккала оёғини нақ сонидан снаряд узуб кетди.** Т. Рустамов, Мангур жасорат.

4 Турган, ёпишган жойидан ажратмоқ, холи қилмоқ. **Бу харсангни ердан узиб бўлмайди.** Тандирдан нон узмоқ. ■ **Жанақ қизчани бағридан зўрга узуб, отилиб ташқарига чиқди.** А. Мухтор, Қорақалпоқ қиссаси. **Юнус.. тиззаларини оғриқ кемириб еб ташлаётган бўлса ҳам, бошини ёстиқдан узуб, қимирлатиб қўйди.** С. Анорбоев, Оқсой.

5 Давом қилдирмаслик; тұхтатмоқ, кесмоқ. **Гапни узмоқ. Сұхбатни узмоқ.** ■ **[Саодат:]** Кўрқмасим ҳам борми, ўзингга эҳтиёт бўл, хатингни узма. Н. Сафаров, Саодатнинг қиссаси. **Бўй етган қиз, ҳозир сен билан алоқанни узган, узмаса ҳам, бўшаширган бўлар эди.** П. Турсун, Ўқитувчи.

6 Қарзни тұламоқ, эвазини бермоқ (қайтармоқ). [Гофир:] Шунча қарзим бор эканми? Мен буни қандай узаман, бой ота? Ҳамза, Бой ила хизматчи. Олган омонатини батамом уздими? К. Яшин, Ҳамза. ...юртдан еған ошларини узиши ниятида түй тараффудың тушиди. С. Аҳмад, Ҳазина.

7 Қатиқ тишлиамоқ ёки чақмоқ; тишилаб ёки чақиб яраламоқ. *Итнинг иши – узмок,* *Ёмоннинг иши – бузмок.* Мақол. — *Атроф-да гув-гув пашша: оёқларга ёнишади, бурун катакларига сүкілади, қулоқни узади.* Ойбек, Танланган асарлар.

8 күчма Қаттиқ таъсир қилиб азоб бермоқ, оғримтоқ, ачиштиromoқ (иссиқ, совуқ, зарб, гап-сүз ва ш.к. ҳақида). Қызилқұмда қыш изғирини баданни узид ола бошлаган кезда, кечаги студент трассага келиб, колонна мемлекеттегі жағдайлар түшсілдіктер. Қызылқұмда қыш изғирини баданни узид ола бошлаган кезда, кечаги студент трассага келиб, колонна мемлекеттегі жағдайлар түшсілдіктер. Қызылқұмда қыш изғирини баданни узид ола бошлаган кезда, кечаги студент трассага келиб, колонна мемлекеттегі жағдайлар түшсілдіктер.

Ичагини узмоқ Кулги ва ш.к. дан ҳолдан тойдирмок. *Ўтов оғаси Сулаймон оқсоқолни куладириб* ичагини узди. К. Яшин, Ҳамза. **Кўз (ёки кўзини)** узмоқ Нигоҳини олмоқ, қарамай қўймоқ. Ҳасан узоқлашиб кетган машинадан кўзини узмай қотиб турарди. С. Зуннунова, Кўк чироқлар. *Йўлчи гоҳ-гоҳ кўзларини ердан узиб, қисқа-қисқа жавоб бериб турарди.* Ойбек, Танланган асарлар. **Қўнгил узмоқ** қ. **қўнгил.** Аммо билимга чанқоқ болалар мактабдан кўнгилларини узмай, ўқишида давом этдилар. К. Яшин, Ҳамза. **Оёқ (ёки ёғини, қадамини) узмоқ** қ. **оёқ.** *Хув ўша Моҳаррӯйжаҳонда ўқилган табрриҳдан кейин у Табиийнинг уйидан оёқ узиб кетган эди.* С. Сиёев, Аваз. *Нега бизнисидан қадам узиб кетдингиз ё кўнгил қоларлик гап ўтдими билдан?* К. Яшин, Ҳамза. *Тутган жойини (ёки ерини) узади* Айтганини, кўзлаганини амалга оширмай қўймайди. *Юмшоққина гапиради-ю, тутган ерини узаман дейди-я..* Р. Файзий, Чўлга баҳор келди. **Умид (ёки умидини)** узмоқ Истагининг амалга ошмаслигига ишонмоқ, ундан воз кечмоқ, умидсиз ҳолатда бўлмоқ. Ҳасан полвон умид узди ўзидан.. Эргаш Жуманбулбул ўғли. Аваз ўғлон

күнглиң бузиб боради, Дунёдан умидин узиб боради. «Маликаи айёр». Ўқ узмоқ. Ўқ отмоқ. Мингта ўқни камонидан узади.. «Нурали». Қулоқ узмай Диққат билан қулоқ бериб. Тагин бир неча дақықа қулоқ узмай түриб, ўрнидан құзғалмоқчи бўлиб турган эди. А. Қодирий, Ўтган кунлар.

УЗОР [а. عَذَار – юздаги майин тук; юз, чехра] *эск. поэт.* Юз, рухсор. *Мунча латифу мунча соз лола узорини күринг.* Ҳабибий.

УЗОК 1 Оралық масофаси (нисбатан) катта, нисбатан нарида жойлашган; олис. *Узок қишилөкден келди. Овози узок-узокларга етмоқ. Түяга миниб, узоқни күзла. Мақол.* — Сидиқжоннинг күзи дарёning у томонида, узок уфқда милиллаб турган сон-саноқсиз чироқларга тушди. А. Қаҳхор, Күшчинор чироқлари. Бир маҳалда узоқда қора нуқта күрінди. Мирмұхсин, Меъмор.

2 Вақт эътибори билан давомли, катта, кўп. Узоқ тикилмоқ. Узоқ сұхбатлашмоқ. Узоқ күтмоқ. Узоқ муддатли кредит. Узоқ яшамоқ. — Бу жсанг узоққа бормайди. Мирмұхсин, Меъмор. Сидиқжон узоқ сукут қилиб қолгандан кейин бош чайқади. А. Қаҳхор, Кўшчинор чироқлари.

З Дүстлик, қариндошлиқ, танишлик ва ш.к. жиҳатдан боғланиш у қадар яқын бўлмаган, яқын эмас. У ерда Элмуроддинг ҳам бир эмас, кўпгина узоқ қариндош-уруглари бордир. П. Турсун, Ўқитувчи. Мехмон узоқ қариндош – отасининг аммавачаси – Аширмат эди. Ойбек, О.в. шабадалар. Нурининг никоҳ куни у бегона қиз – узоқ қиз бутунлай таниш ва яқын бўлиб қолди. Ойбек, Танланган асарлар.

4 күчма Бевосита алоқаси, муносабати йўқ; алоқасиз. Бундек маслаҳатларда маҳкамама соҳиби, аммо илму фандан узоқ Аҳмад Чалабий ҳам бир чеккада эснаб ўтиради. Мирмуҳсин, Меъмор. Султонмурод шу вақтгача ҳалқ тирикчилигидан узоқ яшар, унинг дардларига бегона эди. Ойбек, Навоий.

Күздан узок Назар-эътибордан четда. *Күздан узок юр, уқдингем?* Ойбек, Навоий. **Узок гап** с.т. Амалга ошиши ёки юзага чиқиши қийин бўлган нарса ҳақида. *Офтоб ойим қариндошларидан жонкуяр деб танилган киши Кумушбинонинг тогаси – Аҳмадбек бўлиб, у ҳам умрининг кўпини Кўқондами, Хўжсандами ўтказар, шунинг учун ундан ёрий кутиши ҳам узок гап эди.* А. Қодирий, Ўтган кунлар.

Узоқ йили Ўтган йилдан олдинги йил, бурноғи йил. Бухорода, узоқ йили бетоб бўлиб ётганида ҳам, кўзига шундай мурдалар, алвастилар.. кўринган эди. Мирмуҳсин, Мемор. **Узоқни кўрмоқ** Келажак ҳақида тўғри фикр юрита билмоқ, оқибатини ўйлаб иш тутоқ. Бугунни эмас, узоқни кўриши керак, косовинг узун бўлса, кўлинг куймайди. А. Мухтор, Қорақалпоқ қиссаси. Ҳамма бало шу саводсизликдан чиқяпти. Узоқни кўролмайди. С. Аҳмад, Ҳукм. **Узоққа бормайди** Кўп давом этмайди, тез фурсатда барҳам топади, тамом бўлади. Энди ўзини қаёқка урса ҳам, узоққа бормайди. Ҳисоботини эшиштамиш-у, тамом. П. Турсун, Ўқитувчи. **Узоғи билан** Кўп деганда, кўпи билан. Узоги билан иккичун ичиди ишингизни оласиз. Н. Сафаров, Ҳаёт мактаби. **Эҳтимолдан узоқ эмас** Амалга ошиши осон, бўлиши мумкин.

УЗОҚЛАМОҚ кам қўлл. **1** Кўп (анча) вақт ўтказмоқ (ўтмоқ). Узоқламай Нормуҳаммад қишибеги Кўқондан бош тоблаб, ўз олдига мустақил ҳукумат эълон қилган бўлди. А. Қодирий, Ўтган кунлар.

2 айн. узоқлашмоқ. Дилбар, гўё ўз номини унутгандек, орқасига қарамай узоқлаб кетди. «Гулдаста». Икромжон шовуллаб турган кимсасиз тўқай ичиди анча узоқлаб кетган эди. С. Аҳмад, Уфқ.

УЗОҚЛАШМОҚ 1 Бирор кимса ёки нарсадан нари (узок) кетмоқ; йироқлашмоқ. Зайнаб орқасига қараи-қараи, Отабекдан узоқлашиди. А. Қодирий, Ўтган кунлар. Чойхўрлар бирин-кетин ўринларидан турриб, Ойқизнинг кўзидан узоқлашишга шошилар эдилар. Ш. Рашидов, Бўрондан кучли.

2 кўчма Қариндошлиқ, қадрдонлик, яқинлик алоқаларини сусайтироқ ёки йўқотмоқ; борди-келди қилмай кўймоқ; бегоналашмоқ. У [Мирзакаримбой] ўз ичиди ўйлади: «Онасининг узоқлашиб кетган тоғасини ўигит бекорга йўқлаб келадими?» Ойбек, Танланган асарлар. Гавҳар бир нарсани тушунмасди: Одамлар ундан узоқлашяптими ё ўзи одамларга бегона бўлиб қоляптими? Ў. Ҳошимов, Қалбингга қулоқ сол. Равшан эса лаҳза сайин бегоналашиб, узоқлашиб борар, ёнига йўлатмасди. «Ёшлиқ».

УЗОҚЛИК 1 Узоқ эканлик, узоқ бўлиш. Йўлнинг узоқлиги анча қийнади.

2 Оралиқ масофа, масофа. Қишлоқ шўроси Учқулоқ қишлоғига жойлашган. Тикте-

падан узоқлиги уч чақиримча бор. А. Қодирий, Обид кетмон.

3 Узоқда бўлган жойлар, узоқда жойлашган ерлар. Поёнсиз қирнинг.. кўз илғамайдиган узоқликлари туманлангансимон кўриниши берар эдилар. А. Қодирий, Ўтган кунлар. [Гулнор] Шийлоннинг панжарасига яқин келиб, узоқликларга тикиди. Ойбек, Танланган асарлар.

УЗОҚМОҚ кам қўлл. Узоқ вақт келмай қолмоқ; ҳаяллаб қолиб кетмоқ. Ишбоши дейман, шахарда жуда узоқиб қолдингиз, қани, ўтиринг, нима гаплар бор? Ҳ. Шамс, Душман.

УЗР [а. ўз – кечирим; кечириш, оқлаш; баҳона, сабаб] **1** кам қўлл. Кечириш, афв этиш. Ёшлиқда ҳаммадан ҳам хатолик ўтади. Кичикдан – хато, каттадан – узр. Ў. Ҳошимов, Қалбингга қулоқ сол.

2 Бирон иш, хатти-ҳаракатин оқловчи нарса; сабаб, важ. Ишлашдан кўрқишиш тўғрисидаги узримни айтиб ўиғладим. Ф. Гулом, Тирилган мурда. Ўйланши сизга ҳам фарз, ҳам қарз. Бунга қолганда, албатта, бир узр кўрсатолмайсиз. А. Қодирий, Ўтган кунлар. ..Молимизни ортган түякашлар шу саройга тайинланган эдилар. -Ҳар ҳолда, бу узр эмас! А. Қодирий, Ўтган кунлар.

3 Афв этиш, кечириш ҳақидаги илтинос; кечирим. Ўтиб кетган, ҳозир ҳаммазини ҳам хижолатга қўйган иш тўғрисида Фармонқул, узр тариқасида бўлса ҳам, гап очармикин, деб хавотирда эдим. А. Қаҳҳор, Кўшчинор чироқлари.

Узр сўрамоқ (ёки айтмоқ) Гуноҳини кечиришни, афв этишни илтимос қилмоқ. Юсуфжонов шу хаёлда келаркан, ўзини бир аёлга уриб олиб, ундан зўрга узр сўради. Н. Фозилов, Ҳаёт ўргатди. Бор, жонгинам, амакингга, Савриҳон аяга узр айт. «Муштум».

4 унд.с. «Афв этинг», «кечиринг» маъноларида ишлатилади. -Узр, сизни қўрқитиб юбордим, – деди Гуломжон. М. Исмоилий, Фарғона т. о. -Узр, айбга буюрмаисиз, – деди Нурсатбек, олимни ишдан қолдираётганига ийманиб. С. Нуров, Нарвон.

УЗРА (б.к. билан) кўм. поэт. Макон муносабатини билдиради; сиртида, устида ёки тепасида. Ўрмонлар шуевуллаган Олис юртда ҳали ҳам, Номсиз тепалик узра Ухлаб ётибди отам. Э. Воҳидов. Адирдаги лолалар кўм-кўк майса узра чирой касб этган. Газетадан.

Кетмонни расмана ушлаб, боши узра баланд кўтари. С. Кароматов, Олтин қум.

ЎЗРЛИ Кечирса бўладиган, сабаби бор, сабабли. Бугун узрли иш чиқиб қолди: *Шаҳардан божсамиз совға-салом билан келган эди. А. Қаҳҳор, Кўшчинор чироқлари. Одилжоннинг бошка ҳар қандай хатти-ҳаракати, Саодатга.. кўрсатган марҳамати олдидаги кечиримли, узрли эди. Бироқ бу найранги тутадиган тутумга тўғри келмасди. «Ёшлик».*

ЎЗР-МАҶЗУР [узр + маъзур] Кечирим сўраш ва афв этиш, кечириш; узр ва маъзур. Узр-маъзур айтишимоқ. — *Айб сизда бўлса, бир узр-маъзур кечаси қиласми. А. Қаҳҳор, Сароб. Қўёви билан узр-маъзур қилиб олган Пошиша хола кечга томон уйига қайтди-ю, кўча эшиги олдидаги асло кутмаган кишисига йўлиқди. Д. Нурий, Осмон устуни.*

ЎЗРСИЗ Асосли сабаби бўлмаган; асоссиз, сабабсиз. *Ўзрсиз сабаб. Машғулотдан узрсиз қолмоқ.*

ЎЗУАЛ [лат. usus — қўллаш, ишлатиш, фойдаланиш] тлш. Умум қўлланишга оид, умум қўлланишга хос. *Ўзуал маъно.*

ЎЗУК Безак учун бармоққа тақиладиган, турли металлардан ҳар хил шакл ва катталикда ясаладиган ҳалқасимон заргарлик буюми. *Тилла узук. Ёқут кўзли узук. Узукка кўз солмоқ. Ҳожи хола узукни этдор синчалогига ўтказа туриб, ҳиринглади. М. Исмоилий, Фаргона т. о. Эримбет муштумига бејсирим иягини тираб ўтирад, бармоғидаги узуги лунжига ботиб кетган эди. А. Мухтор, Қорақалпок қиссаси.*

Ўзукка кўз солгандай (ёки қўйилгандай) Бир-бирига ниҳоятда мос, муносиб. *Ёрматнинг қизини дадангизга қўйсак, нақ узукка қўйилган асл тошдай ўз жойига тушадими?* Ойбек, Танланган асарлар.

ЎЗУКЛИ Узуги бор, узук тақилган. *[Уста] Сопол обдастадан қўлига сув солиб, узукли қўллари билан бошимни ишқалай кетди. Ф. Фулом, Шум бола. Валихон бриллиант узукли кўрсаткич бармоғини бигиз қилиб таъкидлайди. Ш. Тошматов, Эрк қуши.*

ЎЗУМ 1 Токнинг гужумлардан иборат меваси. Бир шингил узум. Узум гужуми. Узум шарбати. Узумини енг, богини суринчирманг. Мақол. — *Салимбайвачча икки ишкомга кириб, бошдан-оёқ кўриб чиқди: Узум ток баргидан ҳам мўл. Ойбек, Танланган асарлар.*

Бир куни кўчада кетаётсам, Умри бир боши узум кўтариб келяпти. А. Қаҳҳор, Хотинлар.

2 с.т. Ток. Узум экмоқ. Узумни хомтот қилмоқ.

ЎЗУМЗОР Ток экилган ер, токли майдон, боғ. *Боғ ва узумзорлар, полизлар.. мўл ҳосилни кўз-кўз қиласми. «Саодат». Бу ер узумзор экан. Улар биринчи ишкомга кириб олдилар. Ҳ. Фулом, Машъал.*

ЎЗУМЧИ 1 Ток экиш ва узум етишириш билан шуғулланувчи мутахассис, боғбон.

2 Кўплаб узум олувчи, узум билан савдо қилувчи шахс. — *Гард орасидан ориқ байталга минган бир узумчи чол пайдо бўлди, — деди Шум бола. F. Фулом, Шум бола.*

ЎЗУМЧИЛИК 1 Боғдорчиликнинг ток ўтишириш ва узум етишириш билан шуғулланадиган тармоғи. *Ўзумчиликни ривожлантироқ.*

2 Токнинг биологик хусусиятлари ва уни ўтишириш усуllibарини ўрганадиган фан (ўсимликшуносликнинг бир бўлими).

ЎЗУН 1 Бўйига, узунасига ўлчами катта, меъёридан ортиқ. Узун сим. Узун соч. Узун ёғоч. — *Адолат қалин ва узун киприкларини ялат этиб кўтариб, Норматга қаради. И. Раҳим, Чин муҳаббат. Илк кўклам ёғдулари ўқув корпусининг узун коридорларини равшанлаштириб юборган. П. Қодиров, Уч илдиз. Қуёв узун ва кенг зарбоғ тўн кийиб, катта салласига кўркам олтин жига қўндириб, ҳавони титратган карнайлар, сурнайлар садоси билан ўзиникига кетди. Ойбек, Танланган асарлар.*

2 Баланд, новча. Узун терак. — *Ҳасан сўфи узун, нозик гавдасини чўзиб, ерга ётди. М. Исмоилий, Фаргона т. о.*

3 Узоқ вақт давом этадиган, чўзиладиган; тезда тугамайдиган; давомли, узоқ. Узун маъруза. Узун эртак. — *Қишининг узун тунлари бу ерда улфатлар гап ейишади. П. Турсун, Ўқитувчи. Унинг кичик, кўкишроқ кўзлари.. узун умрининг тарихини жонли ифода қиласми. Ойбек, Танланган асарлар.*

Арқонни узун ташламоқ қ. арқон. Узун косов Хар қандай буйруқни бажарувчи, зарар етказмайдиган. Сен пистони чақилган одамсан, бизнинг қўлишиизда узун косов бўлиб хизмат қилишдан бошка ишга ярамайсан. А. Қаҳҳор, Кўшчинор чироқлари.

УЗУНАСИГА рвш. Бўйи томонга қараб; бўйига томон. Йигит қулочини катта отиб, сувни шақ-шақ савалаб, қирғоқ бўйлаб – узунасига сузди. Ойбек, Танланган асарлар. Ҳовлининг узунасига икки бети баланд лой томли иморат бўлиб, янги бинога тақалади. С. Юнусов, Кутимаган хазина.

УЗУНЛАШМОҚ Узун бўлмоқ, узаймок. Қуёш оғса, соялар узунлашиди. — Шамол кучайиб, оловнинг тили яна ҳам узунлашиди. С. Аҳмад, Уфқ.

УЗУНЛИК 1 Узунасига ўлчами, бўйи. Дарёнинг узунлиги. Сочнинг узунлиги. — Шербек бўлса, қўлидаги линейкаси билан қўзи-чоқнинг жунини ўлчар ва дафтарига унинг.. узунлигини ёзib қўярди. С. Анорбоеv, Оқсой. Қазиладиган ариқнинг узунлиги ўттиз чакирим.. эди. А. Қодирий, Мехробдан чәён.

2 геогр. Бош меридиандан экватор бўйлаб кетган ва градуслар билан ўлчанадиган масофа (ер сатҳи юзасидаги нуқтани аниқлаш учун хизмат қиласи). Шарқий узунлик. Farbий узунлик.

УЗУНЧОҚ Энита қарагандা бўйи анча чўзиқ, анча узун; чўзинчоқ. Узунчоқ юзли одам. — Узунчоқ столнинг икки четида идора хизматчилари ўтирибди. С. Сиёев, Отлик аёл. Карп балиқларининг гавдаси қўполрок, узунчоқ, ўзи читтакдай чаққон. Ҳ. Назир, Сўнмас чақмоқлар.

УЗУНҚАНОТ Қалдиргочнинг қанотлари бўйига нисбатан узунроқ бир тури.

УЗУНҚУЛОҚ: узунқулоқ гаплар Оғиздан оғизга ўтиб юрган, бир-биридан эшитилиб етиб келган гаплар. Шум хабарнинг қулоги бўлади дегандай, узунқулоқ гаплар Хоразмнинг қишлоқларига тарқалди. Ж. Шарипов, Хоразм.

УЗУРПАТОР [лот. usurpator < usurpare – фойдаланмоқ, қўлламоқ; даъво қилмоқ] Ҳокимиятни ноқонуний эгаллаб олган ёки бироннинг ҳукуқларини тортиб олган шахс.

УЗУРПАЦИЯ [лот. usurpatio – фойдаланиш; ишлатиш; эгаллаб олиш] Куч ишлатиб, қонунга зид равишда ҳокимиятни эгаллаб олиш ёки кимсанинг ҳукуқларини ўзлаштириб, ўзиники қилиб олиш.

УЗУҚ 1 Узилиб қолган, узилиб кетган, узилган. Узук арқон. Узук сим.

2 Бир-бирига боғланмаган, бетартиб; узук-юлуқ. Узук хаёллар. Узук гап-сўзлар. — Бирдан қий-чув, қизлар галаси Куршаб олар

шодлик, ҳаяжон Барин қучган. Гап-сўзлар узук. Ойбек.

УЗУҚ-ЮЛУҚ 1 Бир неча еридан узилган; узилган-юлинган. [Ҳаммолларнинг] Белида, елкасида эски-туски нарса, узук-юлуқ арқон, кийимлари жулдур, ифлос. Ойбек, Танланган асарлар.

2 Бир-бирига боғланмаган; чала-чулпа. Ширмонхоннинг қулогига узук-юлуқ сўзлар чалинди-ю, ҳеч нарса уқолмади. С. Зуннунова, Олов. Бу ҳолатда уларнинг сухбати ҳам узук-юлуқ.. боғланишсиз давом этарди. А. Мухтор, Туғилиш.

ҮЙ 1 Яшаш учун ёки турли ташкилот, муассаса ва ш.к. жойлашиши учун мўлжалланган бино. Уч хонали уй. Беш қаватли уй. — Баъзан кўринар кўзга Шоҳона уйлар кўркам. Файратий. Фақат канал эмас, балки тўғонлар, илозлар, темир-бетон уйлар ҳам бир йўла ва бирданнiga қурилаётганга ўхшайди. И. Раҳим, Чин муҳаббат.

2 Яшаш учун мўлжалланган бино ичидағи ҳар бир хона. Бу бино уч уй ва бир айвондан иборат. Ёруғ уй. Кенг уй. — Уйларда, айвонларда хотинлар кўп эди. Ойбек, Танланган асарлар. Очиқ эшикдан эсган шамол уй ичидан Сабогулнинг соchlарини тўзғитди. С. Кароматов, Олтин қум.

3 Бирор ижтимоий талабни қондиришга қаратилган муассаса. Мехрибонлик уйи. Дам олиш уйи. Маданият уйи. — Күёшининг аксида кўринар яққол Маърифат уйига ташланган қадам. Файратий.

4 Бирор оила ёки хонадон ўрнашган бино ва шу бинога таалуқли ер; ҳовли. Қизлик уйга қирқ от бойланар. Мақол. — Уйлар, кўчалар қулф уриб гуллаган дараҳтлар орасига шўнғиган. «Гулдаста». Боф қўча тамом бўлганидан кейин бригадирнинг уйидан ўтишига тўғри келади. Ў. Усмонов, Сирли соҳил.

5 Оила; хонадон. Қирқ уй қуда бўлса, қирқ ўй қирғин бўлмас. Мақол. Ёмон арава йўл бузар, Ёмон киши уй бузар. Мақол. — Фарзанд – уй ободлиги, Келажак ниҳолидир! Ё. Мирзо. Уйдагилар менинг ҳавойироқ бўлиб қолганимни билишади. С. Сиёев, Ёруғлик.

ҮЙ ИЧИ Оила аъзолари. [Холисхон:] Үй ичларимиз қалай, бариси тирикми? Ҳамза, Паранжи сирлари. **ҮЙИ БУЗИЛМОҚ** Эрхотиннинг ажралганлиги, оиласи барбод бўлганлигини билдиради. **ҮЙИ КУЙМОҚ**

Хонавайрон бўлмоқ. ..унда менинг уйим куяди-ку, ахир. К. Яшин, Ҳамза.

ҮЙДИРМА Ўйлаб, тўқиб чиқарилган; ёлғон. Айбор үз уйдирмаларини исботлашга тиришиди. — Эртасига Исломхўжа ҳақида уйдирма гаплар, фисқ-фасодлар тұқилди. Ж. Шарипов, Хоразм.

ҮЙДИРМАЧИ Ёлғон-яшиқ гапларни ўйлаб, тўқиб чиқарувчи; ёлғончи.

ҮЙДИРМОҚ I Уймоқ фл. орт. н.

2 шв. Қовогини солмоқ. Кокилингнинг банди-бандин түйдирма, Қошинг кериб, қовогингни уйдирма. «Равшан».

ҮЙДИРМОҚ II Ёлғон, туҳмат гаплар тўқимоқ. Нижоят, улар ҳийла билан туҳмат уйдирадилар. Ҳамза, Танланган асарлар.

ҮЙ-ЖОЙ 1 Яшаб, истиқомат қилинадиган жой, ҳовли ва ш.к. Қиз уларнинг болаларини боқади, кирларини ювади, уй-жойларини ўнгаштиради. Ойбек, Танланган асарлар. Элмурод.. үз оиласининг уй-жойидан ажраб, қишлоқдан чиқиб кетганини хаёлидан ўтказар эди. П. Турсун, Ўқитувчи.

2 Оила; рўзгор, хўжалик. [Кори:] Ийе, онангиз бўлса, уй-жойингиз бўлса.. давлатку! А. Қаҳҳор, Қўшчинор чироқлари. Гулнор қиз билан гаплашганда, унинг қишлоғи, уй-жой тирикчиликлари.. тўғрисида сўз очар эди. Ойбек, Танланган асарлар.

ҮЙ-ЖОЙЛИ 1 Уй-жойи бор, уй-жойига эга.

2 Оилали, бола-чақали. Болаларни уйлижойли қилмоқ. Уй-жойли киши.

ҮЙИМОҚ с.т. Ивимоқ. Кейинроқ хурмачанинг устини очиб қўйгин, ўзине биласан-ку, болам, яна зардоб ўигиб, уйимай қолмасин. С. Аноरбоев, Шерали.

ҮЙКЎРАР этн. Бўлажак келин қарин дошларининг куёв бўлмиш йигитнинг уйжойи, хонадони билан танишиши маросими.

ҮЙЛАМОҚ шв. айн. уйлантироқ.

ҮЙЛАНМОҚ Бирор қиз ёки аёлни ўз никоҳига олмоқ, оила қурмоқ (эр киши ҳақида). Толибжонбойнинг.. икки ўғли уйланган, бир қизи эрга теккан, набиралари ҳам бор. Ойбек, Танланган асарлар. Қўшиналар, шу Ваҳобжон уйланана қолсайди, ўзидан тинчиди кетармиди, дейишади. С. Аҳмад, Тоғ афсонаси. Йигит бирдан уйланши тараффудига тушиб-ю, бир ҳафтанинг ичиди тўй ҳам бўла қолди. А. Қаҳҳор, Хотинлар.

ҮЙЛАНТИРМОҚ Уйланмоқ фл. орт. н.. бир ойча аввал отаси уни Тошкентнинг Қашқар маҳалласидаги бадавлат хонадонлардан бирининг қизига уйлантирган. Ҳ. Гулом, Машъал. Ҳайдар ота бош бўлиб [Асрорқўлни] бир бева хотинга уйлантириб қўйди. А. Қаҳҳор, Асрор бобо.

ҮЙЛИ 1 Уйга эга, ўз уйи бор. Уйли куёв.

2 Уйлардан ташкил топган, уйлардан иборат. Беш юз уйли қишлоқ. — Бу — сой бўйлаб баланд тоғ ёнбағирларига тизилишган қинғир-қийшиқ уйли бир қишлоқ эди. П. Турсун, Ўқитувчи.

3 Хотини бор, уйланган ёки эри бор, эрга теккан. Уйли ўигит. Уйли хотин.

ҮЙМАЛАНМОҚ 1 Бирор нарса, юмуш билан шуғулланмоқ, овора, машғул бўлмоқ. Бир оздан кейин Чўливой ака ҳалиги нарсаларни олиб кетди ва яна эгатларнинг бошида уймаланди. О. Ҳусанов, Най.

2 Бирор жойда тўпланишмоқ; ўралашиб. Дераза яқинидаги бир каллакланган тутнинг бутоқларида.. қора тумшуқ ҷумчуклар уймаланган. П. Турсун, Ўқитувчи. Сандиқ ёнида уймаланиб ётган кўрпа-тўшак устига ўзини юзтубан ташлади. А. Мухтор, Ота-сингиллар.

ҮЙМАЛАШМОҚ айн. уймаланмоқ 2. Қироатхонанинг шашка-шахмат бўлимиди бир тўда ўқувчилар уймалашиб, ҳеч кимга қарашмайди. Ҳ. Нуъмон, Фасллар. Янги машинада тикиб кўриш учун Замон, Зуҳра, Ҳанифа унинг тенасида уймалашиб туршишанди. Н. Назаров, Замон.

ҮЙМОҚ Устма-уст қалаштириб, бир ерга тўпламоқ, уюм ёки гарам ҳосил қилмоқ; ўифмоқ. Тошларни бир ерга уймоқ. Терилган пахтани уймоқ. Беда уймоқ. — Қамишларни боғ-боғ қилиб, канал ичига уйиб, ёқишиадиган бўлишиди. «Ўзбекистон қўриклиари». Бўтабоини қурол-яроғ уйиб ташлаган бир ҳужрага олиб киришиди. С. Аҳмад, Ҳукм.. юз-қўлни ювиб, муздаккина бўлиб олгач, ўз экскаватори ҳозиргина уйган тупроқ тена устига чиқиб, чордана қурди. Ш. Гуломов, Шонли авлод.

Қовоқ уймоқ айн. қовоқ солмоқ қ. қовоқ II. Райком секретарининг қовоқ уйиб, ер тагидан назар ташлаганини кўриб, бирдан унинг нафаси ичига тушиб кетди. Н. Сафаров, Узоқни кўзлаган қиз.

ҮЙ-РЎЗФОР Оила хўжалиги (ишлари), тирикчилик. Сораҳон ҳам ўй-рўзфор тутишини ўрганади. А. Қаҳҳор, Сароб. Ўй-рўзфорга ҳам эпчил: яхши кийинади, яхши ейди. Ўн кулиб, бир гапиради. Ойдин, Икки кўзи шунда. Ҳамма айни шу маҳалда ўй-рўзфор иши ва кечки овқат билан банд бўлганидан, гузарда ҳеч ким кўринмас эди. П. Турсун, Ўқитувчи.

ЎЙ-РЎЗФОР ҚИЛМОҚ Оила қурмоқ (қилмоқ). Ўй-рўзфор қилиб, бирон кун яйраганим ўйқ. С. Аҳмад, Ҳазина.

ЎЙСИЗ 1 Уйи йўқ; ўз уйи йўқ. Ўйсиз күёв.

2 Хотини йўқ, уйланмаган ёки эри йўқ, эрга тегмаган.

ЎЙСОЗ Ўй қуриш иши билан шугулланувчи; бинокор. Кран ковши тўлиши билан Файзи дарҳол уни юқори кўтарар ва том устида турган уйсозларга узатарди. Газетадан.

ЎЙСОЗЛИК Ўй, бино қуриш иши, бинокорлик. Тошкент уйсозлик комбинати.

ЎЙҚАШ 1 Бир-бирига ниҳоятда яқин, ўхаш. Менман бу — ўзбекнинг фахрий хўжаси, Ўйқашга ўхшайди исмимиз бир оз. А. Орипов.

2 Мос, монанд, уйғун; ярашган. Ўсиқ қоши ўткир қора кўзларига ўйқаш тушган ишитгта лаб жуфтладим. С. Нуров, Дурдона.

З кўм. взф. Каби. Мен сизни япроқлар рангига ўйқаш Бокира муҳаббат билан севаман. Х. Даврон.

ЎЙҚИ-ТУЙҚИ шв. айн. айқаш-уюқаш.

ЎЙҚУ 1 Одам ва ҳайвонларда даврий юз берадиган физиологик ҳолат (Ўйқуда нерв системаси, асосан, бош мия пўстлоғининг фаоллиги пасаяди, онг, мускул тонуси ва сезувчанлик сусаяди). Қаттиқ ўйқу. Ширин ўйқу. Ўйқум келди. Ўйқу арслонни ҳам ўйқитар. Мақол. ■ Гуломжоннинг ухлаб қолганини ҳам, ўйқусида ширин тушлар кўраётганини ҳам билмайди. М. Исмоилий, Фарғона т.о. Доридан ичгандан кейин юрак сиқилиши камайиб, ўйқуси ҳам бир оз яхшиланди. Ў. Усмонов, Сирли соҳил. Иштаҳа ўйқ, ўйқу бузилган, бошим ари тўлдирилган қовоқдек гувуллагани-гувуллаган. Х. Тўхтабоев, Ширин қовунлар мамлакати. Кошона эгалари [рўзада] салқин хоналарда ётиб, ўйқу билан жон сақлашни одат қилганилар. П. Қодиров, Юлдузли тунлар.

2 қўчма «Ҳаёт»дан тўхтаган, ҳаракатсиз, шовқин-суронсиз, тинч ҳолат (табиат ҳодисалари ва ш.к. га нисбатан). Она табиат, эртанги кураш олдидан мириқиб дам олишига чоғланган паҳлавонлардай, оғир ўйқуга чўмганди. Ў. Усмонов, Сирли соҳил. Довдараҳтлар қиши ўйқусидан ўйғониб, баҳорни олқишилайдилар. Газетадан. Асрлар ухлаган саҳро ўйқусин *Маҳв* этдик, бир ўйла айладик бедор. Файратий.

Абадий ўйқу кт. Ўлим. Балки абадий ўйқудамисан, Салтанат! С. Аҳмад, Ҳукм. **Қўзи ўйқуга кетмоқ** Қўз юмиллиб, ўйку(си) бошланмоқ. Қўчкор билан Акмални топиб, юмшоқ поҳолга ҷўзилди, кўзи ўйқуга кетаркан, ўзича жилмайди. О. Ёқубов, Эр бошига иш тушса. **Қўзига ўйқу келмоқ** Ўйқу билан қўзлар юмилмоқ, ўйку тортмоқ. Тун ярим кечадан оғган, Нодирнинг қўзига ўйқу келмасди. С. Юнусов, Кутилмаган хазина. Қўзларига ўйқу келган шогирд бола мумли инни қир-қир ҷўзиб, қатим тортар.. Ойбек, Танланган асарлар. **Қўз(и)да ўйқу йўқ** Ўйқу келмаган, ўйқусиз ҳолатни билдиради. Ҳаёлий бир ишқ билан Қўзларимда ўйқу ўйқ. Миртемир. **Маст ўйқу** Роҳатли қаттиқ ўйқу. Тўпанисо бир текисда нафас олиб, маст ўйқуда ётар эди. А. Қаҳҳор, Кўшчинор чироқлари. **Ноз ўйқу қ. ноз 3.** Бир куни ана шунаقا ноз ўйқуда ётган эканман, «Бемор Бакиров, укол!» деган товушдан ўйғониб кетдим. С. Сиёев, Ёруғлиқ. **Ўйқу бермаслик** Ухлашга қўймаслик, ухлатмаслик. Шу-шу бўлиб, бу ишитнинг сурати, унинг майин жилмайши.. Шаҳзодага ўйқу бермай қўйди. К. Яшин, Ҳамза. **Ўйқу босмоқ** Ўйқу ўз таъсирига тортмоқ. Яна ортиқ туриб қолинса, ўйқу босиб, совиб қолишдан кўрқкан аравакаш: -Майманага етиб олгач, карвонсаройда ухлаб, яхшилаб дам оламиз, — деди. Мирмуҳсин, Меъмор. **Ўйқу йўқ** Ўйқу(си) келмайди, ухлатмайди. Ўйқуси ўйқ, ҳаловати ўйқ, Қайғу эзар, эрк уларга ёт. Файратий. Қизда ўйқу ўйқ. Унинг бадани қизиган.. юраги шиддатли уради. Ойбек, Танланган асарлар. **Ўйқу олмоқ** Ўйқу ўз таъсирига тортмоқ. Эртадан кечгача яйлов далада тинмай ўйнаб чарчаган шўх болаларни бир лаҳзада ва бирдан ўйқу олди. Ойбек, Танланган асарлар. Кечаси билан ўйқу олмади, кўзимни юмиб, Сўнагулни қўз олдимга келтириб.. гаплашиб чиқдим. А. Мухтор, Давр менинг тақдиримда. **Ўйқу танг қилмоқ** Ўйқу

талағи күчаймоқ. *Ниҳоят, кута-кута уйқуси танг қылғач, ўрнига چўзилиб.. ухлаб қолғанини ўзи ҳам сезмай қолди.* А. Қодирий, Ўтган кунлар. *Уйқу элитмоқ айн. уйқу олмоқ. Кўп ўтмаӣ Меъморни уйқу элитди.. Мирмуҳсин, Меъмор. Уйқуга бормоқ айн. уйқуга кетмоқ.* Тұхфа бирдан хоҳолаб юборди. Бу қулгидан уйқуга борған қызлардан баъзиси چүчіб кетди. А. Қодирий, Мехробдан чаён. *Уйқуга кетмоқ* Уйқу ҳолатига ўтмоқ, ухлаб қолмоқ. Бутун баданим зирқираб, ўринга кирибману, салда уйқуга кетибман. Ў. Усмонов, Сирли соҳил. *Уйқуни олмоқ* Ухламоқ, ухлаб турмоқ. *Rosa* уйқуни олдик. *Уйқуси келмоқ* Уйқуга хоҳиш, эхтиёж уйғонмоқ. *Камолиддин уйқуси келмаса ҳам, ўринга кириб ётди.* Ў. Усмонов, Сирли соҳил. *Уйқу(си) ўчмоқ* Уйқуга хоҳиш, талағ ҳолат(и) тарқамоқ, ийүқ бўлмоқ. *Ўринга ётганда, тезроқ тонг отишини кутиб, ҳорғинлигига қарамай, уйқуси ўчиб кетди.* Ойбек, Танланган асарлар. Кечаси поездда ухламагани учун.. мизгиб олгиси келарди. Ечиниб ўтиргасдан, дарров ётди.. Аммо энди уйқуси ўчиб кетди. Ў. Ҳошимов, Қалбингга қулоқ сол. *Уйқуси қочмоқ* Уйқу тарқ этмоқ, уйқуси ўчмоқ. У кечаси билан тўлғаниб чиқди, уйқуси қочди.. М. Исмоилий, Фарғона т. о. Темиржон алламаҳалгача уйқуси қочиб, Усмонали отанинг Ҳилол ака ҳақидаги гапларини эслаб ётди. Ж. Абдуллахонов, Орият. *Ярим уйқу* Чала уйқу, уйқули-уйқусиз ҳолат. Ана шундай кунларнинг бирида Ширмонхон ярим уйқу, ярим хаёл орасида дарвоза тақиляганини эшилди. С. Зуннунова, Олов. *Куш уйқуси* Тез-тез уйғониш билан бўладиган, енгил-елпи, қисқа уйқу. -*Куш уйқуси, — деди она.* Ойбек, О.в. шабадалар.

УЙҚУЛИ Уйқу таъсиридаги, уйқу асопати бор, уйқу аралаш. *Улар [қизлар] секинаста туришиб, уйқули кўзларини ишқай бошлидилар.* И. Раҳим, Чин муҳаббат. Уйқули товуш билан сўкиниб, қалин дараҳатлар орасида зим-зиё тунда жангга тайёрландилар. Ойбек, Кўёш қораймас. Тун тонготарга яқинлашган, унинг [Ҳасаналининг] уйқули мияси бў муаммони еча билмас эди. А. Қодирий, Ўтган кунлар.

УЙҚУСИЗ Ухламаган, бедор. Уйқусиз тунлар Сергейни ҳаддан ташқари толдириган бўлса ҳам, у оромини ўйламади. Ҳ. Гулом, Машъал. Бирор одам унга узоқроқ қараб қол-

са борми, ҳадиксираб, кечаларни уйқусиз ўтказарди. С. Анорбоев, Оқсой.

УЙҚУСИЗЛИК Уйқунинг бузилиши; тунда кам ёки енгил-елпи ухлаш, уйқу келмаслик, бевақт уйғонавериш, жуда эрта уйқу ўчиб кетиш ва б. *Беморда тажсанглик, уйқусизлик, иштаҳа уйқолиши.. жиззакилик ва тез жаҳҳа чиқиши каби ноҳуш аломатлар кузатилади.* Газетадан. Қобил хотинидан икки қадам нарида тўхтади-да, уйқусизликдан қизарган кўзларини Баҳрига қадаб: -*Нега келдин?* — деб сўради. Ҳ. Гулом, Машъал. *Оғир ўйлар изтиробиданми, уйқусизликданми, ланж бўлиб турдим.* С. Сиёев, Єруғлик.

УЙҚУСИРАМОҚ 1 Ухлашни жуда истаб қолмоқ, уйқуси ёки ухлагиси келмоқ; мудрамоқ. Уйқусираф ўтироқ. Соқчи уйқусираған кўзларини ишқалади. ■ Бу ўйларни тугатгандан кейин, унинг [Ҳасаналининг] кўзлари уйқусираф, юмила бошлаб, қаршисига Отабек келиб тўхтайди. А. Қодирий, Ўтган кунлар.

2 Уйқуда ёки уйқу аралаш бирор гапсуз, хатти-ҳаракат қилмоқ. *Пораҳӯр уйқусираса, хотинидан пул сўрар экан.* Газетадан. Зеби уйқусираф келиб, яна фонарни ёқди. Чўлпон, Кеча ва кундуз. Тун яримдан оғди.. эшик қия очиқ қолган шекилли, қўшни хонадан Умиджоннинг уйқусираф айтган гаплари қулоққа чалинди. Р. Файзий, Гўзал.

УЙҚУТОБ рвш. Уйқуга мойил, уйқу элтаётган. У [Элчибек] қулочини ёзди, сал кайф ва ширали хаёл билан уйқутоб бўлиб келаётган юз-кўзига аёз совуги ёқди. А. Мухтор, Туғилиш.

УЙҚУЧИ Кўп ухлайдиган, серуйку. *Пўлат билан Нортой бўлса унга [Шуҳратга] «уйқучи» лақабини тиркашибди.* К. Раҳим, Олтин балик.

УЙҚУЧИЛ 1 шв. Уйқучи.

УЙҒОНИШ Уйғонмоқ фл. ҳар. н. Куртакларнинг уйғониш даври. Мехр уйғонишни. ■ [Ҳасанали] Эрталаб Ойбодоқнинг чойига бормай, Отабекнинг уйғонини кутиб юрди. А. Қодирий, Ўтган кунлар. Элмурод.. асрлар бўйи гафлатда ётган кишиларнинг уйғонини бу одамда қувонч тугдираётганини кўрди. П. Турсун, Ўқитувчи.

УЙҒОНИШ даври тар. Шарқда (9-12 ва 15-асрлар) ва Фарбий Европада (14-16 асрлар) юз берган алоҳида маданий ва тафаккурий тараққиёт даври; фан, адабиёт ва санъат

тараққиёти ҳамда улуг кашфиёт ва ихтиорларда ўз аксини топган ва антик маданиятга қизиқиш кучайган давр.

ҮЙГОНМОҚ 1 Үйкесини тарк этмоқ, уйқудан турмоқ. *Ғуломжон чўчиб уйғонди-ю, теварагига аланглаб қаради.* М. Исмоилий, Фарғона т. о. Кўз илинди дегунча каллагага даҳшатли тушлар ўралашиб келиб, босинқираб босинқираб уйғониб кетишар эди. М. Мансуров, Ёмби. *Бобоси унинг шарпасига уйғониб, тикилиб қолди.* С. Анорбоев, Ҳамкишлопчлар.

2 қўчма Ҳаёт, фаолиятга қўзғалмоқ, ҳаракатга келмоқ; амалга кирмоқ. *Тупроқ исиши билан, дов-дараҳтлар уйғонмасдан бошлиш керак бу ишни..* С. Нуров, Нарвон. *Эгалиб турган қатор олчалар ҳам уйғонди; гулдан ҳали дарак йўғ-у, кўм-кўк, ушоқ-ушоқ япроқчалар чиқарди.* Ш. Холмирзаев, Тўлқинлар.

3 қўчма Пайдо бўлмоқ, ҳосил бўлмоқ, қўзғалмоқ (ҳис, туйгу ва ш.к. ҳақида). *Унда адабиётга қизиқиши уйғонди.* — *Буни кўриб Сидикжоннинг қалбидаги жувонига нисбатан ҳар қандай гараздан холи бир меҳр уйғонди.* А. Қаҳҳор, Қўшчинор чироқлари. *Ўсмирликда уйғонган ҳавас, Бориб-бориб бўлди муддао.* Ё. Мирзо.

ҮЙФОҚ 1 Ухламаган ҳолатли. *Вақт ярим кечага яқинлашганди.* *Саодат ҳамон уйғоқ, хаёл суради.* Х. Ѓедгоров, Ҳаёт тўлқинлари. *Кемадагиларнинг ҳеч қайсиши ухламас, барига уйғоқ.* Ж. Шарипов, Хоразм.

2 қўчма Ҳаракат-фаолиятда бўлган; ҳушёр. *Кечалари киприкларимдай Мангу уйғоқ ўйларимдасан.* Х. Даврон, Болаликнинг овози. *Ариқларда доим уйғоқ сув, Полизларга кетади шошиб.* Р. Парфи, Кўзлар.

ҮЙГУН 1 Монанд ҳолатли; мос, мутаносиб, муносиб; ҳамоҳанг. *Тиник юзларинга севгинг ҳам уйғун..* Г. Жўраева. *Баҳор уйғонар, Шовуллайди боғ.* Уйғун туйғулар Уйғонар бу чоғ. Т. Қаҳҳор, Оқ ўрик. *Атласнинг ёрқин безаклари чаманларга бурканган Ўзбекистон табиати фонига айниқса уйғун тушади.* «Фан ва турмуш».

2 Уйғун (эркаклар исми).

ҮЙГУНЛАШМОҚ Бир-бираига монанд бўлмоқ, мос, мутаносиб бўлмоқ, ҳамоҳанг бўлмоқ. Ҳеч бўлмаса, саройлар, клублар, маъмурий бинолар қурилишида замонавий усул билан қадимиий шарқ услугини уйғунлашиб кет-

са яхши бўларди. Ў. Ҳошимов, Қалбингга қулоқ сол. *Баъзи қўшиқларда қўшиқ шеърига мусиқа, баъзиларида эса мусиқага шеър уйғунлашмайди.* Газетадан.

ҮЙГУНЛИК Мутаносиб, мос ҳолат; мутаносиблиқ, ҳамоҳанглик. *У овозини баланд кўтмармай, хиргойи даражасига ҳам туширмай, ажойиб бир уйғунликда айтади.* М. Исмоилий, Фарғона т.о. *Назаримда, Жўраҳон билан сайроқи жўрлар ва яшноқ табиат ўртасида уйғунлик бордек түйилди.* Назармат, Жўрлар баланд сайдайди.

ҮЙГУР Хитой Ҳалқ Республикасининг Синьцзян-Уйғур муҳтор районида, шунингдек, Ўрта Осиёнинг баъзи ҳудудларида яшовчи, туркий тилда сўзлашувчи ҳалқнинг номи. *Ўйғур ҳалқи.* *Ўйғур миллати* (қ. *Ўйғурлар*).

2 Шу ҳалқ, миллатга мансуб, оид, тегишли. *Ўйғур тили.* *Ўйғур ёзувчиси.*

ҮЙГУРЛАР Хитой Ҳалқ Республикаси Синьцзян-Уйғур муҳтор районининг туб аҳолисини ташкил этган, туркий тилда сўзлашадиган ҳалқ.

ҮЙГУРЧА 1 Уйғурларга, унинг тили, адабиёти ва маданиятига оид, уйғурларга хос. *Ўйғурча рақс.* *Ўйғурча қўшиқ.*

2 Уйғур тили; уйғур тилидаги. *Сен уйғурча(ни) биласанми?* *Ўйғурча гапирмоқ.* — *Агар малол келмаса, асарларингиздан уйғурча ёки ўзбекча нашр қилингандаридан юборсангиз.* Газетадан.

ҮКА 1 Бир ота-она ўғилларидан кичиги (кatta ёшдаги фарзандларга нисбатан). *Укаси ҳар гал уйдан чиқиб кетаётганида, кўнгли алланечук бўлиб кетар, кимдир бир оғиз илиқ гап айтса, қайтиб келгудек бўлар эди.* С. Аҳмад, Уфқ. *Ўшанда Шерали ўн бирдан ўн иккига қадам кўйган, укаси Муҳаммаджон уч ёшли дардчи бола эди.* С. Кароматов, Олтин кум.

2 Умуман, фарзандларнинг кичиги, кичиклари (кatta сига нисбатан). *Қизалоқлар онасининг кўлидан қозон-товоқ, сидир-супур, тикиш-илиши олишади, укаларини ўйнатишади.* С. Нуров, Майсаларни аёз урмайди. *У отасидан ўигирма ёшда қолиб, укаларини қийинчилек билан боқсан.* И. Раҳим, Чин муҳаббат.

3 Ўзидан ёш эр кишига мурожаатни билдиради. *Қаердан келгансиз, ука?* П. Турсын, Ўқитувчи. [Сафар бўзчи:] Ахир бирорни

ука, бирорни ака деб, сиз ҳам тузукроқ ишига қайшишинг-да, тақсир. А. Қодирий, Мехробдан чаён.

УКАЛИК Ука эканлик. Укалигинги унумтма.

Укалик қилмоқ Укага хос ишни, ёрдами ни адо этмоқ. Ёрдамингиз керак, бир укалик қиласиз энди.

УККИЛАР Япалоққушлар уруғидан бўлган йирик йиртқич тун қуши. *Бойёғларнинг энг катта вакили укки ҳисобланади.* «Фан ва турмуш».

УКЛАД [р. уклад – расмийлашган, барқарор тартиб] 1 иқт. Муайян ижтимоий-иқтисодий формациянинг асосий хўжалик шакли. *Масалани бу таҳлилда қўйиш.. Германия битта ижтимоий-иқтисодий укладга эга яхлит давлат бўлиб турган вақтда ўринли бўлур эди.* Газетадан.

2 Ижтимоий ҳаётнинг, турмушнинг бирор соҳасида барқарораётган ёки жорий қилин(ади)ган тартиб. *Кишиларимиз турмушининг бутун уклади, уларнинг машшати ва дунёқарашининг ўзгарганилиги..* Газетадан.

УКОЛ [р. колоть, укалывать – «бирор учли, ўткир нарса билан тегиб оғритмоқ» фл. дан] Баданга, тери остига, томирга шприц воситасида суюқ дори юбориш. *Укол қилмоқ.* ■ *Уколдан кейин Хосият, гарчи кўзини очмаса ҳам, лекин равон нафас ола бошлиди.* Ў. Усмонов, Сирли соҳил. *Иситмам баланд эди. Устма-уст уколдан анча пасайди.* Р. Азизхўжаев, Яшил чайла. *Стол устида шприц қутиси очиқ турар ва дори ҳиди анқирди – врач укол қилиб, уни бир оз ўзига келтирганди.* П. Қодиров, Уч илдиз.

УКПА маҳс. Майин юпқа чарм. *Қўнжи укла, юзи тошдан қаттиқ қўяпол чарм билан копланган.. этикни кийди.* Ойбек, Танланган асарлар. *Белларини фўталар билан боғлаган, бошларида оддий телтак ва оёқларида укпа этик бўлган йигитлар югурадилар.* С. Айний, Эсдаликлар.

УКПАР 1 Укки пати (одатда болалар кийимлари, асосан, бош кийимини безатиш учун унга чатиб қўйилади). *Аксар хотинларнинг олди-орқаси тўла катта-кичик, ясанган-туссанган, уклар таққан болалар.* Ойбек, Танланган асарлар.

2 кўчма Укпардек майин ва енгил нарсага нисбатан қўлланади. *Борар эдик сой аро, -Тулки, – деди болалар, Судратиб укпар думин*

Тулки кўздан йўқолар. К. Муҳаммадий. Мени уклар қанотида олиб юрар ўйларим. Э. Воҳидов.

УКРАИН 1 Украина Республикаси туб аҳолисини ташкил этувчи, шарқий славянлар гуруҳига мансуб ҳалқнинг номи. *Украин ҳалқи (қ. украинлар).*

2 Шу ҳалқ, миллатта мансуб, тегишли. *Украин тили. Украин қизи.*

УКРАИНЛАР Украина Республикасининг туб аҳолисини ташкил этувчи, шарқий славянлар гуруҳига мансуб ҳалқ.

УКРАИНЧА 1 Украин ҳалқига, унинг тили, адабиёти ва маданиятига оид; украинларга хос. *Украинча куй.* ■ *Украинча кўйлагининг енгини ҳилтиратганича ўрта бўй.. киши хонага кирди.* Ў. Усмонов, Сирли соҳил.

2 Украин тили. *Сен украинча(ни) билсанми?* ■ *«Запорожелик Дунайнинг нарёғида»* деган ашулани украинча айтаб қувонтирас, кулдираш эди. Шуҳрат, Шинелли йиллар.

УКРОП [р. укроп < копёр – хушбўй ўсимлик] Соябонгуллilar оиласига мунсуб бир йиллик, баъзан икки йиллик хушбўй ўтсимон ўсимлик; шивит; ошкўклардан бири. *Малик ака.. бозордан кашнич, укроп, кўк пиёз.. сотиб олмайди.* «Муштум». *Бу суюқ ошиюзига майда кертилган укроп,райхон солиб, косаларда дастурхонга тортилади.* «Саодат».

УКСУС [р. уксус < юн. oxys – аччиқ, нордон] қ. сирка I. ...жорий йилда 1000 тонна уксус кислотаси ишлаб чиқарилди. Газетадан.

УЛ (у – չўзиқ) шв. Ўғил. Бежой билдим, тўрам, Ёдгор улингни, Аймоқнинг юртига талаб қилибди; Қандай жўннатасан жону дилингни?! «Ёдгор». Армон билан мен улдан айрилдим дер, Кетганинги, болам, билмай қолдим дер. «Равшан».

УЛ эск. айн. у П. Ой билан ошно бўлиб, йилларча ўйнанг ул билан. М. Муҳамедов, Гавҳар. *Югуриб чиққан ул мушфиқ онамларга салом айтинг.* Ҳамза.

УЛАГИЧ 1 Нарсалар бир-бирига бирриклириш, улаш учун ишлатиладиган восита. *Шиша бўлаклари, одатда, бир-бирига қўргошиндан қилинган улагичлар ёрдамида уланади.* М. Аминжонова, Шишининг кашиб этилиш тарихидан.

2 Электр токини узиш, улаш учун хизмат қиласидиган мослама. *Аккумулятордан*

келаётган ток түгридан-түгри трансформаторга келмасдан, узгич-улагич орқали келади. Газетадан.

УЛАЙ-БУЛАЙ с.т. У-бу. Агар улай-булайинг бўлса, айт ҳозир! Ҳам сенинг, ҳам Ёдгорнинг, ҳам у кишининг ишини баравар қиласман. Ҳамза, Паранжи сирлари. Бойлар қишлоқнинг бир хил киттаконлари билан чиқишиб, ҳукуматдан қўрқмай, улай-булай қилиб, камбағал батракни ишлатиб турди. Эргаш Жуманбулбул ўғли.

УЛАМА Бириктириб, улаб қўйиладиган, уланган. Улама соч. Улама киприк. Улама оёқ. — Унинг пиджаги билан галстуги стул суюнчиғига осиб қўйилган; кўйлагининг улама ёқаси яғринига қийшайиб тушган, олдида ёзиб-чишиб ташланган қофоз тахланиб ётибди. П. Қодиров, Уч илдиз.

УЛАМО [а. علماء – «олим» с. кўпл.] Ислом илоҳиётчилари ва ҳуқуқшунос (фақихлари, шунингдек, диний муассасаларга, суд (қозилик) маҳкамаларига, ўкув юртларига мутасадди бўлган барча ислом дини олимлари. -Дуруст, миянг тўлибди, – деди кулиб Тантибойвачча, – яқин ўртада унчамунча уламони бир ҷўшида қочирасан. Ойбек, Танланган асарлар. *Маъдалихон* [Мұхаммад Алихон]га фатво ёзив берган Кўқон уламоларидан бир нечалари.. қочиб қутулди-лар. А. Қодирий, Мехробдан чайён. -Ёшларга ҳомийлик қилиш, йўл-йўриқ кўрсатиш ис-ломнинг, уламоларнинг ишидир, – деди қалтираб, бўзариб мунофиқлардан бири. Ойбек, Нур қидириб.

УЛАМОК I Ип, арқон, тасма ва ш.к. нарсаларнинг учларини бир-бирига боғлаб бириктироқ. Отнинг тизгинига арқон улаб беринглар, ўзим ҳайдаб кетавераман. А. Қаҳ-ҳор, Асрор бобо. -Шошманглар, шошманглар, – деди дуторнинг ишини улаётган Мели половон. П. Турсун, Ўқитувчи. Тоҳир иккала белогуни бир-бирига улаб, бир четини белига боғлаб, қўприкнинг тагига осишиб тушди. П. Қодиров, Юлдузли тунлар.

2 Бутунлаш мақсадида ямаш, пайвандлаш ва ш.к. йўл билан бириктироқ..даҳлизда Ҳасанали узилган от асбобларини улаб тикар эди. А. Қодирий, Ўтган кунлар. Йўлда чангароги синган экан, шуни улаймиз деб уриниб қолдик. Ш. Холмирзаев, Йўллар, йўлдошлар. Қулоч етмас баҳайбат қувурларни бир-бирига улашишлари кетяпти. Газетадан.

З кўчма Туташтироқ, боғламоқ. Фишт-кўприк иккита китта кўчани бир-бирига улади. «Шарқ юлдузи».

4 қ.х. Пайванд қилмоқ. Голосни олчага уламоқ. *Наъматакка атиргулни уламоқ*.

5 кўчма Биридан кейин бошқасини қўшиб, узлуксиз давом эттироқ. Ишни ишга уламоқ. Кўйни куйга уламоқ. Кунни тунга уламоқ. — У ҳар тўгрида тинимсиз гапириб, гапни гапга улаб юборди. О. Ёкубов, Тилла узук. Абдураҳимов *сигаретнинг ту-тунини тутунига улаб чекаркан*, ўзидан ўзи гапира кетди. «Муштум». [Низомжон] Кечалари юлдуз тўла осмонга тикилиб, тунни тонгга улаб, қушлар наъмасидан, сувлар шилдирашидан кўнглига аллақандай юнанч изларди. С. Аҳмад, Уфқ.

6 Алоқа, боғланишни тикламоқ, туташтироқ. Алло, менга Бухорони улаб беринг. Т. Алимов, Хушбичим йигит. Кейин телевизорни токка улади. Т. Ашуроев, Оқ от.

УЛАШМОҚ I Уламоқ фл. бирг. ва ўзл. н. Болалар ипларни улашди. Монтёрлар электр симларини улашди. Хотинлар гапни гапга улашди. — Қирлар бағрида бир-бирига улашиб кетган олмазорлар.. Н. Сафаров, Оловли излар.

УЛАШМОҚ II Бўлиб тарқатмоқ, тарқатиб бермоқ. Ҳайри опа болаларга яримтадан, китталарга биттадан кулча улашиб, иккитадан ёнгоқ берди. Ойдин, Ямоқчи кўчди. Кунига йигирма-ўттиз коса овқатни нима қиласми, увол-ку, деб қўни-қўшиларга улашадиган бўлдик. С. Сиёев, Ёргулик. Олиб чиқсан нарсаларини болаларга улашаётуб, ён-верига назар солди. Н. Фозилов, Дийдор.

УЛАШ-УЛАШ: улаш-улаш қилмоқ қ. улашмоқ II. Клубнинг мебель ва бошқа жиҳозларини А. Ҳасанов бошқарма авзоларига улаш-улаш қилиб юборган. «Муштум».

УЛ-БУЛ айн. у-бу. [Қамчи:] Кўнглинг бирор нарса тусайдими? Ул-була ола келами? Ҳ. Фулом, Машъал. Эртасига тогам билан ул-буларни кўтариб, йўлга тушдик. Файратий, Узоқдаги ёр.

УЛГИ, улгу шв. кам қўлл. Ўрганишга, тақлид қилишга лойиқ нарса, иш-фаолият, ҳаракат; ибрат, ўрнак, намуна. Улги бўлмоқ. Улги олмоқ. — Улги бўлди учқур от қарчиғаю лочинга. «Қўшиқлар». Шамолингга оқар дарё музлаган, Қарчиғайдан улги олган бе-

довсан. «Нигор ва Замон». Бу ҳужжатларнинг ҳаммасини матбуотда эълон қилиш керак: ҳам ёшларимизга улги бўлади, ҳам иғволарга яхши бир зарба бўлади. О. Ёқубов, Ота изидан. Илон овламоқни Қоравой чангалзорда ўрганган, бу соҳада у тиҷратикандан улгу олганди. Н. Норқобилов, Бекатдаги оқ уйча.

УЛГУРЖИ 1 Бутун борича; кўп миқдорда; кўтара. Улгуржи савдо. Улгуржи олмоқ. Улгуржи сотмоқ. — Доналаб сотдим. Бу ерда улгуржи оладиган киши ўйқ. И. Раҳим, Чин муҳаббат. Сотиболди тўқилган саватчаларини улгуржи оладиган бақсолдан ўигирма танга қарз кўтарди. А. Қаҳҳор, Бемор.

Улгуржи бозор Товар истеъмолчилирига ёки уларни чакана сотадиган харидорларга товарлар йирик тўп (партия) лари билан кўтарасига сотиладиган бозор.

2 Катта миқдорда, катта суммага эга; салмоқдор. Улгуржи ҳосил. Магазинга улгуржи мол келди. — Пулени фойдага қўювчи судхўр ҳиндулар.. улгуржи савдони кўтардилар. Ш. Тошматов, Эрк қуши. Улгуржи нарх ҳақидаги хушхабарни маълум мижозларга етказиш кейинги ўилларда Пошиша холанинг вазифаси бўлиб қолганди. Д. Нурий, Осмон устуни.

3 Бошдан-оёқ, бутунлай. Улгуржи ремонтдан чиқармоқ.

УЛГУРИШ 1 Улгурмоқ фл. ҳар. н.

2 Вақтида дарсларни ўзлаштириш, орқада қолмаслик. Бу синфда улгурши юз фоиз.

УЛГУРМОҚ 1 Бирор ишни бажаришга имконият, вақт топмоқ, муваффақ бўлмоқ, бажара олмоқ, эришмоқ. Ёғиз баъзи бир чаққонларгина ўйлустида, этикларини нарибери ечиб, сувини силқитмоққа улгурдилар. Ойбек, Кўёш қораймас. Санобар девордаги соатга қаради-да, Дишод боғчадан келгунча улгурман, деган фикрда бамайлихотир кишина бошлади. М. Хайруллаев, Кўнгил.

2 Берилган билимларни тушуниб, эгаллаб олмоқ, ўзлаштиromoқ. Синфимизда улгурмайдиган ўқувчилар ўйқ.

УЛИ: ули тортмоқ айн. ув тортмоқ қ. ув. Унда-бунда яқин қишлоқларда итларнинг ялқовлик билан ули торгани.. қулоққа чалинади. Ш. Судаймон, Ота, ўғил. -Аллаким ули тортиб ўиглаётир, — деди саройбон. М. Осим, Элчилар.

УЛИМОҚ I айн. увламоқ. Яқиндаги, чироқ милтираб турган қўргонда ит улиди. С. Аҳмад, Ҳукм. Қум барҳанлари орасида қашқирлар улийди. А. Мухтор, Опа-сингиллар.

УЛИМОҚ II шв. Яллиғланмоқ (огиз шиллиқ пардаси ҳақида). Боланинг оғзи улибди.

УЛКАН 1 Эгаллаган ўрни, ҳажми foят йирик, жуда катта, буюк. Улкан бино. Улкан дараҳт. Улкан дарё. Улкан қурилишилар.

— Минг йил чақмоқ чақсан, улкан тоғгердайиб тураверади, — деди Бектемир қатъий. Ойбек, Күёш қораймас. Ана шу зайлда ойлар, ўшлар, қандайдир бир улкан денгизга қўшилишини истаган ирмоқлардай, шилдирағ оқиб ўта бошлийди. М. Жабборов, Севинч ёшлари.

2 Кўлами, қамрови, қудрати жиҳатдан жуда катта; буюк. Жуда улкан иш. Фақат сизлардағанги марди майдонлар эплай оладиган иш! Р. Файзий, Чўлга баҳор келди. Бунёдкор ҳалқимиз водий ва воҳаларда сунъий денгизлар, улкан саноат корхоналари барпо этмоқда. «Ўзбекистон қўриқлари». Навоий мусамматлари унинг улкан лирик меросининг узвий бир қисмидир. «ЎТА».

3 кўчма Мазмун-мундарижаси, аҳамияти жиҳатидан катта, йирик. Улкан асар. — Зийнатуллаевнинг қўлида зўр ҳақиқат бўлиб кўринаётган нарса — аслида улкан ҳақиқатдан узиб олинган бир ҳақиқатча эканини у энди аниқ қўриб туради. П. Қодиров, Училдиз. Бугунги Наврӯз байрами барча-барчага янги баҳт, улкан зафарлар келтиради. Газетадан.

4 Ном, эътибор қозонган; буюк, улуғ. Улкан ёзувчи. Улкан оқин. — Қариндошим, тугишиқоним, улкан қозоқсан ўзинг. Ф. Гулом. У адабиёт ва санъат оламининг зукко билимдони.. оташин нотиқ ва улкан санъаткор эди. Газетадан. Паҳлавон Маҳмуд жавонмардлик оқимининг улкан намояндаларидан бири бўлган. «ЎТА».

УЛКАНЛАШМОҚ Фоят катталашмоқ, йириклашмоқ, улканлик қасб этмоқ. Корхонанинг даргоҳи кенгайиб, фабрикалари, цехлари улканлашибди. М. Жўра, Кўёшдан нур эмганлар. Ҳаёт-мамот туйғуси эса шу тоғдай улканлашиб кетган. П. Қодиров, Қора кўзлар.

УЛЛИ шв. Катта. Маҳмуджон катта майдонга етиб қараса, қизлар айтган улли ҳовли кўринди. «Авазхон». Бу улли сир. Ота-



онанг, хотининг.. хуллас, жумлаи оламдан сир тутасан, билдингми? С. Сиёев, Ёруғлик.

УЛОВ 1 Миниб юриладиган ҳайвон. Регистон олдидан ўтадиган ўловчилар уловларидан тушиб, арк дарвозасига қараб таъзим қиласар.. эдилар. С. Айний, Куллар.

2 Умуман, ишчи ҳайвон. Сувнинг бошида бўладиган бақақуруллоқликлар ҳам ўзи ёки уловининг жонини койитгиси келмас эди. А. Қаҳҳор, Кўшчинор чироқлари. Бугун уловвимиз қўши-хўқиз эмас, Кудратли техника қўлимизда, бас! Б. Бойқобилов.

З кўчма Умуман, ўловчи, юк ташиш воситалари. Самолёт – бебаҳо улов. Мана у парвозга кўтарили. Н. Сафаров, Оловли излар.

Уловига яраша тушови қ. тушов.

УЛОВЛИ 1 Улови бор. Уловли хўжаликлар. ..дурустроқ ҳосил олсан, келаси ўил уловли бўлар эдим. А. Қаҳҳор, Кўшчинор чироқлари.

2 Улов минган, улов ҳайдаган. Шунинг учун ҳам ўйл устидаги бу чойхонада бирон уловли ўйловчи учратармиз, деган мақсад билан эрталаб барвақт келиб ўтирган эдик. Н. Сафаров, Оловли излар.

УЛОР Қирғовуллар оиласига мансуб йирик тоф қуши. Баланд төгларда, эримайдиган музликлар чегарасида улор қуши яшайди. Газетадан.

УЛОҚ I 1 от Уланадиган нарса. Улоқ солмоқ. Арқонинг улогини олиб ташламоқ. ..йиртиғингизга ямоқ, узуғингизга улоқ тегмай юрардингиз, – деди Нафиса эрига. Шуҳрат, Жаннат қидирғанлар.

2 сфт. Турли ўйл билан (боғлаш, тикиш, елимлаш, кавшарлаш, михлаш ва ш.к. билан) ўзаро туташтириб, маҳкамлаб биритириб қўйилган, уланган бир неча бўлакдан иборат, яхлит эмас. Улоқ арқон. Улоқ дастурхон. Улоқ сим. Улоқ тунука. ..Бой бобоминг қизлари, Сочи улоққа ўхшайди. «Оқ олма, қизил олма».

З от Нарсанинг бўлаклари ўзаро уланганда ҳосил бўлган тугуни ёки чоки, уланган жойи. Арқонинг улоги. Парданинг улоги. Электр симининг улоги. Тунуканинг улоги.

УЛОҚ II 1 Эчки боласи. Ҳозир юзлаб маин жуяни қўзи ва улоққа эгамиз. С. Анорбоеев, Оқсой. Кўз олдимга кўм-кўк ўтлоқлар.. ўтлаб юрган жаражжи улоқлар, барра қўзичоқлар келади. Н. Фозилов, Куш қаноти билан.

2 Ҳар бир отлиқ ўртага сўйиб ташланган улоқни (одатда эчки ёки кичикроқ бузоқни) бир-биридан куч билан тортиб олиб, тезроқ маррага элтиб ташлаш учун курашишдан иборат миллий спорт ўйини; кўпкари. От боққанинг – улоққа, Кўй боққанинг – қўноққа. Мақол. .. Улоқда отдан ийқилиб боши ёрилган, қўл-оғи синган чавандозлар инқиллашиб ётмоқда. М. Муҳаммаджонов, Турмуш уринишлари. Ҳимматнинг звено-сидаги ўигитларнинг иккитаси фронт кўрган.. қолганлари улоқларда соврин олган ўигитлар эдилар. М. Муҳамедов, Қаҳрамон изидан.

3 Шундай спорт мусобақасида ўртага тикилган – сўйиб ташланган эчки ёки бузоқ. [Қамбар:] Улоқ олиш учун чавандоз бўлиши керак, укам Обиджон! Ойбек, Танланган асарлар. Ана, бир отлиқ бошсиз улоқни тақимига босиб, тўйхонадан чиқди. Т. Мурод, Юлдузлар мангу ёнади.

Улоқ бермоқ 1 улоқда чопиладиган, ўртадан олиб, маррага етказиб ташланадиган эчки, бузоқ кабини бермоқ. Ҳар кун икки юз қозон ош давланар.. икки юзлаб улоқ берилаар, мамлакатдан тўйга келувчи аёнга ҳар кун минглаб тўён кийдирилар эди. А. Қодирий, Мехробдан чаён; 2) улоқ ўйинини ташкил қилмоқ, ўтказмоқ. Улоқ берган киши соврин ҳам беради-да. М. Исмоилий, Фаргона т.о. Рухсатсиз улоқ берган кишига жарима солинур. «Муштум». **Улоқ чопмоқ** Улоқ ўйинида қатнашмоқ. Дадам Маҳкамнинг бобосининг улоқ чопишини гапираверса, киши ҳайрон қолади. А. Қодирий, Улоқда. **Улоқ қилмоқ** Биридан бири олиб, олиб қочиб ўйин қилмоқ, улоқ каби ўйин қилмоқ. Тағин эҳтиёт бўл, қўрбошлилар ўғирлаб кетиб, улоқ қилимасин. Ойдин, Ҳикоялар. **Улоқни олмоқ** Улоқда, умуман, мусобақада голиб чиқмоқ, ғалаба қилмоқ. Бу сафар улоқни меҳмонлар олиши. ..Андижон, Сурхондарё улоқни олиб, Хоразм, Қашқадарё қувлашиб бориб.. А. Пўлат, Тасаддуқ.

УЛОҚМОҚ Узоқлашиб кетмоқ, узоқ (олис)ларда юрмоқ; дайдимоқ. Невараси узоқ улоқиб, Қайтди бир кун унинг ёнига. У. Қўчкоров, Ҳаяжонга қўмилган дунё. Ёвуз кимсалардан қочиб, улоқиб, Кимлар ахтармаган бағрингдан макон. А. Орипов, Йиллар армони. Иш бўлмаган кезлари, марҳамат, ётиб дамингни ол, аммо зинҳор-базинҳор ўз ҳолинг-

га улоқиб кетма. Н. Норқобилов, Бекатдаги оқ уйча.

УЛОҚТИРМОҚ 1 Улоқмоқ фл. орт. н. *Бир хилига кўп подани боқтирган, Ёки тоққа, ё чўлга улоқтирган*. Эргаш Жуманбулбул ўғли.

2 Бирор томонга отмоқ, итқитмоқ. *Отликнинг қўлидаги қамчисини юлиб олиб, улоқтириб юборди*. С. Сиёев, Ёруглик. *Орадан дақиқа ўтмай, Танзиланинг қичқириғи, сўнг сувнинг шалоплашини эшишган Шерали рюкзагини улоқтириб, югурди*. С. Кароматов, Олтин қум.

З кўчма Суриб ташламоқ, йўқ қилмоқ. *Ичкилик, таъмагирлик Низомовни маданият бўйлимидан улоқтириб ташлади*. «Муштум». Шундек имму амалиёт билан кунлари ўтиб турган Меъмор бошига улкан ташвиши тушиб, ўғлининг ҳибс этилиши ҳаммасини бир томонга улоқтириб ташлади. Мирмуҳсин, Меъмор. ..иложи борича хушмуомала бўлиш, ўртадаги ноқулайликни осойишталик билан улоқтиришни ўйларди. Ж. Абдуллахонов, Хонадон.

УЛОҚЧИ 1 Улоқ чопадиган, улоқда чопидиган. *Унинг ҳаракати улоқчи ўигитларга ўхшаб кетди*. Ҳ. Назир, Ёнар дарё. *Бир улоқчи отим бор, Қорабайир зотидан*. З. Диёр.

2 Улоқ мусобақасида қатнашувчи, улоқ чопувчи киши. *Бу чол Гулистондагина эмас, бутун водийда «чавандоз» номини олган улоқчи эди*. И. Раҳим, Чин муҳаббат. *-Маҳкамабойваччанинг ота-бобоси улоқчи бўлиб келган-да!* – деди Собир тегирмончининг ўғли. А. Қодирий, Улоқда.

УЛОҚ-ҚУРОҚ Турли лаҳтаклардан улаб-куралган; улоқ-улоқ. *Улоқ-қуроқ* кийим.

УЛТОН шв. Қорамол терисидан тайёрланган, пишиқ, қалин чарм; тагчарм. *Нафсини тийған киши султон бўлур, Ҳом терини ийласанг, ултон бўлур*. Мақол. ■ Асов от бизни судраб кетарди. Ерга тиралаверганимиздан этигимизнинг ултони тарс-тарс айрилиб кетарди. С. Муродбеков, Ёвшан иси.

УЛУМ [а. علوم – «иљм» с. кўпл.] эск. кт. Илмлар, билимлар. Улум, фунуннинг қадр-қўйматини билган ота.. фарзанди аржумандига гўдакликдан гўзал тарбия, ҳусн-ахлоқ берган. Ойбек, Навоий.

УЛУС [мўф. – давлат; эл, ҳалқ] 1 *тар.* 11-12-асрларда мўгуллар давлатида маълум бир нўёнга (мўғул асилзодасига) қарашли ерларда унга тобе ҳолда кўчманчилик билан

ҳаёт кечирувчи катта-кичик оиласлар, уруғлар гуруҳи.

2 *тар.* Мўгуллар истилоси даврида босиб олинган худудлардан Чингизхон фарзандларига бўлиб берилган мулклар, кейинчалик мустақил давлатларнинг номи. *Чигатой улуси. Жўжи улуси*.

3 эск. Эл, ҳалқ, ҳалойик; одамлар. *Навоий она ватани, ўз улуси, ўз тилини жондан севар эди*. А. Қаюмов, Шеърият султони. Эй муллам, улуснинг дарди кўп, қай бирини айтайин. Ойбек, Навоий.

УЛУШ Нарсанинг кимсага тегишли қисми, бўлаги; ҳисса. *Чекишига ўрганганига бавзан афсусланганни учун, ичишдан тортинар, аксар вақт ўз улушкини Полвонга берарди*. Ойбек, Күёш қораймас. Ана шундай катта ишга муносиб улуш қўшиш ниятида ҳамюрларимиз астойдил ва мардонавор меҳнат қилмоқдалар. И. Раҳим, Қадриабад одамлар.

УЛУҒ 1 Эгаллаган ўрни, ҳажми фоят иирик; жуда катта, улкан, буюқ. *Келтирганлар иккисин боғлаб, Ташлаганлар улуг дарёга*. Файратий. Ҳотин.. асл ўрданинг улуг, муҳташам дарвозасига яқинлашгандан кейин ўнгдаги айри ўйлга бурилди. А. Қодирий, Мехробдан чаён. *Шу кеча ўйл тортиди.. чошкада [чошгоҳда]* улуг бир тоққа етди. «Ҳассанхон».

2 Куч-қудрат, имконият ва ш.к. жиҳатдан жуда катта имкониятларга эга; қудратли. *Шайбонийхон марказлашган улуг бир давлат тузишга интилар экан.. қўл остидаги одамларнинг ихлос ва эътиқодини ҳам қозонишига.. алоҳида эътибор берар эди*. П. Қодиров, Юлдузи тунлар.

3 Қадр-қиймати, аҳамияти ва ш.к. жиҳатидан юқори даражали; буюқ. *Бизнинг жамиятда инсон қадр-қиммати ҳар нарсадан улуг. Газетадан. Шоир учун бу оламда мухлиснинг ўҳтиромидан кўра улугроқ баҳт ўйқ. Газетадан. Инсондаги энг улуг фазилатлардан бири камтарлик ва oddийликдир*. Газетадан.

4 Салмоғи, кўлами, аҳамияти юқори бўлган; муҳим. *Сайдқосим улуг ишларни амалга оширувчилардан бўлгани учун қувонарди. «Ўзбекистон қўриқлари»*. Биз катта ишлар, улуг ўзгаришлар арафасида турибмиз. Газетадан.

5 Ўз қобилияти, хизматлари билан буюк ишларни амалга оширган ва ҳурмат-эътибор қозонганд; буюқ. Қадимги юнон мулкида

үтган дошишманд, ҳандаса шимига асос солған, ер ўлчашни ўргатган улуғ олим [Евклид]. М. Осим, Ибн Сино қиссаси. Улуғ шоир ҳайкали поэтига меҳр-муҳаббат ва чуқур эҳтиром рамзи сифатида гуллар қўйилмоқда. Газетадан.

6 Шундай улуғликни қайд этувчи сўз сифатида шахс билдирувчи сўзларга қўшиб ишлатилади. Улуғ амир. Улуғ Алишер. — Ишқилиб, худоин таоло улуғ сultonни паноҳида асрасин.. Мирмуҳсин, Меъмор. Бобур суратга [Навоий суратига] қараб туриб, ўзича сўради: «Улуғ амир, насиб қилса, ҳузурингизга борсан.. шебърият тилсимини очгучи калит берурмисиз?» П. Қодиров, Юлдузли тунлар. Демак, Низомиддин бу «ниҳоятда ҳавфли тўёда»га мансуб, улуғ ҳазрат жонига қасд қилганлар орасида бор.. Мирмуҳсин, Меъмор.

7 Раҳбар, бошлиқ, Илгарилари Бўтабойни, улуғимиз, деб юрадиган кишилар уни кўргандга, «бетинг қурсин», деб.. ўтиб кетадиган бўлиб қолишиди. С. Аҳмад, Ҳукм. Сўз сўзласа, дурри гавҳар сочилар. Ўрозали юртимизнинг улуғи.. «Ёдгор». Ия, ия, улуғ, Сиз ҳам шу гапни айтдингизми. С. Аҳмад, Ҳукм.

8 Улуғ (эркаклар ва хотин-қизлар исми).

УЛУҒВОР 1 Савлатдор кўриниши; салобатли; мұхташам. Нурота тизма тоғлари ўз гўзаллиги билан бағоят улуғвор, бағоят бетакрордир. Газетадан. Хива ва Кўхна Урганичинг улуғвор архитектура ёдгорликлари жаҳон маданияти хазинасининг энг ноёб дурданаларидан ҳисобланади. «Саодат».

2 айн. улуғ 4. Чўл бағрида чақнаб турган чироқларнинг.. ҳаммаси бир бўлиб, улуғвор шининг кенг миқёсда олиб борилаётганидан.. далолат беради. Ш. Рашидов, Бўрондан кучли.

УЛУҒВОРЛИК Улуғвор ҳолат, кўриниш. Бинонинг улуғворлиги. Режаларнинг улуғворлиги. — Қора атлас ҳамма қизларга ярашади. Маликага эса, бу либос алоҳида ҳусен, малоҳат ва улуғворлик бағишиларди. Т. Жалолов, Олтин қафас. Ниgora кечаси тоғ кўринишига афсонавий улуғворлик баҳш этиб, бир текис гувуллаётган бу шаршараға бориб, уни ўз кўзи билан кўришга аҳд қилган эди. С. Аноरбоев, Оқсой.

УЛУҒЗОДА Юқори мартабали улуғ кишининг фарзанди. Сен девонанинг боласи

дебимидинг, у ҳам подшонинг боласи, бир улуғзода. «Равшан».

УЛУҒЛАМОҚ 1 Улуғлигини қайд этмоқ, мадҳ этмоқ. Биз.. фидокорликни улуғлаб, бевафоликни ранж билан қаламга олдик. Газетадан. У ҳалқнинг яхшиликни улуғлаб айтган ҳикматли сўзлари ва.. мақолларини жуда усталик билан қайта ишлаб, ўз ижодида фойдаланган. «ЎТА». Ишқени улуғлаш Навоий ва бир қатор мутасавиғ шоирларда ҳам мавжуд. «ЎТА».

2 Шаън-эътиборини юқори даражага кўтармоқ. Мехнат инсонга фақат моддий фаровонлик келтирибгина қолмай, унинг мавнавий дунёсини бойитади, ўзини эса улуғлади. Газетадан. Эътиқод Али Кушчини инсон ва олим сифатида улуғласа, эътиқодсизлик мавлоно Муҳиддинни тубанлик жарига иритади. «ЎТА».

УЛУҒЛАШМОҚ 1 Улуғламоқ фл. бирг. н. Замондошлари ва қасдошлари ҳайрат ва ҳаяжон билан уни «жонли қомус» дея улуғлашар эди. Газетадан.

2 Улуғлик даражасига етмоқ, улуғ бўлмоқ. Вазифамиз улуғлашиди. — Ғоят катта бўлиб кетди бизнинг шишимиз, Улуғлашдик, улуғ бўлди ҳам хоҳишшимиз! Т. Тўла.

УЛУҒЛИК 1 Улуғ эканлик. Бунинг қанчалик улуғлигини хўрликни бошидан кечирган етимчагина билади. П. Турсун, Ўқитувчи.

2 Улуғ ҳолат, кўриниш, даража. Камтарлик, ақл-заковат кишиларга улуғлик бағишилайди. Газетадан. Бир қарашда у ўрта ёшли кўринса-да, заҳил рангига улуғлик бағишилаб турган пешона ажинларига.. қараб, элликлардан ошиб кетганини билиш қийин эмасди. Ҳ. Назир, Кўктерак шабадаси.

УЛУҒСИФАТ 1 Кўриниши улуғвор, салобатли, серсавлат. Йўлакка кирганидан сўнг ўзини дадил тутди, ҳатто икки томондаги қатор кетган эшикларнинг биридан чиққан улуғсифат бир одамдан Кенжанинг қайси уйда эканини тортинмай сўради. А. Қаҳҳор, Сароб.

2 Ўзини оғир, яхши тутадиган; ўзига ҳурмат уйғотадиган. Усокин, камтарин, муомалада нозик, лекин улуғсифат. Ойбек, Навоий.

УЛУҒСИФАТЛИК Улуғсифат ҳолат, қиёфа. [Салимжон] Ўзининг обрўйи, улуғсифатлигига қарамай, такаббур эмас, дилкаш, кўнглида кири ўйқ, инсониятпарвар. А. Қаҳҳор, Сароб.

УЛФАТ [а. – الفت – розилик; иттифоқлик, иноқлик; яхши күриш, меҳр, муҳаббат] 1 Сұхбат, зиёфат ва ш.к. да доимий бирга бўладиган кишилар бирлиги, шундай кишилардан иборат бўладиган йигин; улфатчилик. *Мирза сариқ қўшилган улфатдан тезда қутулиб чиқиш осон бўлмайди.* Шукрулло, Жавоҳирлар сандиги.

2 Шундай йигин, улфатчиликнинг ҳар бир қатнашчиси, аъзоси (бошқаларига нисбатан); жўра. *Қишининг узун тунлари бу ерда улфатлар гап ейишади.* П. Турсун, Ўқитувчи. *Салимбойваччанинг улфатлари бу ҳафта машҳур бир бойваччанинг даласида тўпланишлари керак эди.* Ойбек, Танланган асарлар.

3 Умуман, сұхбат, зиёфат ва ш.к. учун тўпланган (икки ва ундан ортиқ) шахслар, улардан ҳар бири (бир-бирига нисбатан). *Болтавойнинг ялласига қулоқ соладиган улфатлар чойхонани тарк этиб, урушга кетган.* С. Аҳмад, Қадрдон далалар. *Қараса, кабобпаз йигит: Ҳисоб-китоб қилинг-у, улфатингиз билан даф бўлинг, – деб турибди.* «Гулдаста».

4 айн. **Улфати.** *Хўжайин жуда улфат, дилкаш одам чиқиб қолди. Мен ишлайман, у бўлса чой қўниб бериб ўтиради.* Н. Сафаров, Оловли излар.

5 кўчма Доим бирга бўлувчи нарса; «шеприк». Бир қалам, оптоқ қоғоз бирлан сиёҳдан улфатим. С. Абдулла. *У мудир бўлган кундан бўён ароқ билан улфат тутиниб, босар-тусарини билмай.. юра берди.* «Муштум».

6 Улфат (эркаклар ва хотин-қизлар исми).

УЛФАТИ Улфатчиликни ўрнига қўядиган, улфатчиликка мойил. *У сўзамол, серҳаракат, ошналаридан ҳеч нарсани аямайдиган, қўли очиқ, улфати эди.* Мирмуҳсин, Меъмор.

УЛФАТЛАШМОҚ 1 Ўртоқ ёки ошна бўлиб қолмоқ; иноқлашмоқ; дўстлашмоқ. *Бора-бора жинни мени танидиган бўлди, улфатлашиди.* С. Айний, Эсадаликлар.

2 Улфатчилик қилмоқ, сұхбатлашмоқ. *Аваҳон Замон билан бир улфатлашайлик деб келса, Замон кулбасида иўқ.* «Нигор ва Замон».

УЛФАТЧИЛИК 1 Улфатлар йигини, зиёфати; улфатлар давраси. *У мингбошининг қайнағаси, улфатчиликда жўраси бўлса ҳам, «доддоҳ»ни.. ҳамиша шундай таъзим билан*

хурматлар эди. М. Исмоилий, Фарғона т.о. *Ёш, косиб кўндўз вақтларида ўз тенги косиблар қишида, улфатчиликда ундан ҳалиги достонларни ўқитиб эшиштар эдилар.* А. Қодирий, Обид кетмон.

2 Умуман, бир ёки ундан ортиқ киши билан биргалиқдаги маишатли сұхбат, шундай йигин. ..худонинг берган куни шу ерда, улфатчиликка муккасидан кетган, ўлгудек «ширин бола». А. Мухтор, Она-сингиллар. *Алимардан қанча май ичганининг, қанча аёллар билан улфатчилик қилганинг ҳисобига етмади.* Ў. Ҳошимов, Қалбингга қулоқ сол.

УЛЬТИМАТУМ [фр. ultimatum – қатъий, узил-кесил талаб < лот. ultimus – энг охирги] 1 ҳўқ. Бирон масала юзасидан бир давлат ҳукуматининг бошқа давлат ҳукуматига ёзма ёки оғзаки баён қилинган, ҳеч қандай баҳс ёки эътироғза ўрин қолдирмайдиган қатъий талаби. Ҳозирги шароитда дўклилар қилиш ва ультиматумлар қўйиш методи.. бутунлай яроқсиз воситадир. Газетадан.

2 кўчма с.т. Қатъий огоҳлантириш, талаб. Унинг ҳикоясини рақибининг «Гарде!» [«кишт»] деган ультиматуми кесиб қўйди. У фарзинини ўрнидан кўчирмаса, ютқазиб қўяди. И. Раҳим, Чин муҳаббат. Қаюмжон ажralиши ҳақида [Қорияхонга] ультиматум юборган эди. «Муштум».

УЛЬТРА- [лот. ultra – устида, юқори; чегарадан ташқари] Байналмилал ўзлашма кўшима сўзларнинг биринчи қисми: миқдор ва сифат белгиларига қўра мөъердан, ҳаддан ташқари; энг четки, охирги, ўта каби маъноларни билдиради, мас., ультрамикроскоп, ультратовуш каби.

УЛЬТРАБИНАФША [ультра + бинафша]: ультрабинафша нурлар физ. Спекттра бинафша ва рентген нурлари оралиғидаги кўзга кўринмайдиган нур (қишлоқ хўжалиги, саноат ва тиббиётда қўлланади).

УЛЬТРАМИКРОСКОП [ультра.. + микроскоп] Оддий микроскоп ёрдамида кўриб бўлмайдиган майда зарраларни ёритиб турриб кўришга хизмат қиласидиган оптика асбоб.

УЛЬТРАТОВУШ [ультра.. + товуш] Махсус аппарат ёрдамигина эшитиш мумкин бўлган ва тўлқинларининг тебраниш частотаси 20 килогерцдан юқори бўлган товуш; эластик тебранишлар (техника ва тиббиётда қўлланади).

УЛЬТРАҚИСҚА [ультра.. + қисқа]: ультрақисқа тұлқын Тұлқын узунлиги 1 миллиметрдан 10 метргача бүлгап радиотұлқынлар (телевидение, радиоалоқа ва ш.к. да құлланади).

УЛГАЙМОҚ 1 Балоғатта, вояга етмоқ, катта бўлмоқ. Кампир кўз олдига улгайган, кучга тўлган неварасини келтирди-ю, ийиб кетди. Газетадан. Мен унга «Бешикдаги бола улгайганда ким бўлиб чиқишини айтса оласанми» десам, «Қайдам, тарбияга боғлиқ», деди. Ҳ. Назир, Сўнмас чақмоқлар.

2 Ривожланмоқ, авжланмоқ. Гўза униб улгайган сари, паҳтакорнинг руҳидаги шодлик, кўнглидаги қувончни кўрсангиз! Н. Сафаров, Ҳадича Ахророва.

3 Кучаймоқ, зўраймоқ, ортмоқ. Отабекнинг юзидағи ўйчанликка разм қўйган сайин, Офтоб ойимнинг ҳалиги шубҳаси улгая борди. А. Қодирий, Ўтган кунлар. Хотин, гап улгаймасин дедими, қўлига илинган товоқ-қошиқларни олди-ю, ташқарига чиқиб кетди. Газетадан.

УМАРО [а. امراء — «амир» с. кўпл.] тар. Шоҳ (хон, амир) ҳузуридаги юқори мансабли шахслар. Дастлаб Исломхўжа, сўнгра уламо ва умаролар, барча аёёнлар [Исфандиёри] муборакбод қўлдилар. Ж. Шарипов, Хоразм. Бу хусусда умаромизнинг раъйларини билдиқ [деди подшоҳ Навоийга]. Ойбек, Навоий.

УМБАЛАҚАШМОҚ айн. умбалоқ ошмоқ қ. умбалоқ. Омонга қоқилиб, умбалакашиб тушибим. Ф. Үулом, Шум бола. [Тұхфа:] Тағин дараҳтдан умбалакашиб тушгани-чи! Капката бола. Ҳ. Назир, Чиранмағоз — ҳунаринг оз.

УМБАЛОҚ: умбалоқ ошмоқ. Бошини ерга тираб, орқасига ағдарилиб ўйнамоқ, думалоқ ошмоқ. Ўйинчилар.. симларда умбалоқ ошиб, турли-туман ўйинларни қилиб.. ёш болаларни ҳайрон қолдирар эдилар. М. Мұхаммаджонов, Турмуш уринишлари. Қўзабой.. ёнбағирдаги буталарга илина-илина, умбалоқ ошиб бориб, кўлга шалон этиб тушди. Ҳ. Назир, Сўнмас чақмоқлар.

УМБУРВОҚИ с.т. Умброқи. [Ўқтам] Полизга кириб, бирлас теваракқа қараб, тұні хунук битта умбурвоқини шартта узид чиқди. Ойбек, О.в. шабадалар.

УМИВАЛЬНИК [р. умывальник < умыть, умыться — «ювмоқ; ювинмоқ» фл.

дан ясалган от] Юз-қўл ювиш учун мўлжалланган жўмракли қурилма. Башорат умивальник ёнида юзига совун суркаб турган эди. А. Мухтор, Опа-сингиллар.

УМИД [ф. امداد — ишонч; орзу, тилак, истак] 1 Бирор истакнинг амалга ошишига бўлган ишонч; ишонч билан кутиш; эътиқод. Сиздан умидимиз катта. Сендан умидим шуми? ■ Таассуфки, отамнинг Азизбекдан бўлган умиди бўшга кетди. А. Қодирий, Ўтган кунлар ..бу камбағалчилик ёруғ дунёдан бўлган умидимиз эмас, ёруғ дунёдан бўлган умидимиз бу камбағалчиликни еб, кемириб ташлаётпти. А. Қаҳҳор, Кўшчинор чироқлари.

2 Бирор нарса қилишга, бирор нарсага эришишга бўлган ички интилиш, ички ҳиссиёт; истак, орзу, ният. Ҳаётни билиш ва ундан ўзининг лойиқ ўрнини топишга интилиш — ҳар бир кишининг умиди. Шуҳрат, Шинелли йиллар. Ўзганики бўлса ҳам, ўғил қилиб олайлик, деган умидда бола қидириб юрибмиз. И. Раҳим, Чин муҳаббат. Қизга отонаси катта умид билан Субҳ деб ном қўйган эканлар. Мирмуҳсин, Ал Маҳдий.

УМИД боғламоқ Орзу қилган нарсанинг амалга ошишига, бунда бирорнинг кўмагига умид билан қарамоқ. -Ким агар ғалабага умид боғласа, албатта, ғолиб келади, — деди Жўраҳон. Назармат, Жўрлар баланд сайрайди. Бобур мирзо ҳали ёшлиар. Мен ҳам шу зотга умид боғлаган эдим.. П. Қодиров, Юлдузли тунлар. **УМИД қўлмоқ** 1) айн. умид боғламоқ. Юртда адолатли давлат.. кўрмоқ орзусида бўлган Навоий Ҳусайн Бойқародан кўп нарса умид қиласр эди. Ойбек, Навоий; 2) орзусида (ниятида) бўлмоқ. Қудратли қанотингиз остида бирим икки бўлишини умид қилиб келдим. Ш. Рашидов, Бўрондан кучли.

3 Умид (эркаклар исми).

УМИДБАХШ [ф. اميدبخش — ишонч, умид бағишловчи] Кишида ишонч ва умид ҳосил қиласидиган; келажакка умид, ишонч билан қарашга ундейдиган; умид бағишловчи. Йўлчи бу гал ҳам касалнинг кўнглини кўтариш учун, унга таскин берувчи умидбахш сўзлар айтди. Ойбек, Танланган асарлар.

УМИДВОР [ф. اميدوار — ишонган, ишонувчи, ишончга тўла] Умид, орзу ифодаловчи; умидли. Икки лашкарбоши бир-бирига соғлиқ-саломатлик тилаб, ғалабамиз учун, дегандай умидвор сўзлар билан рюмкаларини

бирпасда бўшатдилар. З. Фатхуллин, Сўнмас юлдуз. Ҳар қалай, бу ишда унга устод Андуғоний кўмак бермоғидан умидвор эди. Мирмуҳсин, Меъмор.

Умидвор бўлмоқ айн. умид боғлатмоқ, умид қилмоқ қ. умид. Кўриқнинг шўрвасини ичганингиз етар, энди эски ернинг паловига умидвор бўлинг. Ш. Рашидов, Бўрондан кучли. **Умидвор қилмоқ** Орзу, ишонч кўзғамоқ, пайдо қилмоқ; умид боғлатмоқ. *Ирода билан эҳтиёт бўлиб сўзлашиши, уни умидвор қилиб қўймаслик кераклигини тушунарди Аҳмад.* Ф. Мусажонов, Ҳиммат.

УМИДВОРЛИК Умидвор ҳолат, умидли ҳолатда бўлиш, умид билан қараш. Ҳамзанинг ажойиб фазилатларидан бири – оптимизм. Умидворлик унга ҳамиша ҳамроҳлик қилган. Газетадан. *Мана шу умидворлик боисидан, танамизда жонимиз бор экан, курашамиз.* А. Ҳакимов, Илон изидан.

УМИДЛАНТИРМОҚ айн. умидвор қилмоқ қ. умидвор. Учрашуудан умидлантириди.

■ У юпатгучи сўзлар билан дўстини умидлантиришини истамади. Ойбек, Танланган асарлар.

УМИДЛИ 1 Бирор нарсадан умид қилалигидан; умидвор.

2 Келажагидан умид бор, келажагига ишонса бўладиган. ..келажаги энг умидли кўринган йигитга тегмоқчи бўлиб.. қаллиқ танлаётган қиз экан. П. Қодиров, Уч илдиз. Асранди қиз Роҳила ролини ўйнаган умидли санъаткор Р. Тўраевани ҳамма ҳурматлади. Газетадан.

Умидли дунё Ҳаётда ишонч, умид билан яшаш лозимлигини, умидсизланмасликни қайд этувчи ибора.

УМИДСИЗ 1 Умид узиб, умидсизлик билан, ноумид. У ўғлининг қутулиши ўйлида ҳар бир мулоҳаза кўчасига кириб чиқмоқда, аммо ҳар бирисидан ҳам бўш ва умидсиз қайтмоқда эди. А. Қодирий, Ўтган кунлар. *Унинг [Тоҳиржоннинг] катталашган қора кўзлари чироқда аллақандай умидсиз, лексин маънодор ёнади.* Ойбек, Танланган асарлар.

2 Келажакка бўлган ишонч ва умидини йўқотган, келажақдан умидини узган. Умидсиз киши.

УМИДСИЗЛАНМОҚ Умидсиз ҳолга тушмоқ, умидини йўқотмоқ. *Сен биринчи марта қийноққа дуч келдинг, умидсизланма!* Ноумид шайтон.. И. Раҳим, Чин муҳаббат.

УМИДСИЗЛАРЧА Умидсиз ҳолатда, умидсизлик билан. *Али тажсанг умидсизларча қўлини силкиб, туриб кетди.* Ойбек, Қуёш қораймас.

УМИДСИЗЛИК Умидсиз ҳолат. Қизнинг юзида умидсизлик белгилари йўқ; у кулар эди. А. Қаҳҳор, Сароб. *Бу саволдан хотиннинг юзига умидсизлик туси кирди.* А. Қодирий, Ўтган кунлар. *Сенга берадиган маслаҳатим ва насиҳатим шуки, умидсизликка тушма.* С. Айний, Қуллар.

УММАТ [а. ۲۷ – халқ, миллат; маълум динга эътиқод қилувчи жамоа] 1 дин. Мадинада Муҳаммад пайғамбар изидан борган ва ислом динини қабул қилган кишилар жамоаси; мусулмонлар. Яхши ўйлаб, чораларини топиш лозимдирки, ислом уммати саҳобалардек чуқур, имон ва завқ-шавқ билан ўз бурчларини бажарсинглар. Ойбек, Нур қидириб. *Каломи шарифни неча бор ҳаттм қилганман. Пайғамбаримиз Муҳаммад алайхиссаломга умматман.* К. Яшин, Ҳамза.

2 Уммат (эркаклар исми).

УММОН [а. عَمَان – Уммон мамлакати ва уни ўраб турган қирғоқ (қўлтиқ) номидан: денгиз, океан] 1 эск. Денгиз, океан. *Машриқ мамлакатларидан бирида ҳудудсиз уммонлар орасидаги мўъжазгина бир оролда.. мўъжиза бир дараҳт ўсармиш.* О. Ёкубов, Кўхна дунё.

2 кўчма Бирон-бир ҳолат, жараён, ишфаолият доираси, соҳаси. Ҳаёл уммони. ■ *Ёшлигидан савдо уммонида сузуб, шу соҳанинг баланд-пастини хўп эгалаган.* А. Ибодинов, «Латофат» дўқонидаги қатл.

УМОЧ Уваланган ҳамир солиб пиширилган суюқ ош. *Арслонқул.. заранг товоқдаги умочни катта қошиқ билан хўр-хўр ичди.* Ойбек, Навоий. *Атала, умоч.. каби суюқ ошларнинг масаллиги камчил бўлганилиги сабабли.. «камбағал овқати» деб юритиларди.* К. Маҳмудов, Ўзбек тансиқ таомлари.

УМР [а. عمر – яшаш, ҳаёт; ёш, яшаш муддати] Туғилгандан то ўлгунгача бўлган давр, яшаш муддати, шу муддат давомидаги ҳаёт, яшаш. *Узоқ умр кўрмоқ.* Умрининг охри. *Семиз қўйнинг умри калта.* Мақол. ■ *Ҳазратим, мен мунгли қизингиз сизга худодан Шайх Саъдийнинг умрини тилабман!* Илоҳим, юзга киринг! П. Қодиров, Юлдузли тунлар. «..саховатли Меъмор ҳазратларининг умрлари узоқ бўлиб, доимо сиҳат-саломат

бўлсинлар», деб дуо қиларди. Мирмуҳсин, Меъмор. Шундай кўркам, доно, тадбири хотиннинг умри эрсиз ўтиб кетаётганига баъзилар ачинса, баъзилар таажжусубда эди. Ҳ. Шамс, Душман.

2 Умуман, ҳаёт, яшаш. Инсонга умр бир марта берилади. Ичкилик – умрнинг эгови. Соғлик – умрнинг гарови. Бирорвага ўлим тилагунча, ўзингга умр тила. Мақол.

Бир умр Умр давомида, умр бўйи. **Бойлик** ботқоқса ўхшаган нарса. Домига бир тортса, бир умрга гарқ бўлиб кетишинг турган гап. Ф. Мусажонов, Ҳиммат. Заргаров ҳам бир умр кутган.. А. Мухтор, Бўронларда бордек ҳаловат. **Умр берса** Яшатса. Худо умр берса, ўйлинг ҳали олис. С. Сиёев, Ёруғлик. **Умр бўйи** айн. бир умр. Суннатулло маҳсум умр бўйи савдо соҳасида ишласа ҳам.. ибратли ҳикоя ва шеъларни биладиган киши эди. Шукрулло, Жавоҳирлар сандиги. **Умр йўлдоши** қ. йўлдош. Ушибуни кўрсатувчи Марасул Ҳузуржоновни тегишли умр йўлдоши ўртоқ Насибахон Асқарова билан тегишли дафтариниздан ўтказиб. А. Қаҳҳор, Оғриқ тишлар. **Умр кечирмоқ** 1) умр ўтказмоқ, яшамоқ. «...агар (одам) одам боласига ўхшаб умр кечираман деса, унга шунча кўп нарса керак бўлар экан!», – деб кулар эди. А. Қаҳҳор, Кўшчинор чироқлари; 2) айн. **умр қилмоқ**. Бир хотин билан муҳаббатли умр кечирмоқ, менимча, энг маъқул иш. А. Қодирий, Ўтган кунлар. **Умр кўрмоқ** Ҳаёт кечирмоқ, яшамоқ. Узоқ умр кўриб, баҳтсаодатли яшаётган кексаларимиз фаровон ҳаётимизга файз-тароват бағишилаб туришибди. Газетадан. **Умр сурмок** Умр ўтказмоқ, яшамоқ (одатда, яхши, баҳтили умрга нисбатан қўлланади). Дунёда яхши умр сурдинг, ор-номусли, адолатли яшадинг.. Т. Обидов, Юсуфхон қизиқ. **Умр қилмоқ** Эрхотин бўлиб яшамоқ. -Тенгингэ эмас, қизим! Сенинг илминг катта, уники кичик. Умр қилиб кетолмайсизлар, – деди онаси Ҳуснияга. М. Исмоилий, Одамийлик қиссаси. **Умри бино бўлиб қ. бино.** Ёдгор умри бино бўлиб баҳорнинг кириб келишини шу қадар дикқат билан кузатмаган экан. Ў. Ҳошимов, Қалбиннга қулоқ сол. **Умри боқий** Доимий ҳаёт, ўйқ бўлмайдиган. Инсоният қалбини мунаввар этадиган эзгуликнинг – шеъриятнинг умри боқий экан, демак, шоир умри ҳам боқий. Газетадан. **У баъзан..** Шоҳруҳни дуо қилар,

юртда тинчлик бўлса, умри боқий бинолар қуриб юришини ўйларди. Мирмуҳсин, Меъмор. **Умри қисқа** Кўп яшамайди, узоққа бормайди, тез барҳам топади. Туҳматнинг умри қисқа.

УМРА [а. + عمره – кичик ҳаж] Ислом анъанасида кичик ҳаж; Қуръон ояти ва Пайғамбар алайҳиссалом суннати билан собит бўлган амал (Умрани йил-ўн икки ой бажариш мумкин).

УМРБОД [а.+ф. < عمر باد – абадий умр, умр бўйи] рвш. **1** Ҳаётининг охиригача, ўлгунга қадар; ўлгунича. Борди-ю, Элмурод қасос олса, бу сир унга, Мұхаррамга умрбод сир қолиб кетар, мотам тутар. Шуҳрат, Шинелли йиллар. Нигорага бора-ман: оёғига тиз чўкиб, умрбод юрагимни сизга бағишиладим, дейман. С. Анорбоев, Оқсой.

2 Ҳамма вақт; мангу, абадий. Сайр этайлик, кел бирга, эркам, Рози кетсин биздан умрбод – Шодлик учун яралган олам, Севмоқ учун берилган ҳаёт. Э. Воҳидов.

УМРБОҚИ [а. + ф. عمر باقى – абадий, узоқ умр] Қовуннинг пўчоғи қалин, сарғиш-қўкиш бўлиб, қишига сақланадиган кечпишар хили. Вали ака ўғлига бир коса умрбобқидан узатиб: -Мана буни еб олинг, ўғлим.. – деди. М. Исмоилий, Фарғона т. о.

УМРГУЗАРОНЛИК [а. + ф. عمر گذراندن – «умр ўтказмоқ» фл. дан] эск. Ҳаёт кечириш, яшаш. Умргузаронлик борасида Курбон чаққоннинг ўз фалсафаси, ўз ўйли бор. Й. Шамшаров, Тошқин. Йўл азоби орқада қолиб кетди, энди жаннатмонанд пойтакхитимиз Газнада роҳат-фарогат билан умргузаронлик қилинглар. М. Осим, Карвон йўлларида.

УМРДОШ кам қўлл. айн. **умр йўлдоши** қ. йўлдош. Ҳозир Масбуда опа соғ-саломат ўз уйида, болалари, садоқатли умрдоши, оиласи бағрида ширин ҳаёт кечиряпти. Газетадан.

УМРДОШЛИК Бирга ҳаёт кечириш, эрхотинлик. Умрдошлик савдоси – қийин савдо, уни обдан ўйлаб, сўнг оила қасрини қурмоқ керак. Газетадан. Ўзининг.. алданганини, уларнинг умрдошлик биноси қум устига қуррилганини, энди унинг бутунлай нураб бўлганини тушунди. Шуҳрат, Жаннат қидирганлар.

УМРЛИ Маълум муддат яшайдиган, умр кўрадиган. Узун умрли. Қисқа умри. ■ У [Худойқўл] Мадаминсиз ҳам ўз тирикчилиги ўтиши мумкинлигини англамади. Унга хўжса

остонаси умрли макон бўлиб кўринди. П. Турсун, Ўқитувчи.

УМРЛИК Умрининг охиригача, умр бўйи; абадий. Миршабга пора бериб, ўлим жазосидан қутулиб, умрлик қамалганлар бор. С. Айний, Жаллодлар. У ердан отини миниб, умрликка Марғилон билан видолашмоқчи эди. А. Қодирий, Ўтган кунлар.

УМСУНМОҚ Эмчаги сутга тўлиб, эмизишга эҳтиёж сезмоқ (эмизикли хотин ҳақида).

УМТИЛМОҚ шв. Интилмоқ, ҳаракат қилмоқ. Гўё маҳфий бораётган синфий куршининг кашагини очишига умтилгандай тушилди бу муштлаш. Ҳ. Шамс, Душман.

УМУМ [а. عموم – умумийлик, оммавийлик; ҳартомонламалик; барча, ҳамма] Одамлар, жамоат; ҳалойик; кўпчилик. Умум фойдаси учун ишламоқ. — Етмаса, сени қўлга тушириб, умум олдида шармандангни чиқариб, очиқ суд қилсин. З. Сайд, Н. Сафаров, Тарих тилга кирди. Энди ингреган ёки, мадорсиз бўлса ҳам, умумдан ажralmaslik учун, ҷала-чулта ўралган яраларидан қон оқизиб, судоралиб бораётган ярадорлар кўпгина эди. Ойбек, Қўёш қораймас.

УМУМ- [а. عموم] Кўшма сўзларнинг таркибий қисми бўлиб, жамоатга, ҳаммага, кўпчиликка тегишли эканликни, муштаракликни билдиради, мас., умумхалқ, умумитифоқ, умумшилий.

УМУМАН [а. Ҳомон] рвш. 1 Асос эътибори билан, асосан. Мақола умуман яхши таассурот қолдирди. — Унинг [Унсингин] умуман юз бичими келишган эди. Ойбек, Танланган асрлар. Умуман картошкачиликда калий ўғитларига алоҳида эътибор берилади. «Фан ва турмуш».

2 Мутлако, бутунлай. Бу ишдан умуман хабарим йўқ. — Отам менга умуман гапирмас, онам ҳам кўпинча уннутиб қўяр эди. Ў. Ҳошимов, Қалбининг қулоқ сол. Қирқинчи йиллардан кейин эса умуман геологлар бормаган. С. Кароматов, Олтин қум.

УМУМБАШАРИЙ [умум.. + башарий] Бутун инсониятга, одамзодга оид. Тарихда шундай шахслар бўладики, уларнинг аҳамияти.. бир ва бир неча мамлакат доирасидан ташқарига чиқади, дунёвий аҳамият касб этади, умумбашарий бўлиб қолади. В. Зоҳиров, Ўзбек адабиёти тарихидан.

УМУМДАВЛАТ [умум.. + давлат] Давлат миқёсидаги, давлат учун умумий. Умумдавлат манфаатларини кўзламоқ. — Театр умумдавлат ишининг бир қисми бўлиб қолди. Ҳ. Носирова, Мен ўзбек қизман.

УМУМДЕМОКРАТИК [умум.. + демократик] Барча демократик кучларни ўз ичига олган, барча демократик ташкилотлар учун умумий.

УМУМИЙ [а. عمومی – ҳаммага оид, талуқли, универсал] 1 Ҳаммага оид, ҳаммага тегишли; ҳамма учун хизмат қиласидан; ягона. Умумий мажслис. Умумий мажбурий таълим. Умумий тил. Умумий ҳарбий хизмат. — Онгли интизом, умумий иш учун масбулий туйғуси меҳнат унумдорлигини оширишга ёрдам беряпти. Газетадан.

2 Бирор нарса, ҳодиса ва ш.к. нинг барча қисмлари, соҳалари, тармоқлари учун бир хилда тегишли бўлган, барчасини қамраб олевчи. Умумий сарлавҳа. Умумий рўйхат. Умумий хуроса. Тил тараққиётининг умумий қонуниятлари.

3 Муайян бўлмаган, аниқ бир нарса ҳақида тушунча бермайдиган. Умумий тасаввур. Нотик умумий гаплардан нарига ўтмади.

4 Умуман хисобга олгандаги ҳаммаси; бутунича, ялпи. Умумий маҳсулот. Умумий фойда.

УМУМИЙЛИК Ўзаро умумий белги-хусусият; ўзаро бир хиллик. Вазифанинг умумийлиги. Манфаатларнинг умумийлиги. — ..тил билан нутқ умумийлик билан хусусийликнинг диалектик муносабатида бўлиб, улар бири иккинчисига ўтиб турадиган ҳодисалардир. «ЎТА».

УМУМЛАШМА 1 Умумий белги-хусусиятларни акс эттирувчи, шундай белги-хусусиятларни ўзида жамлаган. Султонмурод ўша замонда кўплаб учрайдиган илгор илм кишиларининг умумлашма образидир. Газетадан.

2 Умумий белги-хусусиятларни қайд этувчи фикр, нуқтаи назар. Матбуот ҳодимлари.. ҳаёт жараёнларини ҳозир ҳар қадонгидан ҳам чуқурроқ ўрганишлари лозим. Бусиз жиiddий умумлашмалар чиқаришга умид боғлаб бўлмайди. Газетадан. Ҳар қандай назарий фаолият қонуниятлар жорий қилишга ва назарий умумлашмалар яратишга зарурат сезади.. F. Саломов, Таржима назариясига кириш.

УМУМЛАШМОК 1 Умумий хуросага келмоқ, хуросаланмоқ, якунланмоқ. Фикр умумлаши. *Умумлашган тажриба.*

2 Умумга, кўпчиликка, ҳалққа тегишли бўлмоқ, ҳалққа хизмат қиласидиган бўлмоқ, ҳалқ мулкига айланмоқ. *Хусусий хўжаликлар умумлаши.* [Мавлонов:] Аввал колхоз тузиб, ерларни белгилаб олинглар-чи, тракторга умумлашган катта ер керак. П. Турсун, Ўқитувчи.

Шахси умумлашган гап тли. Мазмунан ҳар учала шахсга тааллуқли гап.

УМУММИЛЛИЙ [умум.. + миллӣ] Бутунича миллатга, шу миллатдаги кишиларнинг барчасига тааллуқли, миллат учун умумий. *Умуммиллий тил.* Умуммиллий бойлик.

УМУМПАРТИЯВИЙ [умум.. + партиявий] Бутунича партияга тааллуқли, партия учун умумий. *Умумпартиявий иш.*

УМУМРЕСПУБЛИКА [умум.. + республика] Республикага тааллуқли, республика учун умумий; бутун республикага ёйиладиган, тарқаладиган. *Умумреспублика бадший ҳаваскорлик кўриги.*

УМУМХАЛҚ [умум.. + ҳалқ] Бутун ҳалққа тааллуқли, бутун ҳалқ учун умумий. *Умумхалқ мулки.* Умумхалқ намойиш. Умумхалқ байрами. [Чўлни ўзлаштириш умумхалқ ҳашари деб эълон қилингач, турли шаҳар ва қишлоқлардан одамлар бетўхтov кела бошлади. «Ўзбекистон қўриқлари».

УМУРТҚА қ. умуртқалар.

Умуртқа погонаси Одам ва умуртқали ҳайвонлар скелетининг умуртқаларнинг ўзаро устма-уст қўшилишидан вужудга келадиган асосий қисми (унинг бўйин, кўкрак, бел, думгаза ва дум бўлимлари бор). **Умуртқа канали** Ҳамма умуртқалар тешикларининг бирлашишидан ҳосил бўлувчи канал (орқа мия шу каналда жойлашган бўлади). **Умуртқа тешиги** Умуртқа танаси билан унинг равоги ўртасидаги тешик.

УМУРТҚАЛАР *анат.* Одам ва умуртқали ҳайвонларнинг умуртқа погонасини ташкил этадиган қалта ғовак сүяклар (одам умуртқаси тана, равоқ ва ўсиқлардан иборат).

УМУРТҚАЛИЛАР зоол. Гавдани тутиб турувчи умуртқа погонаси бўлган ҳайвонлар гуруҳи.

УМУРТҚАСИЗЛАР зоол. Жониворлар оламининг умуртқа погонаси бўлмаган гуруҳи.

УН I 1 Турли экинлар донини, асосан буғдойни тегирмонда тортиш ўйли билан олинадиган куқунсимон озуқа. *Буғдой уни. Жўхори уни. Оқ уни. Кепакли уни.* — *Бостирмада Зиёдахон супра ёзиб, ун элаб ўтирап эди.* А. Қаҳҳор, Қўшчинор чироқлари. *Уқайроқи буғдой унидан ёғлиқ патир, сомса ёди, қатлама пиширди.* И. Раҳим, Чин муҳаббат. *Жаннат хола шошиб ун чалиб, қуймоқ солди-да, болтани қўлига олиб, тўқайга қараб кетди.* С. Аҳмад, Уфқ.

2 Куқун ҳолига келтирилган маҳсулот. *Картоска уни. Суяк уни. Фосфор уни.*

Кулогига ун босмоқ Эшитмайдиган, кар бўлиб қолмоқ. [Хонзода:] *Кулогингга ун босдингми, етимча, етти қулча!* Чилим! Ҳамза, Бой ила хизматчи. *Бу ўзи қандай одам, қулогига ун босқанму?* А. Қодирий, Мехробдан чаён.

УН II эск. шв. Товуш, овоз. Анчадан сўнг ишларнинг уни ўчди. С. Аноरбоев, Оқсой. *Овозини эшитиши учун томогига зўр бериб кўради.* Фақат қандайдир хирилдоқ ун чиқади. С. Азимов, Оппоқ тонг қўшиғи.

УНАМОҚ Бирор иш, илтимос, талаб ва ш.к. га розилик билдиримоқ; рози бўлмоқ, кўнмоқ. *Мулла Икром қийиқ одам бўлганиданми ёки касби шуни лозим кўрганиданми, муросага унамади.* Ойбек, Танланган асарлар. *Менинг маслаҳатимга Омон, Омоннинг маслаҳатига мен унадим.* Ф. Фулом, Шум бола. [Күшбеги:] *Бўйруғимни қўрбошига айтсанг, унар!* А. Қодирий, Ўтган кунлар.

УНАР-УНМАС Унча аҳамияти бўлмаган, арзимаган нарса, бўлар-бўлмас. [Ҳасанали:] *Унар-унмасдан баҳс қилиб, ниҳоят, бу унар-унмаснинг охирига шу савонни ҳам улаб юборди:* -*Бу гал Марғилонга кечикдингизми?* А. Қодирий, Ўтган кунлар. *Бора-бора ўша,* «мусичадай беозор» эр тириқлик қилиб, унар-унмасга *Шаҳодатни ураверадиган бўлди.* «Муштум».

УНАШМОҚ 1 Унамоқ фл. бирг. н. Улар ярашишга унашиди. *Болалар уйда қолишига унашади.*

2 Хотин қилиб олиб бериш, хотинликка бериш учун ўзаро келишмоқ. *Отамга.. Ҳамроҳоннинг қизи Зеваройни унашганлар.* С. Айний, Эсадаликлар. *Энди қизни Олаҳўжанинг ўғлига унашибди, деб эшиждим.* М. Жўрабоев, М.Б. мартабаси. *Отабек гангид, шо-*

шиб сўради: -Қайси қизига унашиб келдингиз? А. Қодирий, Ўтган кунлар.

УНАШТИРИШ этн. Никоҳ тўйидан олдин йигит ва қиз томоннинг розилигини расмийлаштириш, халққа маълум қилиш учун ўтказиладиган маросим.

УНАШТИРМОҚ айн. **унашмоқ** 2. Она-сини қўлга олиб, қизнинг ўзини алдаб-сулдаб, юқори қишилоқдаги бир бадавлат одамнинг ўғлига унаштириди. П. Турсун, Ўқитувчи.

УНАҚА с.т. Ундаи. [Йўлчи:] Ёрмат ака, эртага борамизми, унақа одамлар жуда кекчи бўлади-ку? Ойбек, Танланган асарлар. Унақа олифта бўлса, келмасин эди! Ярашагни келганми, ўй кўргани келганми? А. Қаҳдор, Кўшчинор чироқлари.

УНАҚАНГИ айн. **унақа**.

УНВОН [а. عنوان – адрес; сарлавҳа, ном; белги, рамз] 1 эск. Мактуб устига ёзилган ном, қаерга, кимга жўнатилганлик ҳақида-ги ёзув. Кумуш хатни хотиннинг қўлидан олиб, раҳмат айтди ва хатнинг унвонига кўз ташлади: «Марғилон шаҳрида сокин Мирза-карим қўтидор ҳовлисига». А. Қодирий, Ўтган кунлар.

2 Бирор иш-фаолият соҳасидаги алоҳида хизматни ёки мутахассислик даражасини расман эътироф этадиган, ваколатли ор-ганлар томонидан белгиланадиган ва бериладиган ном. Профессорлик унвони. Халқ артисти унвони. ■ Эртасига.. келиб, уни лейтенант унвони ва взвод командири вазифаси билан табриклиди. Шуҳрат, Шинелли йиллар.

3 эск. Мерос бўлиб келадиган ёки иш-вазифа даражасини кўрсатувчи, шунингдек, инъом қилинган хурматли, фахрий ном. *Князлик унвони.* ■ Қорилик унвонини олиш учун мен ҳам бел боғлаган эдим. М. Муҳаммаджонов, Турмуш уринишлари. Бухорога келиб, Зулфиқор билан Завракка «уста» деган унвон берилди. Энди улар мустақил иш қилишлари мумкин эди. Мирмуҳсин, Меъмор. Подиоҳ оиласи Қосимбекка алоҳида эътиром билдирганда, унинг номига «амирлар амири»деган унвон қўшиб айтар эди. П. Қодиров, Юлдузли тунлар.

УНГУР Тоғликлардаги тик ўйиқ жой; унча чукур бўлмаган фор. Қайси бир унгурдан ўйртқич қушнинг қўйқириғи эшишилиб, акс садо беради. Ж. Абдуллахонов, Орият. Унгурлар қурилиши ишлари (йўл қуриш, газ ва нефть

қувурлари ўтказиш)га салбий таъсир кўрсатади. «ЎзМЭ».

УНДА 1 У олмошининг ў.-п. к. шакли. Унда ҳеч қандай айб ўйқ. ■ Портретни сукланниб томоша қилувчилар унда бир камчилик кўришар, бу ҳам бўлса, жонон қизнинг кўзойнаги эди. М. Хайруллаев, Тилла маржон.

2 У ҳолда, ундаи бўлган тақдирда. Дунёни кезиши билан шоир бўлиши мумкин бўлса, унда Али проводник шоир бўлиши керак: бутун мамлакатни кезиб чиқкан. Шукрулло, Жавоҳирлар сандиги. ..Унда тўғри бизникига кетдик. С. Сиёев, Ёруғлик.

УНДА-БУНДА 1 Бир-биридан анча узоқ масофада жойлашган, оралиги бир-биридан узоқ бўлган; у ер-бу ерда. -Бу атрофда сув ўйқми? -Сув қаёқда? Унда-бунда қудук бор дейишади. Ж. Абдуллахонов, Тўғон. Унда-бунда тўп-тўп сада, уларнинг орасида оппоқ гуллаган ўриклардан бошқа ҳеч нарса кўринмайди. Ойдин, Гулсанам. Унда-бунда ёввойи эчиларнинг изларигина кўзга ташланади. С. Кароматов, Олтин кум.

2 Баъзи вақтлардагина; баъзан, тоҳо-гоҳо. [Ёрмат:] Ўз декчамизни ўзимиз қайнатамиз. Хўжайиннинг қозонидан унда-бунда бир томмасак.. мойсиз бўлса ҳам, ўз декчам яхши. Ойбек, Танланган асарлар. Иш давомида унда-бунда бегона сўзларни эшишиб, кейин эса китоб таталаб, инглизчани бир оз билди олдим. «Гулдаста».

УНДАЙ кўрс. олм. У каби, ўшанга ўхшашиб; унақа. [Элмурод:] Иштаҳасини бўғиб қўйши керак ундаи одамларнинг. П. Турсун, Ўқитувчи. [Тавҳидий:] Яъни сен ҳам им, деганингизми бу!? Мирза Баҳром ундаи маъно чиқишини сира кўзда тутмаган экан, ўсал бўлди. А. Қаҳдор, Миллатчилар. Бироқ Шарофат ундаи қилмади. У ўзини ерга отиб урди-ю, худди илон чаққандай тўлғаниб, ўиги бошлиди. А. Қаҳдор, Кўшчинор чироқлари.

УНДАЛМА, ундалма сўз тлиш. Сўзловчининг нутқи қаратилган бошқа бир шахс ёки предметни билдирадиган сўз ёки сўз бирикмаси. Ҳуш, Темир Мардонов, бу гапга сиз нима дейсиз? К. Яшин, Пъесалар.

УНДАМОҚ Бирор иш, ҳаракатни баражишига чақирмоқ; даъват этмоқ, тақлиф қилмоқ. Виждоним, бутун фикрим мени масалани худди ана шундай узил-кесил ҳал қилишга ундар эди. М. Жабборов, Севинч ёшлари. Уни қандайдир бир куч борган сари

Инобатни ҳурматлашга ундарди. Ж. Шарипов, Саодат. **Кимдир курси олиб келиб, ўтиришга ундар, Меъмор бўлса, бош иргаб ташаккур айттар-у, ўтирмас..** Мирмуҳсин, Меъмор.

УНДА-МУНДА с.т. Унда-бунда. Қирғоқда мажнунтол, унда-мунда терилмаган жийдалар маржондай қизариб турибди. Файратий, Узоқдаги ёр.. ўзининг унда-мунда бўлса ҳам ичишини пайнаслаб гапириши отамга хуш келмасди. Шукрулло, Жавоҳирлар сандиги.

УНДАН-БУНДАН 1 Турли нарсалардан сайлаб. Ўзи ҳеч нимани истамаса ҳам, қиз тортинмасин, деб ундан-бундан емакка уринди. Ойбек, Танланган асарлар.

2 Турли мавзуларда, ҳар тўғрида. Ундан-бундан сўзлаб ўтиради. — Гоҳо маҳалланинг бекорчилари киради. Ундан-бундан гаплашиб, баъзилари эрмак учун маҳсиларни бўяб, пардоzlаб ўтирадилар. Ойбек, Болалик.

УНДОВ Ҳаракат қилишга таклиф, чақириқ; бўйрук, амр. Қалб ами, виждон ундови.. билан урушга жўнаган саноқсиз шерзод баҳодирларимиз орасида.. журналист ҳам-касларимиз ҳам оз эмасди. Ҳ. Тожибоев, Жанговар қаламкашлар.

Ундов белгиси тли. Ундов гап охирига кўйиладиган белги(!). **Ундов гап тли.** Ҳис-ҳаяжон ифодаловчи гап. **Ундов сўз тли.** Ҳис-ҳаяжон, ҳайдаш, чақириқ каби маъноларни ифодаловчи сўз, мас., тисс, чу, оҳ,вой.

УНДОВЧИ 1 **Ундалоқ** фл. сfdш. Ёхуд қари отасининг сабр-бардошга ундовчи насиҳатлари.. ўйлига гов эди. С. Сиёев, Ёргулик.

2 этн. Тўй куни келиннинг ота-онаси томонидан кўёв ва унинг меҳмонларини келиннинг уйига таклиф қилиш учун юбориладиган вакил.

УНДОШ: ундош товуш тли. Оғиз ва бўғиз бўшлиғида турли тўсиқларга учраб ҳосил бўладиган, таркиби фақат шовқиндан ёки овоз ва шовқиндан иборат бўладиган товуш. Мас., б, в, д товушлари.

УНДОҚ с.т Ундей. -Ҳа-ҳа, ундоқ дегин, — деди Ефим Данилович чўзиб, гўё мушкул бир масалани зўрга тушуниб олгандай. А. Мухтор, Опа-сингиллар.

УНИВЕРМАГ [р. «универ(альный) магазин»] бирикмасининг қисқартмаси] Хилма-хил кенг истеъмол товарлари (кийимлар, уй жиҳозлари, хўжалик товарлари),

жумладан, озиқ-овқат маҳсулотлари билан савдо қилувчи чакана савдо корхонаси. **Марказий универмаг.** — Домла бозор қилишни, магазинга кириши жинидан баттар ёмон кўрар эди, кимдир уни универмагда.. кўрибди. А. Қаҳҳор, Тўйда аза.

УНИВЕРСАЛ I [лот. universalis – умумий, кенг қамровли, кўп томонлама] 1 Кўп ёки ҳамма нарсани ўз ичига қамраб олган; ҳар тарафлама. Универсал билим. Универсал билимга эга одам. Универсал магазин. — Сайдий маълумот жиҳатидан универсал бўлиши ни яхши кўради. А. Қаҳҳор, Сароб.

2 Бир неча хил ишни бажаришга мосланган. Универсал станок.

УНИВЕРСАЛ II с.т. Бир неча хил ишни бажара оладиган трактор. Культивация қилиб, жўяқ оладиган универсал иши устидан алоҳида назорат ўрнатилди. Ш. Рашидов, Бўрондан кучли. Универсалнинг тишили катта ғидираклари ҳовлини теша билан чопгандай қилиб юборибди. М. Мансуров, Ёмби.

УНИВЕРСАЛЧИ Универсални бошқарувчи шахс (қ. универсал II).

УНИВЕРСАМ [р. «универса(льный) м(агазин)» бирикмасининг қисқартмаси] Озиқ-овқат маҳсулотлари, шунингдек, баъзи бир хўжалик товарлари билан савдо қилувчи, истеъмолчилар талабларини тўла таъминлаш учун хизмат қиласидиган йирик магазин.

УНИВЕРСИАДА [университет + (олимпиада)] 1 Талабаларнинг бутунжаҳон спорт мусобақалари.

2 Ўзбекистонда: «Талаба» спорт ўюшмаси ташкил қиласидиган оммавий мусобақа. «Универсиада-2002» мусобақаларининг сўнгига шаҳарнинг марказий стадионида спорт шонширафи музейи очилди. Газетадан.

УНИВЕРСИТЕТ [нем. Universität < лот. universitas, universitatis – жами, барчаси; йиғинди, мажмуя] 1 Таркибида бир қанча табиий-математик ва ижтимоий-гуманитар йўналишдаги факультетлари бўлган, айни йўналишларда юқсак малакали мутахассислар тайёрлайдиган кўп тармоқли олий ўқув-илмий муассасаса. Ўзбекистон миллий университети. Университетга кирмоқ. — Мен сизни университетда ўқитаман, аспирантурада ўқитаман. А. Қаҳҳор, Оғриқ тишлар.

2 Умумий маълумотни ва сиёсий билимни ошириш соҳасидаги бир қатор ўқув муассасаларининг номи. Ҳалқ университети.

З кўчма Билим, малака, тажриба ва ш.к. ни эгаллаш, ошириш учун манба бўлган даргоҳ, жой. Қизилқум кўпгина йигит-қизлар учун университет ҳам бўлди. С. Анорбоев, Ўзбекистон олтини. Чўл ўнлаб, юзлаб ёшлар учун жасорат, қаҳрамонлик, фидокорликнинг ажойиб университетига айланди. «Ўзбекистон қўриқлари».

УНИКАЛ [лот. upicus – яккаю ягона, бирдан-бир] қ. **нодир, ноёб**. Уникал қўлэзма. Уникал асар. Уникал тажриба.

УНИТАР [фр. unitaire – ягона, яхлит < лот. unitas – бирлик; бирлашиб]: **унитар давлат** Давлат тузилиши шакли; бунда бутун давлат ҳудуди, федерациядан фарқли равишда, ўз таркибида федератив бирликлар (республикалар, штатлар ва ш.к.)га эга бўлмайди, балки давлат суверенитети аломатлари бўлмаган маъмурий-худудий бирликлар (департаментлар, вилоятлар, туманлар ва б.)га бўлинади.

УНИФИКАЦИЯ [лот. upi, unus – бир + facere – қилмоқ]: **унификация қилмоқ** Ягона тизимга, шаклга, бир хилликка келтиromoқ; уйғунаштиromoқ. Машина деталларини унификация қилмоқ. Алифбони унификация қилмоқ.

УНИФИКАЦИЯЛАШТИРМОҚ айн. **унификация қилмоқ** қ. **унификация**. Илмий терминологияни унификациялаштирмоқ.

ҮНЛИ I Уни бор, ичига ун солинган. **Үнли қоп**.

ҮНЛИ II: **унли товуш тлиш**. Оғиз ва бўғиз бўшлиғида ҳеч қандай тўсиққа учрамай ҳосил бўладиган, таркиби овоздан иборат (шовқин деярли иштирок этмайдиган) товуш. Мас., а, и, о товушлари.

ҮНМОҚ I Ривожланиб, бошлангич поя ва баргчалар ҳосил қилмоқ; ниш ҳолати юз бермоқ (экилган уруғ ҳақида). Орадан кўп вақт ўтмади, янги наф уруғ униб чиқди. Н. Сафаров, Дон.

2 Ўсиб чиқмоқ, ўсмоқ. Яккам-дуккам унган маккажӯхори низоллари, парвариси нималигини билмай, қисилиб ётибди. «Муштум». Саҳролар кўйнида чаманлар униб.. Уйғун.

3 Юзага келмоқ, ҳосил бўлмоқ, етишмоқ. Қунт билан ўрган ҳунар, Ҳунардан риз-қинг унар. Мақол. Тер тўкиб меҳнат қиссанг, Ердан ҳатто зар унар. Мақол. — Ер ўтди-ми, улар ҳам ҳозирдан бизга ўтади. Ҳаммаси ердан унган нарсалар.. «Шарқ юлдузи».

4 Жисмоний етук ҳолга келмоқ, улгаймоқ, етилмоқ. Отни тойчалигига кўрган киши, у от бўлгач, кўрса танимаганидек, эшон ҳам ўн ўйл ичида ўсиб, униб, тамом бошқа қиёфага кирган йигитни таний олмади. П. Турсун, Ўқитувчи.

5 Қисташ, талаф қилиш, таъсир кўрсатиш натижасида кўлга кирмоқ (қарз, насия, зиёфат ва ш.к. ҳақида). Қарз унди. — Ҳаммасини ундирамиз. Қани, унмай кўрсн-чи! П. Турсун, Ўқитувчи. Мирослав ютқизган зиёфат унадиган бўлибди. Ҳ. Аҳмар, Ким хақ?

6 Яхши натижа бермоқ, унумли бўлмоқ. Шошганинг иши унмас. Мақол. — Энди, хўжайин, иши унсан дессангиз, ошни пешинга дамлатасиз. Т. Алимов, Жоним ҳиқилдогимга келди.

УННАМОҚ 1 Бирор нарсанинг ҳаратини қилмоқ, унга киришмоқ (асосан, овқат, таом билан боғлиқ иш-ҳаракатлар ҳақида). Санобархон эрта туриб, тандир сомсага уннаб кетди. Файратий, Йўқлов. Ҳосиятхон, ҳеч нарсага уннаманг, мен узоқ ўтирмаётман.. Р. Файзий, Чўлга баҳор келди. Шарифа ошхонада қозонга уннаётган эди. Ҳ. Олимжонов, Тақдир тақозоси. Ёши қайтган, хушифеъл аёл икки қизни очиқ чехра билан кутиб олди. Дарҳол дастурхон ёзиб, овқатга уннай кетди. Мирмуҳсин, Ажрим.

2 Ҳаракат қилмоқ, уринмоқ. Минг уннасаларине ҳам, азалий дўстларни бир-бираидан ажратса олмайсизлар. Ё. Хаймов, М. Раҳмон, Ҳаёт-мамот. Булардан ташқари ҳам «Ҳамса» ёзмоққа уннаб кўрган шоирлар кам бўлмади.. F. Фулом, Тарихий муносабатлар.

3 Тегинмоқ. Бай-бай-бай, бирам ширин уннадики оғзимга. Ойбек, Улуг Йўл. Титкилаб юрган эди, унинг қўлига этик уннади. «Муштум».

ҮННИҚМОҚ Бўғиқ қора тусга кирмоқ. -**Уни** [Сўнагулни] ўйлайвериб, ориқлаб, унниқиб кетдим.. — деди Аҳмаджон. А. Мухтор, Давр менинг тақдиримда. Асқар полвон қорайиб унниқкан эди. Ойбек, Қуёш қораймас. Солининг фифони осмонга чиқди. Бир-иккни соат ичига унинг қора юзи баттар унниқиб кетди. Ё. Шукуров, Уч савол.

УНОБИ, үнноби [a. عَنْبَه / عَنْبَه] айн. чилон, чилонжийда.

УНС [a. انس – яқинлик, улфатлик, хушмумалалик, меҳрибонлик; шодлик; самимиy сұхбат] эск. кт. Яқинлик, қадрдонлик



муносабати; дўстлик. *Хуллас*, устод билан шоғирд ўртасида самимий унс пайдо бўлиб, бир-бирларини тез-тез ўйқуладиган.. бўлдилар. С. Абдулла, Мавлоно Муқими.

УНСИЗ 1 эск. айн. ундош.

2 Товушсиз, товуш чиқармай. *Супа лабида* унсиз ийғлаб, омонатгина ўтирган *Лаъли* бирдан онаси томон ўғирилди. Д. Нурий, Осмон устуни.

УНСУР [а. عنصر – элемент, модда; таркибий қисм; келиб чиқиш, ирқ] 1 Бир бутунни ташкил этган мураккаб нарсанинг таркибий қисми. *Неон чироқлари ёритиб турган чизмакашлик столи ёнида биринчи тўғоннинг вертикал унсурларини оқча кўчираётган экан.* «Саодат». Демак, поэтик образ ва тасвирий воситалар муайян бир услубнинг унсурларигина, холос. «ЎТА».

2 эск. айн. элемент 1. Кимёвий унсур.

3 эск. Маълум бир ижтимоий гурӯх вали. *Бузғунчи унсур. Реакцион унсур. Ёт унсур.* — Орамизда бу қўрқинч ҳолатга баҳаққи тушунадиган яхши одамлар йўқ, билъакс, бузғунчи ва низочи унсурлар томир ёйиб, ҳар замон содда халқни ҳалокат чуқурига қараб тортадилар. А. Қодирий, Ўтган кунлар. Йўқ, Зиёдахон опа, мен унсур эмасман! Агар мени бирор унсур деса, ҳақимга жуда-жуда жабр қиласи А. Қаҳдор, Кўшчинор чироқлари.

УНТЕР-ОФИЦЕР [нем. Unteroffizier < unter – куий, энг кичик + офицер] Бир қанча мамлакатлар, жумладан, чор Россияси армиясида кичик командирлар таркибидаги ҳарбий хизматчи унвони.

УНУМ 1 Етиштириладиган, бўладиган, ҳосил. *Ишга қўним – хирмонга унум. Мақол.* — Ер куч билан, тер билан унум беради. Ойбек, Танланган асарлар. *Кечишиб экилган галла ҳам, чигит ҳам, Матқовулнинг кейин берган ишловларига қарамай, яхши унум қилмади.* М. Исмоилий, Фарғона т. о. *Йигиб бутун унумни Қайси бозорга ортдинг?* Файратий.

2 Иш, меҳнат натижаси, кўрсаткичи; маҳсулдорлик. *Устоzlар тажрибасидан баҳраманд бўлган ёш чўлқуварлар юксак унум билан меҳнат қилдилар.* «Ўзбекистон қўриқлари». *Титраш таъсирида одам хаёли паришин бўлади.. ишининг унуми бўлмайди.* «Фан ва турмуш».

УНУМДОР Унум бериш, унумлилик даражаси юкори. *Тошкент қадимдан серқуёш, мусаффо ҳаволи, серсув, унумдор тупроқли шахар сифатида шуҳрат қозонган эди.* «Саодат».

УНУМДОРЛИК 1 Унум бериш, унумлилик даражаси. *Ернинг унумдорлиги, экинларнинг ҳосили ошади.* Очлик-ночорликдан асар ҳам қолмайди. Ҳ. Гулом, Машъял. *Минерал ўғитлар органик ўғитлар билан тўйинтирилган ерлардагина унумдорлик юкори бўлишини унумласлик керак.* «Фан ва турмуш».

2 икм. Ишлаб чиқариш самарадорлиги ни акс эттирувчи, ишлаб чиқарилган маҳсулотнинг ҳажми, сифати ва меҳнат харажатлари ўртасида микдорий (сон бўйича) ўзаро боғликлик.

УНУМЛИ 1 Яхши унум (ҳосил) берадиган. *Унумли ер.*

2 Яхши натижали, иш-натижка кўрсаткичи яхши. *Унумли меҳнат. Унумли техника воситалари.* — Пахтакор тадбиркор бўлиб, янги тажрибалардан унумли фойдаланса, меҳнати унумли, ҳосили баракали, турмуши завқли бўлади. Газетадан.

УНУМСИЗ 1 Яхши унум бермайдиган, унуми йўқ. *Унумсиз тупроқ.*

2 Яхши натижаси, самараси йўқ. *Унумсиз машина. Унумсиз меҳнат.*

УНУТ: унут бўлмоқ с.т. Хотирадан ўчмоқ, эсдан чиқиб кетмоқ, унтилмоқ. [Эътибор опа:] *Худо шифо берса, ҳеч гап эмас, бу кунлар ҳам унут бўлиб кетади!* Ҳ. Гулом, Машъял. *Кўпни унумсанг, ўзинг унут бўлишинг жуда осон.* Р. Файзий, Балли, она қизим.

УНУТМОҚ 1 Хотирадан, эсдан чиқармоқ; эслабётмай, билмай қолмоқ. *Бирорнинг исмини унутмоқ.* — Азимов ҳамма нарсани унумтиб, бутун борлиги билан шахмат тахтаси устига энгашиб олди. И. Раҳим, Чин муҳаббат. *Ахир орадан 30 йилдан ортиқ вақт ўтди.* Унуган бўлиши мумкин. С. Аҳмад, Сайланма.

2 Эсига келмаслик, ёдидан чиқармоқ; эсламаслик. *Ошга туз солишини унутмоқ.* — Зарифбой қимматбаҳо телтагини ҳам унумтиб, отнинг бошини чўрт бурди. С. Сиёев, Азаз. [Йўлчи] *Меҳнат учун ҳақ олишини ҳам унумтиб.* Ёрматнинг орқасидан кетди. Ойбек, Танланган асарлар.

Ўзини унумтоқ Шошиш, ҳаяжон, газаб ва ш.к. сабабдан эс-хушини, ақлини йўқотмоқ.. бирда мурувватпеша, бирда жоҳилликдан ўзини унумтадиган *Муҳаммад Рахимхон [Авазнинг]* ҳам шафқатини уйғотар, ҳам нафратига туртки берарди. С. Сиёев, Ёруглик.

З Маълум муддат хаёлидан чиқармоқ, ўйламай кўймоқ. Элмурод далада ўзини эркин сезар, ғам-ҳасратни унумтар, юраги сиқилмас эди. П. Турсун, Ўқитувчи. Менга қолса, у хумпар *Марғилонда хотини борлигини унумтиб юборган, деб ўйлайман*. А. Қодирий, Ўтган кунлар.

УНЧА 1 Олмош вазифасида, миқдор билдирувчи сўз ёки сўз бирикмаси ўрнида (одатда, бунча, мунча сўзи билан бирга) қўлланади. *Мирзакаримбой ўйлаб қолди: Бегона қурсин, сўзга қулоқ осмайди, унча бер, мунча бер, деб жанжаллашади*. Ойбек, Танланган асарлар.

2 Белги, миқдор, ҳаракат билдирувчи сўзлар билан қўлланиб, белги, миқдор, ҳаракат даражасининг меъёрдан пастлигини, кучсиз, кам эканини билдиради; у қадар, айтарли. *Кўчада одам унча кўн эмас. Шамол унча кучли эмас. Бобом унча қари эмас.* — *Сой, унча катта бўйласа ҳам, ниҳоят тез оқар..* эди. А. Қаҳҳор, Олтин юлдуз. *Мунисхон.. ҳаётга анчайин енгил қарайдиган, эртага нима бўлиши билан унча қизик-майдиган одам эди.* Ў. Умарбеков, Ѓўз ёмғири. *Айт, севганингни(нг) сенга парвоси ўйқми унча?* Э. Воҳидов.

УНЧАЛИК айн. **унча.** Келган-кетган одамлар билан унчалик иши ўйқ. Ойбек, Танланган асарлар. Аҳмаджон ҳали бу овнинг гаштини татиб кўрмагани учун унчалик тажсанг бўйлас эди. А. Қаҳҳор, Олтин юлдуз. Барно унчалик ёмон, унчалик беҳаёқ қиз эмас. О. Ёқубов, Эр бошига иш тушса.

УНЧА-МУНЧА 1 Озрок миқдорда; бир оз, сал-пал. Қизи тушимагурнинг тили унча-мунча аллага ҳам келиб қолди. Ҳ. Фулом, Машъал. Қараса бўлмайдиган, участка қуриши вақтида унча-мунча чиқимдор бўлиб қолибди. «Муштум». Ҳолиқова унча-мунча юридик маълумотга эга. М. Иброҳимов, Йўлакдаги муҳаббат. Ўзи ҳам унча-мунча нарса ўйғиб кўйган. С. Нуров, Нарвон.

2 Ўрта даражадаги; оддий, жўн. Сиз унча-мунча одамнинг ишини ойдинда оёғингиз

билан қилиб қўясиз. П. Қодиров, Уч илдиз. [*Ўтбосар:*] Унча-мунча машиначиларни назаримга имлай, бир кун шаҳарнинг энг машҳур тиқувчиларидан бирига.. бордим. Файратий, Эпчил куёв.

УПА 1 Гигиена ва косметика мақсадларида ишлатиладиган хушбўй ва ниҳоятда майин кукун. *Ёғ уна. Уна қўймоқ.* — Бозоров яшикларни очиб қўйди: оққанд, конфет, совун, атири, упа.. Буларнинг муамматар ҳиди гуркураб, димокқа уриб, қизларни қувонтириб юборди. И. Раҳим, Чин муҳаббат.

2 кўчма Упага ўхшаш майин кукун ҳақида. Юзингизда чангни кўрдим Гўё бўз ер утаси. П. Мўмин. Утаси кўпроқ гуручни 4-5 маротаба эринмай ювши зарур. К. Маҳмудов, Ўзбек тансиқ таомлари.

УПА-ЭЛИК Пардоз учун ишлатиладиган упа, ёгула, сурма ва ш.к. Хотиннинг ёши ўттиздан ошган бўлса-да, упа-элиги, пардози билан ёшроқ кўринар эди. Ойбек, Танланган асарлар. Уичкаридан сочини орқасига тангигиб, лабига қизил суркаб, упа-элик қўйиб чиқди. А. Мухтор, Опа-сингиллар. Кўн ўтмай.. Чилонзордаги магазиннинг упа-элик бўлимида ишлабётганмиши, деган гап тарқалди. Д. Нурий, Осмон устуни.

УПОР қ. уфор. ..ғув-ғув арилар ёпишиган ва кишини элитарли даражада упор турканган қийғос гул-чечаклар буркамиши ёнбагирларда кўклам нашъаси ҳукмрон. Ҳ. Назир, Мафтунингман, Озарбайжон.

УПҚУН кам қўлл. Ҳаво ёки ел билан тараладиган ҳарорат (совуқ ёки иссиқ) таъсири. Дўлнинг утқуни! Яқин бир жойда дўл ёяпти. П. Қодиров, Қора кўзлар.

УРА [*< т. урҳо-ур < урмоқ*] I унд.с. Ҳужум қилаётган жангчиларнинг жанговарnidоси; кўтаринки руҳ билан маъқуллаш ёки хурсандликни ифодаловчи нидо, хитоб. Қарердадир пулемёт тариллади; якка милитик товушлари, ура садолари келди. А. Қаҳҳор, Олтин юлдуз. У эшикдан чиқиши билан бир гала бола ё «ура!», ё «ола» деганини англаб бўйлас даражада шовқин солиб, уни ўртага олди. П. Турсун, Ўқитувчи.

УРА II Урмоқ фл. рвдш. Лекин бу орада Алижон болта билан ура-ура, дарвоза ҳалқасини узуб юборган эди. К. Яшин, Ҳамза.

УРА III: ура солиб Эпчиллик билан, тезда. Ойликни тўплаб олади-ю, «хайт!» деб

ура солиб жұнайди. П. Турсун, Үқитувчи. **УРАҚОМДАҚ** Тезлик билан, лип этиб қочмоқ. «Тұхтанг, ада», — дейиши билан «Зухра қарынты», деб үйлек болған Невматжон күёв ура қочди. А. Мұхиддин, Чап чүнтак. Бола билан мен көптон томон ура қочдик. Н. Сафаров, Оловли излар.

УРАН I [юн. Uranos — Осмон; осмон маңбуди] Қоюш системасында киеруучи ва Қоюшдан узоқлиги бүйічі 7-саїёра. Ураннинг ўндан ортиқ үйлесіш мавжуд. «ЎзмЭ».

УРАН II [лот. Uranium < юн. Uranos] Менделеев даврий системасыннан III гуррухига мансуб кимёвий элемент; радиоактив хоссага эга бұлған күмушсынан оқ металл. *Уран рудалари*.

УРБАНИЗАЦИЯ [фр. urbanisation < лот. urbanus — шаҳарға оид < urbs — шаҳар] 1 Жамият ҳәётида демократия ва маданияттинг умумий ривожи билан боғлиқ ҳолда саноат, ишлаб чиқариш ва ақолининг шаҳарларда тұрлапаниши ҳамда шаҳарлар мавқеи (роли)нинг ошиб боришидан иборат ижобий ижтимоий-демографик жараён.

2 Шаҳарға, саноат марказынан хос белгі ва хусусияттарнинг тарқалиши, жорий бўлиши (мас., қишлоқ жойларда).

УРВОҚ 1 Муштлаш, ёйиш ва б. жиҳатдан ишлов бериләтганды, таҳтага ёки супрага ёпишмаслығи учун хамир, зувала ва ш.к. га сепиладиган ун. Урвоғига чидаган үопқа қиласы. Шұхрат, Шинелли йиллар. Мол ёки құйы жигары қалинліги 2 см ҳажміда шапалоқдек қилип кесилгач, урвоққа беланади. К. Маҳмудов, Ўзбек тансық таомлари.

2 күчма Энг кичик бўлак, зарра. Ҳар биримиз халқыннан бир урвоғимиз. Ҳ. Турсункулов, Ҳәётим қиссаси. [Тилланың] Урвоғи ҳам күрінмайди. Б. Раҳмонов, Олтин одамлар.

Урвоқ ҳам бўлмайди Талаб учун мутлақо етмайди, маъносидаги ибора. Бойнинг арзимас садақаси Миркомилларнинг оиласига урвоқ ҳам бўлмасди. «Фан ва турмуш». Құй-эчкилар оч. Самолётда ташланган ем-хашаклар урвоқ ҳам бўлмаянты. Газетадан.

УРЁН [а. عریان — яланғоч, очиқ, очи-либ қолған] кт. поэт. Яланғоч. Барин, барин шилиб олгуви, Бечора халқ урён қолгуви. М. Али. Гайрату гафлат сенинг Жавлон ўзинг, урён ўзинг. Э. Воҳидов.

УРИЛМОҚ 1 Урмоқ фл. ўзл. ва мажҳ. н. Боши дерворга урилди. Ташқаридаги эшик бир нарса билан қаттық-қаттық урилди. — Жиззали нон, исириқ, қалампир, мева ҳоди димогига урилди. А. Мұхтор, Опа-сингиллар.

2 күчма Ишидан, лавозимидан қаттық танқид (айблов) билан бўшатилмоқ, олинмоқ.

УРИНМА мат. Эгри чизик устига бир нуктада тегиб ўтган түғри чизик.

УРИНМОҚ 1 Ўзини ҳар томонга урмоқ, ҳар ёққа талпинмоқ; ҳаракат қыммоқ, интилмоқ. Қафасда қыш уринаёттир. — Бозорда юрган халқ — фуқаро ҳам кир-юпун, исқирип, газабли, шошади, туртинганди, уринади. Ойбек, Танланган асарлар.

2 Бирор ишни бажаришга киришмоқ; уннамоқ, тутинмоқ; бирор иш билан банд, овора бўлмоқ. [Назокат] Ошга уринди. Ҳ. Ғулом, Машъал. Чол ойнагини олиб, кўз ёшини артди ва яна ишга уринди. Ойбек, Танланган асарлар. Сайфини илгарироқ ишга жұнатдим-да, ўзим нимагадир уриниб, кечроқ қолиб бордим. А. Қодирий, Ўтган кунлар.

3 Бирор ишни бажариш, бирор нарсага эришиш ва ш.к. учун ҳаракат қыммоқ, ҳаракатида бўлмоқ. Қиз уни [төвүкни] ушлаб олгани күп уринди, жуда қийналиб кетди. А. Қаҳ-ҳор, Құшчинор чироқлари. Аъзам кун бўйи Мұхиддинни холироқ учратишга уриниб кўрди, бўлмади. Р. Файзий, Чўлга баҳор келди. Иложи борича унинг шеърларини ерга уришга, Ферузнинг кўзи олдида обрўсизлантиришга уриндилар. С. Сиёев, Аваз.

4 Ҳолдан тоймоқ; чарчамоқ; қийналмоқ. [Ўғил:] Жон она, ўзим үйлда жуда уриниб келдим. А. Қодирий, Ўтган кунлар. Бир оз кутмабсиз-да, қори ака, иссиқда анча уриниб қолибсиз. И. Раҳим, Чин муҳаббат. Қумышиби.. оғриқлардан шикоят қилиб юраг, шунинг учун онаси «тинч ухласин, ортиқ уринмасин!» деб бугун намозга ҳам уйғоттиришган эди. А. Қодирий, Ўтган кунлар.

5 күчма Асли ҳолатини, сифатини йўқтотмоқ; эскирмоқ. Уринган рўмол. — Ўйга уриниб, эзилиб қайтиб келган нонни ейдиган одам йўқ. С. Аҳмад, Нон-насибамиз ҳақида. Мактуб анчагина уринган, қоғоз шалақланган эди. А. Қодирий, Ўтган кунлар. [Чопон] Жуда янги бўлмаса ҳам, ҳар ҳолда уринмаган.. Т. Малик, Ажаб дунё.

Сўз уринмоқ Сўз айланмоқ, сўз тегинмоқ. Сўз уринди, сўздан сўз чиқди, нихоят, ҳожининг кутганидек, ўғил ҳасрати ҳам бошлианди. А. Қодирий, Ўтган кунлар.

УРИНЧОҚ 1 Ҳар ишга уринаверадиган, серҳаракат; тиришқоқ. *Масъудахон уринчоқ қиз эмасми, бу қасбнинг паст-баландига тезда тушуниб олди.* Газетадан.

2 Тинч турмайдиган, уринаверадиган, тек турмас. *Уринчоқ бола.*

УРИШ 1 **Урмоқ** фл. ҳар. н. *Юрак уриши.*

2 Ўзаро жанжал, можаро. *Уриш, қўйиди-чиқди ҳам ҳар хил бўлади. Баъзи уришлар шундай арзимаган нарсадан чиқадики, орадан совуқ гаплар ўтиб, «хордиқ чиққандан кейин», уриш нимадан чиққанини на эр эслай олади, на хотин.* А. Қаҳҳор, Асарлар. *Уриш, жанжал қўпаймасин, деб бутун дардимни ичимга ютаман.* Ойбек, Танланган асарлар.

УРИШИГЛИ Ўзаро чиқишилмаслик, жанжаллашиш туфайли муносабати бузилган; кўришмайдиган, гаплашмайдиган. *-Мен қув эмасман! – деди кулиб Кумуш. – Мен ҳали уришигига ҳолдаман, ярашганим йўқ!* А. Қодирий, Ўтган кунлар.

УРИШМОҚ 1 **Урмоқ** фл. бирг. н. *Ёмон уришдими?* Ўлдиришдан ҳам тоимайди бу безорилар. Ў. Ҳошимов, Қалбинга қулоқ сол. *Кўплашиб уларни отларига миндиришиди-ю.. отларнинг саргисига хипчин уришиди.* М. Исмоилий, Фарона т. о. *Уст-боши юпун йигитлар, чоллар қулоқларини рўмол билан боғлаб олиб, кетмон уришади.* А. Қаҳҳор, Кўшчинор чироқлари.

2 Ёкалашмоқ, олишмоқ. *Бизнинг ўғил кўп яхши-да: бирор билан уришмайди, папирос чекмайди..* А. Қаҳҳор, Асарлар. *-Шариатномидан фатво берманг! – деди мулла Абдужалил, худди уришишга тайёрланаётган хўроздай бўйини чўзиб.* «Муштум».

3 Ёмон, ҳақоратли сўзлар билан бир-бирини койимоқ, бир-бири билан айтишмоқ. *Маъсума бека ўртага тушиб:* *-Уришманглар, бир-бирингизга қаттиқ гапирманглар..* – деди. Мирмуҳсин, Меймор. *Фалокат босиб эр-хотин уришиб қолишиди.* Охир бўлмади, ажralиб кетишиди. Газетадан.

4 Насиҳатомуз, қаттиқ гап-сўз айтмоқ; койимоқ. *Қайтиб бормайман, деган экан, Зиёдахон уришибди.* А. Қаҳҳор, Кўшчинор чироқлари. *Менинг ойим бир ёқдан, уй ишларига ёрдамлашмадинг, деб уришади, бир*

ёқдан, қўлингни совуқ сувга урма, дейди. Х. Назир, Ёнар дарё.

5 Жанг қилмоқ, жангда қатнашмоқ. *У [Мирзаев] оддий қисмда оддий аскар бўлиб уришиб юрганида, бўлинма командири.. [унга] бир совға берди.* А. Қаҳҳор, Олтин юлдуз. *Дадам Берлин қулагандан кейин Узоқ Шарқ-қа бориб, японлар билан ҳам уришибди.* С. Сиёев, Ёруғлик.

УРИШТИРМОҚ 1 **Уришмоқ** фл. орт. н. *Маҳалла болалари, ўспирин йигитлар юнги ҳурпайған икки катта кучукни уриштирадилар.* Ойбек, Танланган асарлар. *Сидикжоннинг хотинини чақиртириб, икковини уриштирганинг.. нимаси?* А. Қаҳҳор, Кўшчинор чироқлари. *Сайил кунларида.. савдо-харид, баъзида курашу дор, қўчқор уриштириши ҳам авж оларди.* Мирмуҳсин, Меймор.

2 Бир-бирига урмоқ, тегизмоқ (асосан қадаҳ ҳақида). *Темиржон эса қадаҳ уриштириши у ёқда турсин, ақлини ўйқотиб, хотуш ўтирафди.* Ж. Абдуллахонов, Орият. *-Институтни муваффақиятли тугатганингиз учун! – деди Рашид ва [ниёласини] Муҳаррамнинг пиёласига уриштиради.* Шуҳрат, Шинелли йиллар.

Кўз уриштиримоқ Бир-бирига маънодор қараб қўймоқ; тикилмоқ. *Бектемиров қулади.* Бўйини чўзиб, одамлар орасидан чолни топиб, кўз уриштириб олди, кейин имлаб, ёнидан жой кўрсатди. С. Аҳмад, Ҳукм. *Пул уриштиримоқ* Пулни ишга солмоқ, пулни айлантиримоқ (савдода). *Бу катта бозорда пул уриштириб бойийдиганлар, корчалонлар, уddyабуронлар тўлиб-тошиб ётибди.* Ё. Хаимов, М. Раҳмон, Ҳаёт-мамот. *Сўз уриштиримоқ* Сўз талашмоқ, баҳслашмоқ. *-Раҳбар билан сўз уриштириб чакки қўлдингиз, отам, – деб тўсатдан гина қилди Ойимхон.* П. Турсун, Ўқитувчи. **Ҳарф уриштиримоқ** Ҳарфларни бир-бирига қўшмоқ, боғламоқ. *Китоб саҳифасидаги катта қора ҳарфларни овоз билан бир-бирига уриштириб, бир маъно чиқариш қишлоқ меҳнаткашлари учун ҳар қандай завқдан ортиқ эди.* П. Турсун, Ўқитувчи.

УРИШҚОҚ 1 Арзимас баҳона туфайли кишилар билан уришаверадиган; жанжал чиқараверадиган; жанжалкаш. *Уришқоқ бола.* — Гулнор қайнаналарнинг кўпининг бадфеъл, уришқоқ бўлишини яхши билса-да, Йўлчининг онасини меҳрибон, кўнгилчан, гоят

самимий бир қайнана каби тасаввур қилди. Ойбек, Танланган асарлар.

2 Уришадиган, зўр, зўравон. Шу пайт обдан боқилиб совитилаётган уришқоқ ҳўрзлар меҳмонлар ўтирган ўйдеразасига келиб, ўз акслари тушган ойнани чўкий бошлидилар. «Муштум».

УР-ИЙҚИТ Жисмоний куч қўлланадиган тўполон, ола-ғовур; муштлашиш; бир-бирини ўлдириш; қирғин. Қоронги уйда ур-иикит, муштлаш, отишма, дод-вой бошланди. Ҳ. Гулом, Машъал. Кайфи хийла даражасага етган бек ур-иикит орасидан эсон-омон чиқиб, отига базўр миниб олди. Ҳ. Гулом, Машъал. *Муштлашиш, ур-иикитни мишиблар ҳам босолмади. Мирмуҳсин, Қаҳрамоннома.*

УР-КАЛТАК 1 айн. ур-иикит.

2 Жиноятчини, айборд шахсни, давлат рухасатисиз, ўзбошимчалик билан жазолаш, уриш. ..ғазабга келган оломон, элликбошилар, рўйхатчи миrzаларни ур-калтак-сур каљак қилиб, тарқатиб юборди. К. Яшин, Ҳамза.

УРМОҚ 1 Қўл ёки бирор восита билан зарб бермоқ. Бола итни урди. — Ота писмиқ югуриб келиб, бошимга шақ этиб уриб қўйди. Э. Раимов, Ажаб қишлоқ. Бектемир милтиқ қўндоғи билан унинг пешонасига бир урди. Душман шилқ этиб тушди. Ойбек, Қуёш қораймас. Аҳмад ҳалқани урди, эшик шу заҳоти очилди. Ф. Мусажонов, Ҳиммат.

2 Калтакламоқ, дўлпосламоқ. Мени Писмиқ майна қилгани-ю, мен уни чала ўлик қилиб урганим-у.. Ҳаммаси ўша куниёқ бувимнинг қулогига этиб келди. Э. Раимов, Ажаб қишлоқ. Уни уриб, озор берманглар, унда гуноҳ йўқ, бу бир англашилмовчилик! Мирмуҳсин, Меъмор.

3 Тиғли қуроллар (қилич, найза, ништар) билан солмоқ (санчмоқ, тиқмоқ, чопмоқ). *Ништар урмоқ. Пичоқни аввал ўзинга ур, оғримаса, бирорвга ур!* Мақол. — Бектемир бургутдай сапчиб, душман қорнига наиза урди. Ойбек, Қуёш қораймас. Убехос ёндан келиб, фарғоналиқнинг елкасига қилич уриб, отдан қулатди. Мирмуҳсин, Меъмор. Робиянинг оёғидан қулоқлаб олган қисиқ қўзли йигитнинг биқинига ханжар урди. П. Қодиров, Юлдузли тунлар.

4 Мўлжалга олиб тегизмоқ; отмоқ. Нишонга аниқ урмоқ. Икки юз метрдан мўлжалга урмоқ. Бир кесак билан икки қарғани

урмоқ. Мақол. — ..бу қадар мерганилик билан ураётган батареянинг қўзи — кузатувчисини немис пайқайди-ю, бир снаряд билан гарамнинг кулини кўкка совуради. А. Қаҳҳор, Олтин юлдуз.

5 Тегмоқ, урилмоқ. ..олмазор боғлардан тутун кўтарилиб, димоққа болаликдан таниш бўлган ачиқ тезак ҳиди урди. О. Ёкубов, Излайман. Гулнорнинг ғойиб бўлиши Йўлчига яшин урган каби таъсир кўрсатди. Ойбек, Танланган асарлар. Қудук тубидан ураётган салқин хуш ёқиб, Отамурод бирлас ўтирган бўлди. М. Мансуров, Ёмби.

6 Шиддат билан ёғмоқ. Дўл урди. — Шу куни бутун кун ёмғир майдалаб уриб турди ва кечга яқин қорга айланди. А. Қаҳҳор, Сароб. Чапараста ураётган қор кўз очиргани қўймайди. Н. Сафаров, Оловли излар.

7 Бир нарса орасига, ичига солмоқ, жойламоқ; беркитмоқ. Газетани қўйтигига урмоқ. Қўлини ҷўнтағига урмоқ. Нарсаларини сумкасига урмоқ. — Биз тоғ камарига киришимиз билан чол садақани ҷўнтақка уриш учун ўзини чордевор ичига олган эди. Н. Сафаров, Оловли излар.

8 Ювиб ўпирмоқ, емирмоқ, бузмоқ. Тошқин урди. — Бу ўйлиги сел бугун сойнинг у томонини олса, эртасига бу томонини уриб кетаверди. Й. Шамшаров, Кўрк меъморлари. Қоровул шўра ва ялпизларни ўриб, сув урган жойга тиқа бошлади. Э. Раимов, Ажаб қишлоқ.

9 Зарб билан ҳаракат қилмоқ, тепмоқ. Беморнинг томори билинар-билинмас уриб турар эди. — [Болтабой] Отдан тушиб, уни дараҳтга боғлар экан, ўй ичидан чиқсан «инга-инга» деган товушни эшишиб қолиб, юраги дукиллаб урди. Ж. Шарипов, Саодат.

10 Айрим сўзлар билан қўлланиб, шахс ёки нарсага шу сўзлар билдирган нарсанинг таъсири ўтиши маъносини билдиради. Чала-қудук деган жойда Давроновни офтоб уради. А. Мухтор, Бўронларда бордек ҳалова. Қўндаланг культивация ҳозир сув билан ҳаводай зарур. Шу бўлмаса, қалин кўчатларни гарм-сел уради. И. Раҳим, Ихлос.

11 Лой, кесак, гишт ва ш.к. ни тартиб билан термоқ; териб, қалаб, бирор нарса курмоқ, бунёд қилмоқ. Пахса урмоқ. Токчани урмоқ. Тешикни урмоқ. Эшик ўрнини урмоқ. — Кечгача қалтираб девор урдик. Э. Раимов, Ажаб қишлоқ.

12 Солмоқ, қўймоқ, босмоқ. Эшакка нўхта урмоқ. Отга эгар урмоқ. — Бир неча солдат келиб, маҳбусларни ушлади, ясовул ҳамасининг қўлига кишин урди. М. Исмоилий, Фарғона т. о. Кўтос тақиб бўйни узун жийронга, Қирқ қуббали юган урди бошига. «Равшан».

13 Ўзини бирор жойга олмоқ. ..артистлар ўйин кўрсатади, аммо, оғайнилар, сичқоннинг ини минг танга деб, ертўлага уриб кетманлар тағин. Й. Шамшаров, Тошқин. Одамлар жон ҳовчулаб, ўзларини ўрмонга урадилар. Ойбек, Кўёш қораймас.

14 с.т. Тўла истеъмол қилмоқ; емоқ, ичмоқ. Шароб — узум сувидан тайёрланадиган ажойиб ичимлик, ўзи хуштаъм, бир коса уриб олсангиз, вақтингиз чоғ бўлиб кулаверасиз. М. Осим, Тўмарис. Қани, нонни синдириб, қаймоққа булаб-булаб уриб олингларни. Э. Раимов, Ажаб қишлоқ.

15 Ўз фойдасига олмоқ, ўзиники қилмоқ; ўғирламоқ. ..дехқонлар билан сұхбат қилиб, пахтафуруши бойларнинг ҳам тоштарозидан, ҳам нархдан уриб, уларни куйдиришларини билиб олар.. эди. К. Яшин, Ҳамза. - Бугун подшонинг хазинасини урамиз. Шайланинг, йигитлар! — деди. «Чалпак ёқ-кан кун».

16 с.т. Танқид қилмоқ, қораламоқ. Отабувамни ковлаб, газетага уриб чиқишиди. Ш. Ризо, Қор ёғди, излар босилди.

17 Ж.к. билан келган баъзи отларга боғланиб, ниманидир шу отдан англашилган жойгача етганигини билдиради. Қулф уриб яшнаган беда белга уради. Лой тиззага уради. Сочи тақимига урадиган қиз. — Майдонда бизниклар кўринмас эди. Қор белга урап эди. Н. Сафаров, Қаҳрамоннинг туғилиши.

18 Баъзи сўзлар, жумладан, мустақил қўлланмайдиган сўзлар билан бирикиб, шу сўзлар англатган нарсанинг юз бериши, бўлиши маъносини билдиради. Жўш урмоқ. Барқ урмоқ. Қулф урмоқ. Жавлон урмоқ. — Умрида қўлига қилич ушламаган қўпол ўғлиниң юрагида жанг ва ғалаба сурори түғён урапади. Мирмуҳсин, Меъмор. Яхши парвариш қилинган гўзалар мавж уриб ривожланяпти. Газетадан.

19 Миқдор (саноқ) сонлар билан қўлланниб, шу сон билдирган ёшга кирганлик маъносини билдиради. Ҳаш-наш дегунча қирқни уриб қўйибмиз. — Похол устида..

афтидан, етмишларни уриб қўйған кампир ўтиради. Н. Фозилов, Дийдор. Худо ёрлақаса, ҳадемай саксонни уради. С. Сиёев, Ёруғлик.

Бало урмоқ Бирон-бир шикаст емоқ, ёмонликка учрамоқ. Жони ҳам, боши ҳам метин экан, шунча санчаман, Гулнорга бало урганини эшиганим йўқ. Ойбек, Таъланган асарлар. **Бош уриб келмоқ** Нажот излаб, паноҳ истаб келмоқ. Бош уриб келдим ҳузурингга.. У. Исмоилов, Сайланма. **Ерга урмоқ** қ. ер. **Жигардан урмоқ** Шайдо қилмоқ, ишқ-муҳаббат уйғотмоқ. Тақсирни ҳам урибди-ку жигардан, Мажнун бўлиб кетманг яна саҳрога. Ҳ. Олимжон. **Йўлдан урмоқ** қ. йўл. **Меъдага урмоқ** (ёки тегмоқ) қ. меъда. Сертаманно кеккайган таннозлар ёхуд нима дессанг кўнаверадиган чўрисифат лақмалар дарров мөъдага уради. Ф. Мусажонов, Ҳиммат. **Юракдан урмоқ** айн. **жигардан урмоқ**. Юракдан биринчи марта урган ишқ-муҳаббат кимнинг эсидан чиқади.. С. Зуннунова, Янги директор. **Биронтаси юрагиндан ургандир**, бўлмаса, қандай шамол учирарди сени бемаҳалда бу ёқса. «Гулдаста». Ўзини ўтга ҳам, сувга ҳам урмоқ қ. ўт. **Қўл урмоқ** 1) айн. қўл тегизмоқ 1. қ. қўл. Авазнинг қистасига қарамай, қайтиб ҳандалакка қўл урмади. С. Сиёев, Ёруғлик; 2) бирор иш, нарсага даҳл қилмоқ, тутиномоқ, киришмоқ. Ахир у қўл урган иш битмай қолмайди-ку. «Гулдаста». Ҳар қандай қингир иш қиладиган одам, аввало, ўзига суюнчиқ топиб олади, кейин хиёнатга қўл уради. Шукрулло, Жавоҳирлар сандиги.

УРНА [лот. urna — кўза, ваза] 1 Махсус куйдирилган мурда хоки сақланадиган идиш.

2 Яширин сайловда бюллетенлар ташлаш учун мослаштирилган махсус кути, яшик.

3 Турли чиқинди, папирос қолдиқлари ташланадиган махсус идиш.

УРНАМОҚ қ. уннамоқ, уринмоқ. Яна ишга урнаб кетди. М. Исмоилий, Фарғона т.о. Ҳасанали паловга урнаш учун ташқарига чиқди. А. Қодирий, Ўтган кунлар. Қани, нонга қаранглар. Жамолиддин, ё ошга урнаб юборайми, а? М. Исмоилий, Фарғона т. о.

УРОЛОГ Урология мутахассиси, врач, шифокор.

УРОЛОГИК Урологияга оид. Урологик кабинет. Урологик клиника.

УРОЛОГИЯ [юн. urop – сийдик + logos – таълимот] Клиник тиббиётнинг сийдик аъзолари системасини, жинсий аъзолар касалликларини, уларнинг келиб чиқиши сабабларини ўрганувчи, шунингдек, бу касалликлар диагностикаси, давоси ҳамда олдини олиш усусларини ишлаб чиқувчи соҳаси.

УРПОҚ с.т. Урвоқ. *Урпогингда бўлса, уругингга татиёди. Мақол. — ..мактаб қўлидан кетса, сўфиликдан келадиган даромади тирикчилликка урпоқ ҳам бўлмас экан. А. Қаҳҳор, Ўтмишдан эртаклар.*

УР-СҮР Тортишувли жанжал, тўполон; муштлашиб, уриш. *Умуман айтганда, маҳалла аҳил, аммо гоҳо хонадононлар орасида олди-қочди гийбат, ур-сурлар бўлиб туради. Ойбек, Болалик. Неча-неча қонли жанг, ур-сур бўлса ҳам, Лекин тетик қоядай турди мустаҳкам. Шуҳрат. Шу аснода кўчада бирдан ур-сур бошланниб кетди. Ойбек, Нур қидириб.*

УРТМОҚ эск. Ўраб олмоқ, қопламоқ, беркитмоқ. *Хотин бошини катта рўмол билан уртиб олди. Китобларни қоғоз билан уртиб қўймоқ.*

УРТУК эск. Сиртдан қоплаб турувчи парда. *Лойқа сув кўксисда пузфакдек оқиб, Қаерга борасиз, енгил кўпиклар. Бир чўп ё бир хасга илашмак билан Йиртиларди юздан сирли уртуклар. Файратий.*

УРУШ 1 Қабилалар, давлатлар ёки ижтимоий гуруҳлар ўртасидаги уюшган қуролли кураш. *Фуқаролар уруши. Иккинчи жаҳон уруши. — Урушнинг иккинчи ўили отаси армияга кетди-ю, қўлида ҳунари ўйқ она икки бола билан қолди. П. Қодиров, Уч илдиз. Ҳар эшикда бир қайғу санқир, Қора уруш узоқ чўзиди. У. Кўчкоров, Ҳаяжонга кўмилган дунё.*

2 Томонлар ўртасида қуролли жанг, тўқнашув. *Аҳмаджон шериклари билан урушдан хийла узоқда дам олиб ётган бир қисмга келиб тушди. А. Қаҳҳор, Олтин юлдуз. Кечки соат тўртлар, асрдан бир оз эртароқ ҳукумат аскари билан ҳалқ орасида уруш бошланди. А. Қодирий, Ўтган кунлар.*

УРУФ 1 Ўсимликнинг муртак, озиқ моддалари ва қобиқдан иборат ҳосили; дон, тухум. *Сочилган уруғ униб чиқди. Бемаза қовуннинг уруғи кўп. Мақол. Тер тўкиб, сочсанг уруғ, ер сени қўймас қуруқ. Мақол. — Кўклам-*

да она-бола тоғ этагидаги қўриққа чиқиб, белкурак билан ер ағдариб, лалми буғдой экишиди, лекин қурғоқчилик бўлиб, уруққа ҳам чув тушишиди. П. Қодиров, Уч илдиз.

2 Жониворлар, ҳашаротларнинг жинсий ҳужайраси; тухум. *Бир ҷуғурчук бир кунда ўн мингтагача ҳашаротни ейди. Ҳашарот эса, ўйқ бўлиб кетмаслиги учун, миллионлаб тухум қўяди. С. Нуров, Нарвон.*

3 Ипак қурти капалагининг тухуми, курт уруғи. *Самарқанд қурт уруғи заводи фақат оқ пилла ўрайдиган ипак қурти уруғлари тайёрлай бошлади. Газетадан.*

4 биол. Эрқаклар жинсий бези ишлаб чиқарадиган, жинсий ҳужайралардан иборат суюқлик; сперма, маний.

5 кўчма Кўпайтирадиган, кўпаядиган, урчийдиган нарса. *Болалагида унинг миясига илм уруғи қадалса, кейин сермева дараҳт бўлиб униб чиққай. М. Осим, Ибн Сино қиссаси. Низомулмулк фитна уругини узоқни мўлжаллаб, жуда маҳфий сепмоқда. Ойбек, Навоий.*

6 (З-ш. бирл. шаклида: **уруги**) Айрим сўзлар билан қўлланиб, шу сўз англатган нарса ёки шахс тоифаси, кўплиги маъносини билдиради; зоти. *Бўлса бўлар, бўлмаса – хотиннинг уруғи Ҳиротдан келган эмас! А. Қаҳҳор, Асарлар. Дунёда китоб уруғи борки, ҳаммасини ўқиб бўлдим. «Муштум».*

7 Бир ота-бободан, бир аждоддан келиб чиқкан кишилар гурӯҳи; авлод. *Бир уруғданмиз.. алоқаларимиз бузилмасин. Ш. Холмирзаев, Офир тош кўчса. Султон Аҳмадбек орага одам қўйган. Бутун уруғлари билан сизнинг марҳаматингизга мунтазир. П. Қодиров, Юлдузли тунлар.*

8 Ибтидоий жамоа тузумида: ўзаро қонқардош бўлган кишилардан иборат дастлабки асосий ташкилот, уюшма, жамоа. *Илгари оқсоқоллар бошчилигидаги ҳар бир уруғ ўзини бир-бираидан юқори қўяр, бир-бираининг одатидан, тилидан кулар эди. П. Турсун, Ўқитувчи. Широқ бизнинг уруғдан. Ўзи эртакчи, достончи доно чол. М. Осим, Широқ.*

АНҚОНИНГ УРУҒИ қ. анқо. Уругини ўйнатмоқ Нижоятда азоб бермоқ. *Бир томчи қоннинг қолгунча уругинги ўйнатади. С. Исмоилзода, Темур. Уругини қуритмоқ 1) авлоди билан қириб юбормоқ. [Умарали:] Нусратилла ака, мен-чи.. мен ҳар қандай душманнингизнинг уругини қуритаман. А. Мухтор,*

Опа-сингиллар; 2) батамом йўқ қилиб юбормоқ. [Дадажон:] Муродова яна бир-икки йил турадиган бўлса, чилимнинг уругини ҳам қуртадиганга ўшайди. И. Раҳим, Ихлос.

УРУГДОН 1 анат. Одам ва ҳайвонлар эркагида уруғ ҳужайралар – сперматозоидлар шаклланадиган жинсий безлар.

2 бот. Ўсимликнинг уруғ етишириувчи ва сақлаб турувчи қисми, қобиги.

УРУГДОШ Бир уруғ аъзоси, уруғ. У билан ургудошимиз. — У [Ойнагул] ҳам ёвумт қизи. Ўз ургудошини бехуда ўйқотишмас.. – деди Фарҳод Дурдига. А. Ҳакимов, Илон изидан.

УРУГЛАМОҚ 1 қ.х. Уруғ ҳосил қилмоқ. Беда уруглай бошлади. Пиёз иккинчи йили уруглайди.

2 кўчма Кўпаймоқ. ..иллатларнинг уруглаб кетишига.. кўччиликнинг лоқайдиги ҳам сабаби. Газетадан.

3 шв. айн. қўзиламоқ II. Кўлидаги пиёла ни кўриб.. хумда уруглаб ётган ёғидан тўлдириб берди. М. Исмоилий, Фаргона т. о.

УРУГЛАНМОҚ биол. Уруғ (сперма) билан қўшилмоқ (она тухум ҳужайраси ҳақида) Ҳомиланинг ривожланиши жараёни тухумдонда уругланиши билан бошланади. «Фан ва турмуш»..

УРУГЛИ Уруққа эга, уруғи бор. Майдада уруғли ўт.

УРУГЛИК Уруғ (экиш) учун ажратилган нарса (дон, мева, ҳосил ва б.). Уруглик чигит. *Уруглик картошка.* — Самарқанд дехқонлари очарчиликда уруглик донларини еб кўйган эмишлар. П. Қодиров, Юлдузли тунлар.

УРУГХОНА Уруглик сақланадиган жой.

УРУГЧИ қ. ургушунос.

УРУГЧИЛИК 1 Ўсимликшуносликнинг навли уруғ етишириш иши билан шуғулланувчи соҳаси; тармоғи; уруғ тайёрлаш. Уругчилик ҳўжалиги. — Ҳа, айтгандай, устод шу яқин кунларда уругчилик соҳозига келар эканлар. Ҳат олдим. А. Қаҳҳор, Кўшчинор чироқлари. Пахтасликнинг истиқболи ҳақида ўйламайдиган қалтабин ходимгина уругчилик ишини ташкил этишга менсимасдан қараши мумкин. Ш. Рашидов, Бўрондан кучли.

2 Уруғ ажратиш, уругларни бир-бирига зидлаш (қ. уруғ 7). Қулжон эшон, Мулламуҳаммад, Нафас Охунлар ўтакетган мута-

ассиб, жоҳил бўлганидан, уларда қабила, уругчилик таъсири кучли. А. Ҳакимов, Илон изидан. Энди, ана шу касофат уругчилик зиддан ўртага тушиб, ишнинг белига тенади. П. Турсун, Ўқитувчи.

УРУГШУНОС Уруғ етишириш, уругчилик билан шуғулланувчи мутахассис, олим. Селекционерларимиз ва ургушуносларимиз олдида жиiddий вазифалар турибди. Газетадан.

УРУГШУНОСЛИК Уруглар тўғрисидағи фан, уругчиликнинг назарий асоси; агрономиянинг бир бўлими.

УРФ [а. عرف – эътироф, баҳо бериш; расм, одат, таомил; ўрганиш] Умум томонидан қабул қилинган ва амал қилинадиган тартиб-қоида; расм, таомил. Ҳар бир ҳалқнинг ўз урфи бор. — Биз кўпинча ажоийиб, кўршмаган, ҳалигача урф бўлмаган ранго-ранг гулларни дасталагандо.. қайси боғда битган-у боғони ким? деб суриншириб ўтирамиз. Газетадан. Пошиша хола эгнида эса шаҳар урфидан чиқиб қолган қора духоба чон. Д. Нурий, Осмон устуни.

УРЧИМОҚ Кўпаймоқ, кўплаб насл юзага келтирмоқ. Пашша жуда тез урчиидиган ҳашаротdir. — ..яйловда урчиётган чорва моллари ҳам давлат ва жамоат бойлигидир. Н. Сафаров, Оловли излар

УРЧУҚ 1 Толалардан кўлда ёки машинада ип йигириш, пишитиш учун ишлатиладиган мослама ёки қурилма; дук. Кўргоннинг ичидаги бир неча қора ўй қатор тикилган ва буларнинг олдида ёш болалар икковлашиб.. тия юнгидан урчуқ билан ип ўтирадилар. С. Айний, Куллар.

2 Тўқимачилик саноатида: ип йигирив машиналарининг ипни пишитиб ўрайдиган қисми; дук, йиг. Бир кило.. пахта чит бўлиб тўқилгунча Минглаб моки отилур, минглаб урчуқ айланур. Ф. Гулом. Улар пилакашлик фабрикасининг кенг, ёруғ корпусларига кириб, мингларча урчуқларга майин ипак толалари ўраётган ўтигит ва қизларни кўришибди. Ш. Гуломов, Ёрқин уфқлар.

УРГОЧИ Эркакка қарама-қарши жинсли (ҳайвон, жонивор). Ургочи айик. Ургочи бузоқ.

УРҒУ тли. Турли фонетик воситалар (мас., овозни кучайтириш) орқали бўғин ёки сўзни ажратиш, шу ажратишга хос кучли талаффуз.

Ургу белгиси Ургули унли устига қўйи-ладиган диақритик белги. **Ургу бермоқ** Нутқ жараёнида бирор сўз ёки унинг қисмига алоҳида дикқат жалб этиш мақсадида уни бошқаларидан ажратиб, кучлироқ айтиши. *Мамажон ака унинг [инженернинг] «ўртотқ» сўзига ургу берганини сезди.* А. Мухтор, Опасингиллар. *Рӯпарадаги ошхона ойнасидан мўралаган ошпаз хотин «д» ҳарфига ургу бераб деди:* Келдила Сиддиқ акангиз. «Муштум».

УРГУЛИ Ургуга эга, ургу тушган, ургу билан айтиладиган. *Ургули бўғин. Ургули унли.*

УРГУСИЗ Ургуси йўқ, ургу тушмаган. *Ургусиз бўғин.*

УСКУНА [а. سکن] 1 Муассаса, корхона учун зарур бўлган нарсалар, ашё; жиҳоз. *Ошхона ускуналари. Мактаб ускуналари. Лаборатория ускуналари.* — [Ғуломжон:] Такシリм менинг мактабимни горат қилдим, ускуналарини ёндиридим, деб хурсанддирлар. М. Исмоилий, Фаргона т.о. Замонавий ускуналар билан жиҳозланган медицина-санитария маркази қуриб, фойдаланишга топширилди. С. Анорбоев, Ўзбекистон олтини.

2 Касб-хунар амалиётида зарур бўладиган курол ва мосламалар. *Дурадгорлик ускуналари. Нақошлик ускуналари.*

УСКУНАЛАМОҚ Зарур нарсалар, асбоб, курол ва ш.к. билан таъминламоқ, ускуналар билан жиҳозламоқ. *Лабораторияни янги техника билан ускуналамоқ.* — Электростанция қўринг. Заводингизни ускуналанг. Н. Сафаров, Ўйғониш.

УСЛУБ [а. اسلوب — тартиб, тартиб-усул; усул, йўсин; шакл] 1 Тил унсурларининг маълум вазифа бажаришига боғлиқ ҳолда бирлашадиган, тил бирликларининг ўзига хос танланиши, бирикиши ва ш.к. билан характерланадиган тизимлар. *Тил услублар. Функционал услублар.* — Демак, турли поэтик образ ва тасвирий воситалар муайян бир услубнинг унсурларигина, холос. «ЎТА».

2 Тил воситаларидан фойдаланишнинг маълум бир ёзувчи, асар, жанр учун характерли бўлган усуллари мажмуи. А. Қаҳҳор услуги. *Фельетонлар услуги.* — Навоий учун *Хусрав [Деҳлавий]* ўзига хос услугба эга бўлган ажойиб лирик шоир ҳамда буюк ҳамсависидир. «ЎТА».

3 Тил воситаларининг экспрессив-услубий белги асосида танланиши (сайланиши); нутқнинг сўз қўллаш ва синтактик

мөъёларга мос ҳолда тузилиши. *Китобий услуг. Расмий услуг. Илмий услуг.*

4 Ишлаш, бошқаришдаги ўзига хос йўл, усул. *Раҳбарлик услуги. Сузиш услуги. Мирзачўл пахтакорларининг иш услуги.* — Бинокорликда шарқона услугуб кўплаб бинолар кўркига кўрк қўшиди. «Фан ва турмуш». *Марказнинг асосий мақсади — дунёдаги энг яхши ўқитиш услугини ўрганишдир.* «Фан ва турмуш».

УСЛУБИЙ Услубга оид. Услубий хото.

— Санъат турларининг ўйғунлашуви учун умумий услугий хусусиятларнинг мавжудлиги зарурий шарт ҳисобланади. «Саодат».

УСЛУБИЯТ [а. اسلوبیت — «услуб» с. дан] тли. Тил бирликларининг услугий имконият ва хусусиятлари, функционал-услубий, эмоционал-экспрессив бўёғи, шунингдек, нутқда тил воситаларини мақсадга мувофиқ тарзда танлаш ва қўллаш ҳақидаги таълимот.

УСЛУБШУНОСЛИК Тилшуносликнинг турли услубларни ўрганувчи соҳаси; стилистика.

УСМОНЛИ: *усмонли турк* Туркларнинг қадимги номи (турклар салтанатининг асосчиси, Туркия сultonи Усмон I исмидан).

УСТ 1 Нарсаларнинг юқори томони; тепа; зид. *паст. Усти очиқ аравага юклар ортилди.* Ойбек, Танланган асарлар. Ясси қора столларнинг ён-вери одамга, усти эса уюм-уюм китобга тўла. П. Қодиров, Уч илдиз. Эрининг ёрдамида хонтахта устини ширинликлардан бўшатди. С. Анорбоев, Оқсой. Дўёнхона бурчагида усти ейилган, текискосиб тўнкаси.. Ойбек, Танланган асарлар.

2 Ичга қарама-қарши томон; сирт. *Пальтонинг усти. Идишининг усти.* — [Гулсумбаби] *Усти кўк сирли катта челакни олиб, сигир соққани оғилхона томон кетди.* Ойбек, Танланган асарлар. Сидиқжон этикни чироққа солиб, устини, ичини кўрди. А. Қаҳҳор, Кўшчинор чироқлари. *Саодатхон устига ҳеч нарса ёзилмаган, елимланган конвертни портфелига солиб қўйди.* С. Зуннунова, Янги директор.

3 кўчма Кийим, кийимлар мажмуи; устбош. *Усти юпун, қорни оч, озғин бола унинг ўзи эмасдек туюлди.* П. Турсун, Ўқитувчи. Шу ҳам баҳонами? Устинг бут, қорнинг тўқ. Қордан кўрқасанми?! Э. Раимов, Ажаб қишлоқ.

4 кўчма Зимма, масъулият. Ҳоким текшириб, ҳеч бир натижа чиқара олмагандан кейин, айбни карвонсарой қоровули устига қўяди. Ш. Зуннун, Ҳийлакор ўғри. *Бу йўлда қанча зарба бўлса, устимга олишга ҳозирман.* Ш. Рашидов, Бўрондан кучли.

5 3-ш. эгалик ва ж.к., ў.-п.к., ч.к. аффикслари билан (*устига, устида, устидан*) кўмакчи вазифасида макон, пайт, обьект каби муносабатларни ифодалайди. *Меъмор аравадан тушиб, бир муддат бўлса ҳам майса устига ёнбошлиди.* Мирмуҳсин, Меъмор. *Қўргонбеги от устида қўргоннинг у бошидан бу бошига чопарди.* А. Қодирий, Ўтган кунлар. Чой устида эри руҳиясини кузатади, унинг нечундир кайфи бузук.. Мирмуҳсин, Топилган ҳусн. *Пастда қамишзор ботқоқлик ва унинг устидан ўтган узун ёғоч кўпrik бор эди.* П. Қодиров, Юлдузли тунлар. *Домла икки шиша пивонинг устидан юз грамм ароқни битта отиб, ўрнидан турди.* А. Қаҳхор, Тўйда аза.

Усти ялтироқ – ичи қалтироқ Кўринишдан яхши, мазмун-моҳияти яроқсиз, но мақбул.

УСТА [ф. اسْتَا – ўргатувчи, муаллим] 1 Бирор касб-хунар билан шуғулланувчи малакали мутахассис. *Соатсоз уста.* Этик-дўз уста. *Тикувчилик устаси.* Иш устасидан қўрқар. Мақол. ■ *Бу бинони ким қурган, Кўк билан улашибиро?* Қоматин заб ўҳшатган Устаси келишибиро. Қ. Муҳаммадий. [Тўлаган:] Оғиз солған усталарга доим қарашдим, лекин бирордан бир чақа сўраганим ўйқ. А. Қаҳхор, Кўшчинор чироқлари.

Уста солмоқ Уста, мутахассис ёллаб ишлатмоқ. Сидиқжон онаси кутгандан ҳам ортиқроқ ғайрат қилиб, ҳаш-паши дегунча ёғоч, сомон, бўйра, тахта ва бошқа нарсаларни ташиб олди ва тездан уста солди. А. Қаҳхор, Кўшчинор чироқлари.

2 Маълум касб ёки хунарни эгаллашга ўргатувчи шахс; раҳбар, устоз. *Уста кўрмаган шогирд ҳар мақомда йўргалар.* Мақол. ■ Устанинг шогирди – ўн тўрт яшар Йўлдош дераза олдида ўтиради. Ойбек, Танланган асарлар. Ака-ука уста қўлида уч ишл ишлади.. Мирмуҳсин, Меъмор.

3 Шундай шахсларни билдирувчи сўзларга (шахснинг исми ёки бува, амаки каби сўзларга) кўшиб ишлатилади. Қишлоқ чеккасида уста Абдуваҳоб деган, Аштдан кўчиб келиб қолган тожик яшайди. Т. Ашуроғ, Оқ

от. Уста бобонинг кайфи чоғ эди. С. Сиёев, Ёруғлик. Уста амаки, мундан халат тикиб берсангиз. «Гулдаста».

4 Бирор иш, соҳанинг машҳур, моҳир билағони; моҳир. *Бадиий сўз устаси.* Юқори ҳосил усталари. Санъат усталари.

5 Спортнинг у ёки бу соҳасида маълум натижаларни қўлга киритган спортчиларга бериладиган унвон ва шу унвонга эга бўлган шахс. *Спорт устаси.* Хизмат кўрсатган спорт устаси.

6 Эпчил, чечан. *Марасул ака,* кўк пиёз тўғрашга устасиз.. А. Қаҳхор, Оғриқ тишлар. Гапга ҳам уста экансиз.. Мирмуҳсин, Меъмор. *Майнабозчилик қилишга уста эди Раҳим ака.* Ф. Мусажонов, Ҳиммат.

УСТАБУЗАРМОН Бирор нарсани тузатман, яхшилайман деб уриниб, уни бузиб қўювчи, ишдан чиқарувчи, қош қўяман деб, кўз чиқарувчи шахс. Бола деган сал бўйи ҷўзилгандан кейин, мол боқади, бозор-ўчарингни қилиди. *Наҳотки тарақ-тарақ қилиб, устабузармон бўлиб ўтираса.* Ойдин, Ўзига монанд. Буни нон ейишдай осон деб ўйламанглар, устабузармонлар. Ҳ. Назир, Сўнмас чақмоқлар.

УСТАВ [р.] қ. **НИЗОМ**.

УСТАЗОДА [ф. اسْتَاذَة – устанинг боласи] Ота-боболарининг хунарини эгаллаган фарзанд.

УСТАКОР [ф. اسْتَكَار – бирор ишга моҳир киши] 1 Маълум иш ёки хунар бўйича усталарга бошчилик қилиб, уларни бошқарувчи, бош уста; корхона бошлиғи. *Уста Олим билан уста* Фарфининг сўзларидан, илгарида бир устакорницида ишлаганиклари.. ва шундан сўнг [уста Олим] ўз уйига дўкон қуриб, ўзича ишлай бошлаганилиги англашилар эди. А. Қодирий, Ўтган кунлар.

2 Ном чиқарган уста; усталарнинг устаси.

УСТАКОРЛИК 1 Устакор иши. Устакорлик қилмоқ.

2 Устакорга, устачиликка хос. Номаълум киши қандайдир бир ишни бажармоқчи бўлиб, ҳар турли устакорлик асбобларига дикқат билан кўз ташлади. Ғайратий, Тун қўйнида.

УСТАЛИК 1 Уста эканлик. Ҳаммасини ҳам қўйинг-а, гапга усталиги.. ва гап орасида кулиб қўйишларини қаранг. Ойдин, Садағанг бўлай, командир.

2 Устага хос маҳорат; моҳирлик. Юрьев бу ўённинг ана шу ноқулаликларидан уста-

лик билан фойдаланаади. И. Раҳим, Чин муҳаббат. Биканинг уйида қанчадан-қанча жиҳозлар.. кимхоб тұшаклар, усталик билан ишланган Хива ёйма күрталари. Ж. Шарипов, Хоразм.

3 Устага оид, уста билан боғлиқ (қ. уста 1). Усталик ишим ўйқ. Самоварга чой ичгани келдим. С. Сиёев, Ёргулик.

УСТАМА 1 Пул ҳисобида тайинли (бел-гиланган) миқдорға қўшиб бериладиган; устига қўшимча. Агар пайкал сифатли ҳайдалган бўлса, механизаторга устама ҳақ тұланади. Газетадан. Кузга бориб меҳнат ҳақидан ташқари қанча устама муроғот олишарини ҳам хаёлида чўтлаб айтуб берди. С. Анорбоев, Йўлда йўлдош бўлганлар.

2 Маҳсулотнинг ишлаб чиқарилиши билан боғлиқ бўлмаган, таннархдан ташқари, таннарх устига қўйиладиган. Ҳулас, эгов ва бошқа бир қанча товарларга ҳам мудирнинг ҳакалак отган нафсига жавоб берадиган даражада устама нарх қўйилди. Газетадан. Үғитларни жойлаштириш учун катта-катта омборлар зарур. Мана шуларнинг ҳаммаси устама харажатларни анча кўпайтириб юбормоқда. Ш. Рашидов, Бўрондан кучли.

З с.т. кам қўлл. Қўшимча равишда; яна. Бир неча тарёкийлар менинг ҳикояларимдан ўзларидан кетай деб қолдилар, баъзилари ҳозиргина еган афюнлари эсларида ўйқ, яна устама афён еб олдилар. Ф. Фулом, Шум бола.

УСТАНОВКА [р. установить – «ўрнатмок, курмок; белгиламоқ, йўлга қўймоқ» ф. дан ясалган от] 1 қ. **курилма**. Фарғона азот үғитлари заводида эса баъзи янги қуевват ва установкалар белгиланган муддатларда ишга туширилмаган. Газетадан.

2 қ. **қўлланма, кўрсатма**. ..шогирдлари томонидан илгари суринган методологик ва методик установкалар тўғрисида гапириш керак эди. «ЎТА».

УСТАРА Соч-соқолни қириш учун ишлатиладиган ўткир тиғли, дастали асбоб. Сочини устара билан қирдирған, янгигина марғилоннусха дўпписи ўзига ярашиб турарди. Ҳ. Фулом, Феруза. Отаси Афғонистондан олиб келган дандон соли устара ярим очиқлигича чормихга илиниб турибди. С. Сиёев, Ёргулик.

УСТАХОНА [уста + хона] 1 Бирор нарса ясаш, тайёрлаш ёки таъмирлаш учун

маҳсус жиҳозланган кичик муассаса ва унинг биноси. Умарали техника устахонаси олдида қаторлашиб турган машиналар ичіда.. «Победа» га ҳавас билан қаради. И. Раҳим, Ихлос. Аваз ярим соатча дам тортбиб ўтириди-ю, бу тор, нимқоронги устахонадан зерикиб, чиқиб кетди. С. Сиёев, Ёргулик.

2 Корхона, хўжалик ва ш.к. ларда устачилик, таъмирлаш ишларини олиб борувчи бўлим. Хўжаликларнинг устахоналари бу ишга мослаштирилмаган, ўғиши сифати техника талабларига мутлақо жавоб бермайди. Н. Худойқулов, Ер тафти. Ҳар бир ўқув кабинети ва устахонага комбинат бўлинмаларининг раҳбарлари биректириб кўйилган. Газетадан.

3 Рассом, ҳайкалтарошнинг иш олиб борадиган жойи, хонаси (хоналари). Рассом ўз устахонасида ёлғиз ижод қиласди. Газетадан.

УСТАЧИЛИК Уста бажарадиган ишлар билан шугулланиш. Устачилик қилмоқ. Устачиликни ўғишиштирмоқ.

УСТ-БОШ Шахсга хос, оёқ кийимидан бошқа ҳамма кийимлар. ..янги уст-бош тўғрисида ҳам, янги этик тўғрисида ҳам ўйламас.. эди. П. Турсун, Ўқитувчи. Аксарининг уст-боши юпун, маҳсиларининг ўиртиклиаридан кир пайтавалари осилиб туради, кимларда похол тиқилган эски калиш, кимларда жаси ўиртиқ кафш, лекин улар шод. Ойбек, Танланган асарлар.

УСТИГА-УСТАК Бунинг устига, буниси етишмагандай. Тушда иштаҳа бўлмай, қовун билангина таҳаммул қилганларидан, қорин оч, бунинг устига-устак жазира маофбот. И. Қаландаров, Шоҳидамас, баргига.

УСТКИ 1 Юқорида, тепа қисмда жойлашган; юқориги, тепадаги. Устки тиши. Устки жағ. Ўйнинг устки қавати. ■ [Камолхонов] Сураймоновнинг кулмаганини кўриб, ўзини жиддий кўрсатиш учун, қошлигини чимирди, устки лабини сўра бошлади. А. Қаҳҳор, Икки ёрти – бир бутун.

2 Нарсанинг ташқи қисмida, сиртида жойлашган; сиртидаги. Нормат бинтни противогаз халтасининг устки чўнтағига солиб қўйди. И. Раҳим, Чин муҳаббат. Шудгорларни бороналашни тупроқнинг устки қатлами етилиши биланоқ бошлаш керак. Газетадан.

УСТМА-УСТ рвш. 1 Бири устига бошқасини қўйиб, қалаштириб. Китобларни уст-

ма-уст жойламоқ. ■ [Махмуд Торобий] Боз кунлари икки инисини икки ёнига олиб, устма-уст таҳланган ғалвир-элакларни орқаган ҳолда, пиёда Бухорога жўнар. М. Осим, Маҳмуд Торобий.

2 Кетма-кет, уст-устига. Отига устма-уст қамчи босди. ■ Мадамин настга тушиб, Ҳудойқулнинг биқуни ва кўкрагига устма-уст тепди. П. Турсун, Ўқитувчи. [Душман] Буталарни оралаб юз эллик метрча яқин келганда, [Аҳмаджон] устма-уст икки сидра ўқ ёғдирди. А. Қаҳхор, Олтин юлдуз.

УСТОД [ф. استاد — муаллим, ўргатувчи] кт. айн. **устоз.** Аваз ҳар куни эрталаб улуг устодларининг китобларини ўқиб, дарс оларди. Ж. Шарипов, Хоразм. У ҳатто Ҳиротда қолиб, бошқа бир ерда истиқомат қилса ҳам, устоднинг қўлида хизмат этишини истарди. Мирмуҳсин, Меъмор.

УСТОДОНА [ф. استادانه — устоз каби; моҳирона] рвш. Устодларга ўхаш, устодларга хос. **Маждиддин парвоначи.. бармоқларини енгилгина қисирлатиб, устодона тур билан мажлисга қаради.** Ойбек, Навоий.

УСТОЗ [ф. استاد — муаллим, ўргатувчи; уста] 1 Касб, ҳунар, илм ва ш.к. ни ўргатувчи; ўқитувчи, муаллим. Устозидан сабоқ олган, аудиторияларда бўладиган баҳслар ва жиддий машғулотларда қатнашган студент, бўшаган заҳоти, иккинчи уйи — ётөқхонага шошилади. Газетадан.

2 Йўл-йўриқ кўрсатувчи, тарбияловчи, мураббий; раҳнамо, ўқитувчи, муаллим. **Бобур отдан тушиб, устози билан кўришар экан,** бирдан кўнгли юмшаб, кўзларига ёш қўйилиб келди. П. Қодиров, Юлдузли тунлар. **Шундай қилиб, китобни кўтариб, минг истихола билан устоз Миртемирга яқинлашдим.** Газетадан. Сизлар, сизларнинг устозларингиз отнинг қашқасидай маълум бўлиб қолгансиз. Ҳ. Фулом, Машъял.

УСТОЗЛИК Устозга хос ҳолат, мавқе; устоз иши. **Мунис ёмон бир сўз айтмоқчи бўлди-ю,** яна устозлик ҳурмати, ўзини тийди. 3. Фатхуллин, Сўнмас юлдуз.

УСТОМОН Жуда усталик, муғамбирлик, ҳийлакорлик билан муомала қиласидиган; айёр, ҳийлагар, маккор. **Тўрахонов устомон, обўуси ҳам баланд,** ёлғонни ҳам қойил қиласиди. Ш. Рашидов, Қурратли тўлқин. **Толиков жуда устомон киши,** фирибгарликни эзги қилиб ичиб юборган. «Муштум».

УСТОМОНЛИК Устомонга хос хислат, хатти-ҳаракат. Туя ютса, думини кўрсатмайдиган бу очоффатлар гоят устомонлик билан иш битириб юришган экан. «Муштум». Унинг сўзларидан қандайдир устомонлик баъзан баъзан кўзга ташланиб қолади. А. Убайдуллаев, Ҳаёт оқими.

УСТУВОР [ф. استوار — чидамли, маҳкам, тўғри, ўтқир, кучли] эск. кт. Маҳкам, мустаҳкам, бузилмас. Яна қонлар тўқиб устувор қилдик.. F. Фулом.

УСТУВОР ЙЎНАЛИШ Биринчи даражали, устун йўналиш. **Устувор турмоқ** 1) қимирламасдан, мустаҳкам турмоқ; 2) қўчма иккиланмасдан бир фикрда қатъий турмоқ.

УСТУН I [ф. استون / استون — тиргак, поя, тирговуч, таянч] 1 Томни кўтариб турувчи тик таянч ёғоч. **Меъмор айвонга қаради:** пешайвоннинг ўша тўрт устуни кўзига оловдек кўринди. Мирмуҳсин, Меъмор. **Лабли отхонанинг ўт ялаётган хариларини,** чарсиллаб ёнаётган устунларини кўрди. Ҳ. Фулом, Машъял.

2 архит. Бино пештоқи ва шифтининг асосий таянчи; колонна. **Театр пештоқининг устунлари.** **Фойе устунлари.** ■ Станция айвонининг баҳайбат устунлари, ранг-баранг ясаниб, поезд кутишига чиққан одамлар аста-секин суза бошлигандан, Элмурод тоқат қилолмади. П. Турсун, Ўқитувчи.

3 Умуман, бирор нарсани кўтариб туриш, осиб қўйиш ва ш.к. учун фойдаланиладиган узун тик ёғоч ёки шу таҳлитда ишланган қурилма. Чегара устуни. **Йўл кўрсатувчи устун.** ■ **Ажсалнинг ништари бағрим ўиртади,** Шиқирлатиб дор устунга тортади. «Ширин билан Шакар». Кетмон кўтарган икки мўйсафидан унинг ёнидаги электр устуни тағида гаплашиб ўтиради. Ў. Умарбеков, Ёз ёмғири.

4 физ. Ҳаво босими ёки ҳарорат ўлчаш асбобларининг тик шиша найчаси ичидаги суюқлик. Симоб устуни пасая бошлиди. ■ Суюқлик устуни қанча баланд бўлса, босими шунча катта бўлади. «Физика».

5 кўчма Ушлаб, тутиб, сақлаб турувчи шахс; таянч, суюнчиқ. Афсуски, орамизда устоз Абдусамад Аввал йўқлар, маърифат иморатининг бир устуни ўиқилиб тушди. М. Осим, Карвон йўлларида. **Тунов куни шаҳардан чиқиб келаётган уч-тўрт оқсоқол менин кўрсатиб,** «районнинг устуни» дегани қу-

логимга чалинди. Р. Раҳмон, Мехр кўзда. *Устунлари тезлик билан яксон қилинган бўлса ҳам, эски жамият осонликча қуламади. «ЎТА».*

Дунёга устун бўлмоқ Абадий яшамоқ. [Исломхўжас:] Ҳаммамиз ҳам бу дунёга меҳмонмиз. Ҳеч ким дунёга устун бўлган эмас. Ж. Шарипов, Хоразм.

УСТУН II Бирор жиҳатдан юқори, баланд, кучли. Сон жиҳатдан устун. — *Мирзакаримбойнинг қизи Нуринисонинг табиатида енгиллик билан макр устун турар эди. Ойбек, Танланган асарлар. Эл-юрт манфаатлари ҳар бир нарсадан устун ва улуғ. Н. Сафаров, Оловли излар.*

Устун чикмоқ (ёки келмоқ) Фалаба қозонмоқ, боли келмоқ; енгмоқ. *Одамларнинг салобати унинг қайғусидан устун келдими.. энди у йигламас эди.* П. Турсун, Үқитувчи. *Тугилаётган янгиллик билан эскилик ўтасидаги кураш жараёнида илғор фикр устун чиқди.* Н. Сафаров, Оловли излар.

УСТУНЛИК I Устунга мўлжалланган, устун учун ишлатса бўладиган. *Устунлик ёғоч.*

УСТУНЛИК II Юқори, устун ҳолатга эталик; устун эканлик. *Рамазон қори бу сафар ҳам ўзининг устунлигини ҳис қиласар эди.* П. Турсун, Үқитувчи. *Айниқса, Кенжанинг асосий ҳарактеристикалари ўзиникидан устунлиги бу масалани янада ойдинлаштиради.* О. Мўминов, Хиёбондаги уч учрашув.

УСТУНЧА 1 Устун I 1 с. кичр. *Ариқчалар бўйида.. икки томондан бир-бирига рӯпара қилиб, қатор устунчалар ўтказилган.* С. Айний, Эсадаликлар.

2 бот. Гулнинг уруғи (оналиқ) оғизчаси билан тутунчаси оралиғидаги найчасимон қисми.

УСТ-УСТИГА рвш. Иш-ҳаракатнинг тақрорланишини ифодалайди; бирин-кетин, устма-уст. *Куч олади қарсак қалблардан, Уст-устига тушади хитоб.* Э. Раҳим. Эшик қўнгироғи уст-устига жиринглаб, холанинг хаёлини бўлди. «Гулдаста».

УСТУХОН [ф. استخان — сўнгак, суяқ] Суяқ, сўнгак (одатда, эт билан бирликда). *Онангизни кўринг: устухон, бир ҳовуч устухон. Шуҳрат, Умр погоналари.*

2 Гўштили, пиширилган суяқ. *Махсум.. нешинда ейилган гўштидан қолган устухонни тозалай бошлади.* С. Анорбоев, Оқсой.

Устухон бўлмоқ Ниҳоятда озиб кетмоқ, қоқ суяқ бўлиб қолмоқ. *Озиб, тўзиб, биргина устухон бўлиб қолган жафокаш қиз бидъат овоқтасидан чиқарилди.* М. Исмоилий, Фарғона т. о. *Устухони йўқ айн. суяги йўқ қ. суяқ. Очиги, Адашев қариндошлиқ, машшатбозликка устухони йўқ.. одам экан, қурғур.* А. Мұхиддин, Ҳарактеристика. *Устухони қолган ёки эти (бориб) устухонига ёпишган Ниҳоятда озиб кетган, қуруқ суяқ. Кечқурунлари ухлаш учун ечинаётганда, у озиб-тўзиб, устухони қолган баданига қарамасликка ҳаракат қиласарди.* Газетадан. *Бир неча кун ичида Нодиржоннинг эти устухонига ёпишди.* А. Мұхиддин, Чап чўнтақ.

УСТҚУРМА Тарихан шаклланган ижтимоий муносабатлар ва сиёсий, ҳукуқий, ахлоқий, диний, эстетик, фалсафий қарашлар ва уларга мос келувчи ва жамиятнинг иқтисодий базиси томонидан бошқариладиган, ўз навбатида, базисга таъсир ўтказувчи муассасалар мажмуи.

УСУЛ [اصول — асосий қоидалар, қонунлар; қабул қилинган тартиб] 1 Бирор нарсани юзага чиқариш, амалга ошириш йўли; ҳаракат тарзи, хили, тартиби; йўл. *Қоғоз тайёрлаш усули. Масала ечиш усули. Квадрат уялаб экиш усули. Сунъий нафас олдириш усули.* — *Кишиларни меҳнатга муҳаббат руҳида тарбиялаш хурофтотга зарба беришнинг энг қулај усулидир.* Газетадан. *Ғўза сугоришнинг янги-янги усуllibарни қўлланадиган бўлиб, Жамоловнинг мулоҳазалари эскириб қолди.* Ж. Абдуллахонов, Орият.

2 Бирор иш, машгулот кабиларга хос бўлган, унда қўлланувчи асосий хатти-ҳаракат, йўл. *Фарғонача кураш усуllibari.* — *Оғир вазнлилар беллашувида Республикамиз вакили чироили усул қўллаб, соғ ғалабани қўлга киритди.* Газетадан.

3 айн. **усуб 1. Проза усули.**

4 мус. Куйнинг ижро этилиш суръати ҳамда бу суръатни бошқариб (тезлатиб ёки секинлатиб) туриш учун бериладиган мусиқий имо-ишоралар. *Усуllibar рақснинг ритмларидир.* Т. Обидов, Юсуфхон қизиқ. *Отаси танбур ёки торда машқ қилаётганида, унга доира билан жўр бўлиб, усул бериб турадиган бўлди.* А. Мадраҳимов, Моҳир жангчи.

5 Ноз-карашма, ишва; шўх қилиқ, шўхлик. *Усул қилимоқ.*

Гоҳ худою расул, гоҳ ғамзаю усул Фақат тоат-ибодат билан яшамай, дунё лаззатидан ҳам баҳраманд бўлиш керак, маъносидаги эски ибора. -Хунарингиз гоҳ худою расул, гоҳ ғамзаю усул экан-да, генерал, – деди Мардонбек. С. Азимов, Оппоқ тонг кўшиғи.

УСУЛЧИ 1 мус. Куй суръатини бошқаруб, унга усул бериб турадиган созанда. Усулларнинг мураккаб турларини ўзлаштирган усуличилар жуда кам бўлади. Т. Обидов, Юсуфжон қизик.

2 шв. раққоса.

УТИЛЬ [фр. utile < лот. utilis – фойдали] с.т. Ишдан чиқкан, лекин иккиласми хомашё сифатида ишлатса бўладиган эски-туски нарсалар, чиқиндилар (темир-терсак, латта, қофоз, суяқ, шиша, пойабзал ва ш.к.). *Утиль тўпламоқ. — Утильдан олинган китоблар эди, шундай китобларки, ажойиботлар.* Т. Тўла. Ана ундан кейин утиль идорасига ишга кириб, битта эшак араванинг эгаси бўлиб.. шиша йигадиган бўлди. С. Аҳмад, Сайланма.

УТМОҚ шв. Устидан қайноқ сув қўйиб ёки ўтга тутиб, жунуни, тукини тозаламоқ. Каллани утмоқ. *Товуқни утмоқ.*

УТОПИЗМ [«утопия» с. дан] Амалга ошмайдиган назария ва қарашлар; утопияга майиллик, хаёлпарамастлик, хомхаёллик.

УТОПИК Амалга ошмайдиган, реал эмас, хаёлий, файрилмий.

Утопик социализм флс. Жамиятни молмulkning умумийлиги, барча кишиларнинг тенглиги, меҳнатнинг мажбурийлиги, шаҳар билан қишлоқ, ақлий меҳнат билан жисмоний меҳнат ўртасидаги тафовутларнинг ўйқ бўлиши негизида идеал тарзда қайта қуриш ҳақидаги таълимот (инглиз ёзувчиси Томас Морнинг «Утопия» асаридан келиб чиқкан).

УТОПИСТ 1 Утопик социализм тарафдори.

2 Амалга ошмайдиган, нореал нарсларни орзу қилувчи, хаёлпарамаст, хомхаёл одам.

УТОПИЯ [юн. utopos < мавжуд бўлмаган жой, мамлакат < и – йўқ, мавжуд эмас + topos – жой, макон ёки eutopos – гўзал, ажойиб мамлакат < eu – яхши, соз + topos – жой, макон] 1 флс. Илмий асосга эга бўлмаган идеал ижтимоий тузум тасвири (Т. Морнинг айни шундай жамият тасвирангандан «Утопия» асари номидан).

2 Илмий фантастика жанри; ижтимоий қайта қуришларнинг нореал, хаёлий режалари тасвирангандан барча асарларнинг белгиси.

3 Амалга ошмайдиган орзу, хомхаёл.

УТОРИД [а. عطراو] айн. аторид.

УФ унд.с. Бирор нарсадан шикоят, ранжиш, бўғилиш каби туйгуларни ифодалайди. Уф, ҳаво жудаям дим! Уф, саримсоқ иси келяпти! Уф, ҳамма ёқни тутун босиб кетди! — Уф! Сувсадим, – деди Фотима етигичини силкитар экан. П. Турсун, Ўқитувчи. Хотин паранжиси билан айвоннинг олдига ўтириб олгач, уф, деб чайқалди. А. Қодирий, Ўтган кунлар. Йигит ичкари кирди; қўлидаги портфелини диванга улоқтириди; уф тортиб, пешонасига урди. А. Қаҳҳор, Қайгулар.

УФЛАМОҚ Уф демоқ, уф тортмоқ. [Отабек] Бу қарашида бутун ўтган кунларини яна бир қайта хотирлагандек бўлди ва.. уфлаб юборди. А. Қодирий, Ўтган кунлар.. соvuқдан этикчаларини бир-бира гуриб ишқайди, қўлларига уфлайди. Ҳ. Ғулом, Тошкентликлар.

УФОЛОГ Уфология мутахассиси, уфология билан шуғулланувчи.

УФОЛОГИЯ [ингл. ufology < UFO (unknown flying object) – НУЖ (номаълум учар жисм) + logos – сўз, таълимот] Номаълум учар жисмлар ва улар билан тахминан боғлиқ бўлган воқеа-ҳодисалар, ҳолатлар ҳақидаги гувоҳларнинг хабар ва маълумотларини тўплаш, гурухлаштириш ва талқин қилиш, уларнинг тўғри-нотўғрилигини аниқлаш билан шуғулланувчи соҳа. Астрология, уфология ва шу каби соҳаларга оид билимлар пинҳоний билим тури дейилади. Газетадан.

УФОР [а. عفار – чанг; тўзон; ҳид] 1 айн. мушк. ифор. Ўйлаб қолар тонгда гунчалар, Кийиб баргикарам нимчалар. Пинҳон-пинҳон кўзин очарлар, Борлиқ узра уфор сочарлар. Э. Охунова.

2 мус. Қадимги доира, шунингдек, ногора усуllibаридан бири.

3 Халқ ва мумтоз мусиқада шу усул жўрлигига ижро этиладиган чолгу ва ашула йўллари. Рубобчи уфор ҳавосига чала бошлиди, кокилини тараб ўтирган бола ўйинга тушибди. С. Айний, Дохунда. Чалинади най,

чилдирма, дўмбира, Жўшар гижжак, қайнар уфор, дилхирож. М. Шайхзода.

УФУРМОҚ Ҳаво оқими билан атрофга таратмоқ, димоққа урмоқ. Анҳор томондан енгил шабада ялпиз ҳидини уфуриб эсарди. Ў. Умарбеков, Ялпиз ҳиди. Гўзал Фарғонадан эслан шабада Мирзачўл кўксига уфурур ҳаёт. М. Икром. Чор атрофда гуллар чаманзор, Ҳушбўй атрин уфурур баҳор. Ҳ. Ҳасанова.

УФҚ [а. افق – ер ва осмон туташган чегара; горизонт; истиқбол] Очик жойда осмон билан ернинг ёки сув сатҳининг кўз илғаган узоқликда ўзаро туташгандай, ер билан осмон қўшилганда бўлиб кўринган чизиги, қисми; горизонт. *Farbiй уфқда самолётлар пайдо бўлди. Қуёш уфққа яшириди.* ■ Уфқни ўз гавдаси билан тўйсан пастбаланд тоғлар қоп-корайиб. кўринади. Шуҳрат, Шинелли йиллар. Кеч кириб, қуёш гарбга ёнбошлигач, уфқ қип-қизил алангана ичидаголганда бўлди. Ж. Шарипов, Саодат. Эндиэнди уфқ ёршишмоқда. Ҳ. Назир, Сўнмас чакмоқлар.

УХЛАМОҚ 1 Уйқуга кетмоқ, ухлоқ ҳолатда бўлмоқ. Бола.. гоҳ у ишга, гоҳ бу ишга югурап, кечалари эса ҳолдан тойиб, ҳориб, донг қотиб ухлар эди. М. Исмоилий, Фарона т.о.

2 кўчма Тинч ҳолатда бўлмоқ. *Oғир сукунатга чўмид Ухларди қишлоқ.* Файратий. Пашша учмас, ухлар унгувлар. Алалайди сойнинг шовқини! Т. Тўла.

Етти ухлаб, туш(и)да (ҳам) кўрмаган ёки етти ухлаб, туш(и)га (ҳам) кирмаган қ. туш.

УХЛОҚ Уйқу ҳолатида, ухлаган.

УХУ тақл. с. Йўтал товушини ифодалайди. Тойни миниб шаҳарга туш, икки шиша конъяқ ол. Тез. Уху-уху.. йўтал қурсин. Ойбек, Танланган асарлар.

УЧ I 1 Нарсаларнинг ингичкалашган, ўткир томони. Найза учи. Ҳанжар учи. Қозикнинг учи. Игнанинг учи. Тикан заҳри – учида, душман заҳри – ичидা. Мақол. ■ Жувон Сидиқжондан пичоқ сўраб олиб, иккита бодринг арчиди, бирини ўзи тишлаб, иккинчисини пичоқ учида Сидиқжонга узатди. А. Қаҳҳор, Кўшчинор чироқлари. Мирзакаримбой соқолининг учини бармоқлари билан чимтиб, кулиб қўйди. Ойбек, Танланган асарлар.

2 Ёғоч, ип, сим ва б. энсиз, узун нарсаларнинг томонларидан бири, бир томон охири, боши. Таёқнинг учи. Арқоннинг учи.

■ Яна бир ўигит дарвозага тирмашиб чиқаётир, пастда иккитаси бир-бирининг елкасига чиқиб, узун алвоннинг учини унга узатишга уринмоқда. А. Мухтор, Опа-сингиллар. Аравадашилар дарров тушиб, кўчанинг икки учига қараб кетди. М. Исмоилий, Фарғона т. о.

3 Нарсаларнинг ўзи бириккан, ўрнашган жойдан ташқари йўналган томони, охири. Бармоқнинг учи. Чойнак жўмрагининг учи. ■ Акрамжонни бир нав қуҷоқлаган бўлдим, жувонга эса қўлимнинг учини бердим. А. Қаҳҳор, Минг бир жон. Унинг юзида, шундай бурнининг учида холи бор. Ў. Умарбеков, Ёз ёмғири. ..вафот этган холосини эслади ва кўзидан тирқираб чиқсан ёшини енг учи билан артди. И. Раҳим, Ихлос.

4 Чорбурчак буюмларнинг томонлари туташган жойи, бурчаги. Фанернинг тўрт учидан ушлаб кўтармоқ. ■ Полвон елкасига ташлаб чиқсан қийигини олди-да, икки учидан ушлаб, бир-икки айлантириди. М. Исмоилий, Фарғона т. о.

5 мат. Чизикларнинг ёки сиртларнинг ўзаро туташиб, кесишиб, бурчак ҳосил қилган нуқтаси.

6 Нарсаларнинг юқори қисми, тепаси, боши. Миноранинг учи. Дараҳтнинг учи. Симёғочнинг учи. ■ Тераклар учида ўйнар қизил нур. Файратий. Бир куни ўрикнинг учига чиқиб.. атрофни томоша қилдим. Ойдин, Садаганг бўлай, командир. Деворга ташқаридан қўйилган кенг нарвонларнинг улари хиёл чиқиб турарди. П. Қодиров, Юлдузи тунлар.

7 кўчма Бирор нарсанинг бошланиш қисми, боши. Сир(нинг) учини сўз очар. Мақол. ■ У [Элмурод] ҳали бу муваффақиятнинг фақат учигини эканини ҳеч бир унумтади. П. Турсун, Ўқитувчи. Нури бу воқеанинг учини эшитган ҳамон безгакдай қалтираб кетди.. Ойбек, Танланган асарлар.

ОЁҚ УЧИДА (ёки учи билан) кўрсатмоқ Назар-писанд қилмаслик, менсимаслик. Аммо муомаласи дагал.. одамларни оёқ учида кўрсатади. Ҳ. Назир, Кўктерак шабадаси. [Нури] Камбағал, ҳатто ўртаҳол оила қизларини оёқ учи билан кўрсатар.. эди. Ойбек, Танланган асарлар. **ТИЛ УЧИДА** Истар-истамас, шунчаки йўли учун. -Келинг, – деди бошқарувчи тил учида. «Муштум». -Тил учида айтган экансиз-да бу гапни. -Нега тил учида бўлади. А. Қаҳҳор, Кўшчинор чироқ-

лари. **Уч бермоқ 1)** кўриниш бермоқ, пайдо бўлмоқ, юзага келмоқ. *Кунлар ўтди. Опанинг образи уч бера бошлади.* Ш. Холмирзаев, Оғир тош кўчса. *Кун энди уч бериб, қояларда жилоланар, тиник осмон шишарадай ялтилаб, бу манзарага яна бир кўрк багишламоқда эди.* С. Кароматов, Бир томчи қон; 2) белги бермоқ, очилмоқ, ошкор бўлмоқ. *Нарироқса бориб, бу жумбоқ тасодифан уч берди.* Ҳ. Назир, Кўктерак шабадаси. **Учини чиқармоқ** Бошлангич, белги тарзидаги маълумот бермоқ; шипшимоқ. *Орамизда қоладиган гап бор, азизим!* Фақат сизгагина учини чиқаришим мумкин. Ш. Рашидов, Бўрондан кучли. *Жўрттага очик айтмадим. Лекин хайрлашаётуб, учини чиқаргандим, шунга ҳам бир сапчиб тушди.* О. Ёкубов, Бир фельетон қиссаси. **Учига чиққан** Энг ашаддий, ўтакетган. Айёлрикда учига чиққанман, деб мақтансам ёлгон эмас.. Ойбек, Улуг Йўл. *Ўзи бориб турган ифвогар, учига чиққан материалчи, писмиқ одам.* «Муштум». **Хамир учидан патир қ. патир.** Қалам учи ёзилган, ёзиб эълон қилинган нарса учун бериладиган ҳақ. *Манави осонлиқни қаранг, тақсир.* Қалам учисига бўзни узатдим, олмайди. А. Қодирий, Мехробдан чаён. **Қўл учида 1)** астойдил эмас, истар-истамас. *Бу йигитни ҳеч кўрмаган эди, малол олди шекили, қўл учида сўрашиб, қизга савол назари билан қаради.* «Муштум»; 2) ночор ҳолда, енгил-елпи. Энди сен қўл учида қиласидиган тирикчилигинг учун кеча-кундуз капиталистларга ишишинг керак. Ё. Хаймов, М. Раҳмон, Ҳаёт-мамот.

УЧ II снқ. сон 1 3 рақами ва шу рақам билан ифодаланган сон, миқдор. **Уч карра уч тўққиз. Уч ўил бурун. Уч ойдан кейин. Бир бўлган, икки бўлмай қолмас, Икки бўлган, уч бўлмай қолмас. Макол. — Эртасига соат бирда уч партизанни кўмиш маросими бўлди. А. Қаҳҳор, Олтин юлдуз. *Собиржон овчилар инҳом қиласиган икки қуён ва уч ўрдакдан бир қуён ва икки ўрдакни Асқар отага берди.* А. Қаҳҳор, Хотинлар.**

2 Беш балли баҳо тизимида ўзлаштириш «қониқарли», «ўртача» деган маънодаги баҳо. *Унинг баҳоси — уч.* Бу иншо учун уч қўйса бўлади.

3 этн. айн. **кирювди.** Чолнинг ёстиги тагидан топилган нул уни кўмиб келишгагина етди. Ҳали бу ёқда учи, еттиси, ийгири маси,

фотихахонлиги.. ва ҳоказолар бор. М. Осим, Тилсиз гувоҳ.

УЧ III дин. этн. Учига пахта ўраб, ёғлаб, марҳум арвоҳига атаб пайшанба, жума оқшомлари ёқиб қўйиладиган чўп. Уч ўрамоқ. Уч ёқмоқ.

УЧА шв. Елка, елканинг орқа томони. *Ҳар бир половоннинг ўз ўнги бўлади.* Отасининг ўнги — ягрини, боласининг ўнги — учаси. Т. Мурод, Қўшиқ.

УЧАК шв. айн. **том I.** Кечак ќўхна арк олдидан ўтгандим, кўзим дўконингга тушди: девори қийшайган.. учаги босай деб турибди. Ж. Шарипов, Хоразм.

УЧАЛАТОЙ Филдирак тўғини ясаш учун ишлатиладиган, ниҳоятда қаттиқ ёғочли қайрагоч тури.

УЧАР 1 Учмоқ фл. сфдш. Учар балиқлар.

— Учар қушдан улги олган жонивор, Минганинг кўнглида қолмайди губор. «Ёдгор».

2 кўчма Учгандай тез юрадиган, жуда тез чопадиган; чопқир. *Бўтабой ака бу кунларда ўзини ҳали от минишини дурустроқ билмай туриб, жуда учар отда улоққа кирган кишидай сеза бошлади.* А. Қаҳҳор, Кўшчинор чироқлари.

3 кўчма Ҳийла-найранг билан ҳар нарсани ундира оладиган, ҳар нарсага эриша оладиган; эпчил. *Тўлқинжон, ким айтади сени олғир, учар йигит деб.* Мана ярим ўйла бўлиб қолибди-ку, битта қишлоқи қизнинг муҳаббатини қозонолмайсан. Ф. Мусажонов, Ҳури. *Жонкуяр, ҳалол кишилар ўғрига чиқарилди.* Ўндан тўққизини ураётган айрим учарларнинг боши силанди. В. Маҳкамов, Айбизз адборлар.

Учар юлдуз с. т. Метеор.

УЧАСТКА [р. участок] 1 Бирор мақсадда ажратилган ер бўллаги, майдон. Бундан чиқадиган сув билан.. мактаб участкасинигина эмас, унга туташган томорқа ерларни ҳам сугориш мумкин. Ҳ. Назир, Чўл ҳавоси. Элмурод полкдан ўз батальонига участка олиб, мудофаага ўтгандан, тонг ёришиб қолган эди. Шуҳрат, Шинелли йиллар.

2 Ер майдони, даланинг бирор белгиси билан ўзига хосликка, алоҳидаликка эга бўлган бўллаги. *Қўчатхонада бир участка тайёрланиб, унга мажнун арча кўчатлари ўтказилди.* Газетадан.

3 Маълум бир хўжаликнинг ҳудудий жиҳатдан ажратилган, алоҳида бўлими. Ўр-

монжон бугун, негадир.. ҳамма участкага борди, кечга яқин.. уйига қайтди. А. Қаҳхор, Кўшчинор чироқлари.

4 Бирор нуқтаи назардан чегараланишда ҳудудий ички бўлинма, бўлинмалар; ҳудудлар. Ҳалқ судларининг ҳозирги вақтда амалда бўйлангача системасини тутгатиш ва ягона туман (шахар) ҳалқ судларини тузиш кўзда тутилади. Газетадан. Ҳозир, сен келмасдан бир оз бурун, бир одамни Қумариқча юбордим. Участка пристави ҳам ўша ерда. Чўлпон, Кеча ва кундуз.

5 Маълум бир иш-фаолият олиб борилаётган, унга оид жой, обьект. Қурилиш участкасининг бошлиғи Гулбой Бўриевнинг ишончи комилки, йирик обьект ҳам белгланган муддатда авло сифат билан топширилади. «Ўзбекистон қўриқлари». Эркаклар билан тенг ҳуқуқли аёлларни бугунги кунда ишлаб чиқаришнинг барча участкаларидан учратилиши мумкин. Газетадан.

6 с.т. Ҳусусий ўй-жой қуриш учун расмий равиша ажратиб берилган ер, майдон ва унда барпо этилган ҳовли-жой. Уларнинг участкаси ҳали битмаган, икки ўйни хомсувоқ қилиб, кўчиб киришган эди. Ў. Ҳошимов, Қалбингга қулоқ сол. Участка олиши учун ариза берганимга икки йил бўлди, ҳалигача дарак ийӯк. «Муштум». Бу орада ер тузувчи Худойназаров билан ўзингиз иккитадан тўртта участка қуриб олдингиз. «Муштум».

УЧАСТКОВОЙ [р. участковый] с.т. Аҳоли яшайдиган ҳудуднинг муайян бир қисмидаги тартиб-қоида сақланишини назорат қилиб турувчи милиция офицери (қ. участка 4).

УЧБУРЧАК 1 Учта бурчакли, туморча шаклидаги. Учбуручак ҳовли. — Тўққиз самолёт учга бўлинниб, учбуручак шаклида текис оқиб келарди. Шуҳрат, Шинелли йиллар. Нарироқда уч муллабачча бир бўйра устида учбуручак бўлиб ўтириб, мушкул бир масалани баҳслашади. Ойбек, Навоий.

2 с.т. эск. Муассаса, корхоналарда уч раҳбар шахс (директор ёки раис, партком котиби ёки вакили ва касабақўм раиси). Бу масалани учбуручак ҳал этади.

3 мат. Бир тўғри чизиқда ётмаган учта нуқта ва учлари шу нуқталарда бўйлангача кесмадан ясалган геометрик шакл. Тўғри бурчакли учбуручак. Тенг бурчакли учбуручак. — Олиб кирилган чой ҳам совиб қолар, алла-

қандай ўлчовлар-учбуручаклар хаёlinи тортиб кетарди. Мирмуҳсин, Меймур.

УЧЁТ [р. учесть — «ҳисоблаб чиқмоқ, рўйхатга олмоқ, қайд қилмоқ» фл. дан ясалган от] 1 Бирор ташкилот ёки муассасадаги кишиларни ҳисобга олиш, рўйхатга киритиш орқали қайд этиш. Учёт варажаси. Учётга ўтиши (ёзилиши). Учётга олиш. Учётдан чиқши.

2 Ҳисоблаш, рўйхатга олиш йўли билан нарсаларнинг борлигини аниқлаш; ҳисобкитоб. Бухгалтер учёти. Молларни учёт қилиши.

УЧЁТЧИ қ. ҳисобчи.

УЧИРИК айн. учуриқ.

УЧИРМА 1 Эндиғина инидан чиқиб уча бошлаган (куш боласи ҳақида). Қўнгирлар май ойида тухум очиб, жўжаларини иондаёт учирма қиласидар. Ж. Абдуллахонов, Тўфон.

2 кўчма айн. учуриқ. Обиджон.. кинояли ва учирма гаплар қилишдан нарига ўтмайди. Газетадан. ..раиснинг учирма гаплари ғашига тегар, асабини бузар эди. М. Ҳазратқұлов, Журъат.

УЧЛАМОҚ Бир томонини йўниб, ингичка ва ўткир қилмоқ. Ёғочни учламоқ. Қаламни учламоқ.

УЧЛАМЧИ 1 Айтилаётган фикрнинг тартибини билдиради; учинчидан. [Нор:] Учламчи, улар биздан бойроқ кишилардан.. уларга бизнинг ҳеч бир важ билан алоқамиз ийӯк. Ҳамза, Паранжи сирлари.

2 Баъзи терминлар таркибида «бирор нарсанинг учинчи даври, даражаси» каби маъноларни ифодалаш учун ишлатилади; учинчи. Ер тарихининг учламчи даври.

УЧЛИ 1 Бир томони борган сари ингичкалашиб тугалланадиган. Навоий.. салласиз, учли тақя кийган, боши бир оз эгик. Ойбек, Навоий. Турсуной нимранггина узунчоқ юзи, учли ияги билан онасига ўхшаб кетарди. А. Мухтор, Опа-сингиллар.

2 Учи бор; уни муайян шаклга эга. Узун ёғоч бошига боғланган қайирма учли ўткир темир ойдинда ялтиради. Ж. Шарипов, Хоразм.

УЧЛИК I Бирор нарсанинг учига кийгизиб, ўрнаштириб қўйиладиган учли, ўткир қисм. Камалак ўқининг учлиги. Омоч тишининг учлиги. Сумбанинг учлиги.

УЧЛИК II Ваколатли уч шахсдан ёки уч томоннинг вакилларидан иборат мувак-

қат гурух, комиссия... жсанговар учлик группасини уюштиришини Мадёровга буюрган. Ш. Тошматов, Эрк қуши. *Бу гаплар учлик комиссия айзоси Низомиддинов йиққан материаллар.* С. Ахмад, Ҳукм.

2 Уч холли, уч рақамли нарса (карта, домино кабиларда). *Ғиштиннинг учлиги. Доминонинг учлиги.*

УЧМА-УЧ рвши. **1** Учлари ўзаро туташтирилган ҳолда. Қатор-қатор ўрмаловчи кранлар ўйғонлиги ўн одамнинг қучогига зўрга сифадиган қувурларни бир-бираiga учма-уч қўйиб ётқизмоқдалар. Ж. Абдуллахонов, Тўфон.

2 кўчма Даромади харажатини аранг қопладиган ҳолда; аранг, зўрга. *Балиқ сотиб топган пули рўзгорига керакли нарсаларга учма-уч етар эди.* Ж. Шарипов, Хоразм. *Оладиган ҳосилим қарз билан учма-уч келавергандан кейин пахта экишини ташлаб юборган эдим.* А. Қаҳҳор, Кўшчинор чироқлари.

3 Баб-баробар, тенг ҳолда. -*Бухгалтернинг дебет-кредити учма-уч бўлиб туриши керак, - деди Одил.* Б. Раҳмонов, Ҳўжайин кўчди.

УЧМОХ 1 дин. Жаннат, биҳишт.

2 кўчма Киши баҳтли ҳаёт кечирадиган гўзал ва фаровон жой; жаннат. *Умринг ёруғ, Ватанинг - учмоҳ, Мендан сўра, Мен ёниб ўтдим.* Миртемир. *Одамлар ундан: «Нима иши билан машгулсиз?» деб сўрасалар, аксар вақт: «Гуноҳга ботган Ҳиротда бир учмоҳ қуряпмиз!» деган жавобни қайтаришини севар эди.* Ойбек, Навоий.

УЧМОҚ 1 Қанот воситасида ҳавода ҳаракатланмоқ, қанот қоқиб, бирор томонга йўналмоқ; парвоз қилмоқ. *Күш қаноти билан учиб, қўйруғи билан қўнтар.* Мақол. —*Баҳор ҳидидан бесаранжом бўлган қарғалар қагирилаб.. далалар устида учарди.* А. Қаҳҳор, Кўшчинор чироқлари.

2 Махсус механизмлар, аппаратлар ёрдамида ҳавода бир томонга йўналмоқ; парвоз қилмоқ. *Баландда, юлдузи кўкда, қаёқ-қадир самолётлар учиб ўтди.* Ойбек, Қуёш қораймас. *Асад модели эса, Тик ва тез учар эди.* Т. Тўла.

3 Елмоқ, эсмоқ (шамол ҳақида). *Меъморнинг дикқатини кенг ва яш-яшил дала, фирғур учайётган шабада, адирлардаги қип-қи-*

зил гилам лолалар тортса ҳам.. Мирмуҳсин, Меъмор.

4 Шамол, зарб ёки бошқа нарса таъсирида ҳавода бирор йўналишда ҳаракатланмоқ. Ҳавода момиқ оқ толалар аргамчи бўлиб учиб юрарди. Газетадан. *Тепада руҳни сугуриб олаётгандек хунук инграб учган снарядлар атрофда ёрилмоқда.* Ойбек, Қуёш қораймас.

5 кўчма Ҳавода кезмоқ, парвоз қилмоқ (мавхум нарсалар ҳақида). *Кўй узоқдан, бойникидан учар эди.* Ойбек, Танланган асарлар. *Ёдимдадир аччиқ дардарим каби Фазоларда учар хаёлим.* Р. Парфи. *Қўшиқ учар эди кўкда беармон.* А. Орипов, Юртим шамоли.

6 кўчма Жуда катта тезликда ҳаракатланмоқ. *Тепаликка учиб чиқаётган отнинг туёти ердан бош кўтариб, бугун-эрта очилай деб турган лола гунчасини эзиб, янчиб ўтди.* П. Қодиров, Юлдузли тунлар. *Машина шиддат билан қалтис тог ўйлидан учиб кетди.* Газетадан. ..*поезд чўлдан кўм-кўк водийга бирдан учиб киаркан.. фарғоналик аскарнинг кўзларидан ихтиёrsиз равишида қайноқ ёш томчилаган эди.* Ойбек, О.в. шабадалар.

7 Қор, муз устида сирпанмоқ, тойғаноқ отмоқ. *Чанада учмоқ.* —*Момиқ қор кўрпасига бурканган Чимён тоғлари багрида ёшлар чангни учишмоқда.* Газетадан.

8 Мавжуд еридан узилиб отилиб кетмоқ. *Тоғдан учган катта-катта тошлар.* Бола мотоциклдан учиб кетди. —*Соқолли солдат от тагида қолди, униси отдан учиб, юмаланиб кетди.* М. Исмоилий, Фарғона т. о.

9 Синиб узилмоқ, синмоқ. ..*товоқнинг жиндан жойи учган экан.* «Муштум». *Шишиси ярмидан учган кичкина лампани тутатиб, ёлғиз ўтиради.* Ойбек, Танланган асарлар. ..*синган, чети учган, чегали пиёла, чойнаклар.* Ойбек, Болалик.

10 Асад ёки бошқа таъсир сабабли пир-пирамоқ, титрамоқ (лаб, киприк каби айзолар ҳақида). *Онаси тебраниб қўйди.* Қоғоқлари пир-пир учди. Ж. Абдуллахонов, Орият. *Бу боланинг бир қадар ўзини мустаҳкам тутиши Толиб акага ёқмади, лаби асадий учди.* Ф. Мусажонов, Ҳиммат. ..*офзининг икки чеккасида зулукдай осилиб турган ўйғон мўйловлари бир-икки учди.* М. Исмоилий, Фарғона т. о.

11 кўчма Берилмоқ, қизиқмоқ, асири бўлмоқ (асоссиз, номақбул равишида). *Ши-*

рин гапга учма, мақтаганни құчма. Мақол. — [Рашида] Курсдоши Темурнинг енгилтак гапларига учди-ю, Рўзиматни бутунлай унуди. Тўлқин, Оғир эслаш. [Элдор:] Дарвөке, Райхоннинг нимасига уча қолдим? Ж. Абдуллахонов, Тонг ёришган соҳилда. Ақсли одамлар мақтавли ва баландпарвоз сўзларга учмайдилар.. Н. Сафаров, Оловли излар.

12 Кайф таъсирида эс-хүшини йўқотмоқ, ўзидан кетмоқ. Афанди бўза ичиб, учиб қолибди. «Муштум». Маймуржон кўчадан ичиб келган экани, юз грамм шампанни отди-ю, учиб қолишига сал қолди. Ш. Холмирзаев, Тўлқинлар.

13 Айрим сўзлар билан қўлланиб, шу сўзлар англатган нарсанинг йўқ бўлиши (йўқолиши), кетиши маъносини билдиради. Баракаси учмоқ. Ҳуши бошидан учмоқ. Кайфи учмоқ.

Елга (ёки ҳавога, осмонга) учмоқ қ. ел. Эҳ, аттант, орзулар учди ҳавога, Англамай ўйлиқдим бу бедавога. Я. Курбон, Мехрим ва қажрим. Кўзим учиб тургани йўқ ёки кўзим учиб турувди (алоҳида, киноя оҳанги билан). Бирор шахс ёки нарсанинг келишини, бўлишини ёқтирасмаслик, истамасликни билдиради. Келибдилар-да.. сизни кўрамиз деб кўзимиз учиб турувди! А. Мухтор, Опа-сингиллар.

УЧОВОРА Уч киши бирга, уч кишига бир. Икковора, учовора шивир-шивир, одамлар шивирлаша бердилар. «Равшан». Палов сузилиб, учовора бир товоқ бўлди. Т. Мурод, Қўшиқ.

УЧОҚ I эск. Самолёт, вертолёт каби учиш аппарати. «Юлдузча» манзилига озиқ-овқатлар ва анжомлар учоқ [вертолёт] ёрдамида етказиб берилди. Газетадан. Учоқлар ҳам учолмайдиган даражада юк ортиб, совук ўлкаларга парвоз қилмоқда. Газетадан.

УЧОҚ II шв. этн. Кинна, сук. У исироқ тутматиб, қўлим енгил, кимгаки учоқ кирса, ўзим силаб қўйганман.. деди. Ш. Бўтаев, Кўргонланган ой.

УЧРАМОҚ 1 Қаршисидан чиқмоқ, дуч келмоқ. Йўлда икки отлиқ учради. Бу жойда бирорта таниши учрамади. — Сел оқими ўйлида учраган ҳамма нарсани остин-устун қилиб, шаҳарга бостириб келарди. Газетадан.

2 Ҳузурида, сухбатида бўлмоқ; учрашмоқ. Отасига учраб, ўзимни танитдим, қимтиниб, тортиниб, арзимни айтдим. «Муштум». Ана

шундан кейин Ғуломжон шаҳарга тушиб, тўғри ҳокимга учради. Ҳам минебошидай юмишоқ муомала қолди. М. Исмоилий, Фаргона т. о.

З Қисматига тушмоқ, насиб бўлмоқ, йўлиқмоқ. Қўявер, хотин, шу қизга ҳам менга ўҳшаган кўса куёв учрасин. С. Аҳмад, Ҳукм. Ҳеч қаерда бундай улгуржиғи ғанимат учрамади. А. Қаҳҳор, Башорат.

4 Мавжуд бўлмоқ, бўлмоқ. Бу қасаллик кўпинча ёз ойларида тарқалади ва 2–8 ойлик қўзи, улоқларда кўпроқ учрайди. «Фан ва турмуш». Менинг бошқаларда учрамайдиган яна битта фазилатим бор. Х. Тўхтабоев, Ширин қовунлар мамлакати.

5 Дучор бўлмоқ, йўлиқмоқ. Тавба дeng, болам, бўйдоқсиз, яна шундай таннозлардан бирига учраб.. «Гулдаста». Умрим паккасига етай дегандা, худонинг қаҳрига учрадим, қизим. К. Яшин, Ҳамза. Мариянинг баҳтига қарши, амаки сил қасаллигига учраб, ишдан қолди. Ойбек, Танланган асарлар.

УЧРАШМОҚ 1 Учрамоқ фл. бирг. н. Улар дарров врачга учрашин. — Бўронбек билан Комил Чирчиқдан ўтаётганда, қизиллар тўсигига учрашибди. Ҳ. Ғулом, Машъял. Эшикни Инобат очди. Алами қўзлар бир-бирлари билан учрашиди. Х. Тўхтабоев, Фельетондан сўнг.

2 Бирор мақсад билан ҳузурида бўлмоқ; учрамоқ (қ. учрамоқ 2). Йўлчи эртасига Қоратойга учрашгани Шоқосимни юбормай, ўзи кетди. Ойбек, Танланган асарлар. Маъқул, агар бу кун домлага учрашсам, жавобини эртага оламан, деяйми? А. Қодирий, Мехробдан чаён.

3 Бирор мақсад билан ўзаро мулоқот қилмоқ, қўришмоқ. Қаллиқлар одамларнинг кўзидан ўироқда – яшириқча учрашиб юрар эдилар. П. Қодиров, Юлдузли тунлар. Аҳмедов Саодатхоннинг райони мудири Воҳидов билан учрашмоқчи бўлганини эшишиб, сал ўзгариб қолди. С. Зуннунова, Янги директор.

УЧРАШУВ 1 Учрашмоқ фл. ҳар. н. Унинг мақсади Йўлчи билан учрашув, албатта. Ойбек, Танланган асарлар. Мезмор Бухорий билан устод Қавом учрашуви ғайриодатий бўлди. Мирмуҳсин, Мезмор. Юсуфжон қизик Мадаминбек билан кўп «ширин учрашув ва сұхбатлар»да бўлган. Т. Обидов, Юсуфжон қизик.

2 Ким(кимлар) биландир сұхбат ўткашиб мақсадида тайёрланган (уюштирилган)

махсус йигин. **Фармон** эълон қилингандан бир неча кун ўтгач, ҳарбий қисм жсангчиларининг Ж. Усмонов билан учрашуви бўлиб ўтди. Т. Рустамов, Мангу жасорат. Янги қабул қилингандар билан юқори курс студентларининг учрашув кечаси ўюштирилди. Ж. Абдуллахонов, Орият.

З Беллашув, беллашув ўйини. Қишлоқ спортчилари спартакиадасида футбол учрашувлари ҳамиша кескин курашлар остида ўтади. Газетадан.

УЧУВЧИ 1 Учмоқ фл. сфдш. *Бу саҳраларнинг құмлари сирғалувчи ва учувчи бўлиб.. у барча жонли мавжудотни кўмиб ташлашга қодирдир.* Газетадан.

2 Учиш аппаратларини бошқарувчи, ҳайдовчи мутахассис. Қарасам, эшик олдида Чимёнга учган учувчи турибди. Ойдин, Уялди шекилили, ерга қаради.

УЧУВЧИЛИК Учувчи қасби, иши. Учкун бўлса учувчиликка ўқиб.. биз кўрмаган қанчадан-қанча элларни кўрар. Ҳ. Фулом, Машъал. [Пўлатжон] Учувчилик мактабини яқинда битириб, Тошкент аэропортига путёвка олармии. Ҳ. Назир, Сўнмас чақмоқлар.

УЧУН кўм. Сабаб, мақсад, аталганлик каби маъноларни билдиради, шундай маъноли муносабатларни кўрсатади. *Бу ерга Мадали аканинг жигига тегиши, рашкини келтириш учун кирганлигимни эслаб, мулзам бўлдим.* А. Мухтор, Давр менинг тақдиримда. Дунёда тўғри яшаб, юртга хизмат қилиб ўтишдан ортиқ баҳт борми инсон боласи учун?! Т. Ашуроев, Оқ от. *Ота-онаси саводли кишилар бўлғанлиги учун ҳам ёшлигидан савод чиқарди.* «Фан ва турмуш».

УЧУНИК Шамоллаш натижасида юз берадиган енгил бетоблик; бир қанча касалликларнинг бошлангич белгиси.

УЧУНМОҚ этн. Ёмон кучлар таъсирида, қўрқиш, чўчиш сабабли тоби қочмоқ, оғримоқ.

УЧУРИҚ 1 Шама тарзидағи сўз, гап, ибора; қочириқ. *Хоннинг бош айғоқчиси Али маҳрамни биладиганлар олакўз дехқонга учуроқ ташлаб, масхара қилиб куёдилар.* С. Сиёев, Аваз. -Юрагинедаги хуфёна ниятларингдан анчадан бўён хабардорман, — учуриқ қилди у. Ш. Бўтаев. Кўргонланган ой. Чолкампирнинг учуриғига стол атрофидағилар

қийқириб кулишиди. Ҳ. Фулом, Сенга интиламан.

2 шв. Бир учи, кичик бир қисми. *Аммо бола тарбияси талаб қиласидиган катта вазифанинг бир учуриги холос бу.* М. Исмоилий, Бизнинг роман.

УЧУҚ I Шамоллаш, учуниш ва ш.к. сабаблар туфайли лабга тошадиган тошма. *Лабларига тошган учук ҳали қайтмаган бўлса-да, иситмаси пасайган эди.* Р. Раҳмонов, Чангальзордаги шарпа.

Лабига учук тошмоқ (ёки чиқмоқ) қ. тошмоқ. *Унда қўнгли қингирларнинг лабига учук тошириб юборадиган қип-қизил гувоҳнома бор.* Газетадан. Доим шундай қиласиз, янгилек деса, лабингизга учук чиқаверади. А. Муҳиддин, Ҳадя.

УЧУҚ II Четининг кичик бир қисми синган, чети учган; синиқ. *Лаби учук лаган. Лаби учук пиёла.*

УЧҚУН 1 Ёниб ёки лаққа чўғ бўлиб турган моддадан отилиб, учеб чиқувчи зарра.. *Йилтираган чўғ ерга тушшиб, ожиз учқунлар сачратиб сўнди.* М. Муҳамедов, Киммат билан Ҳиммат. *Тўхта хола тандирга ўт қўйганга ўҳшайди, кўча томонга гоҳгоҳ учқун учеб турибди.* И. Раҳим, Чин муҳаббат.

2 Нарсаларнинг бир-бирига тегиши, уринишидан ҳосил бўлувчи олов-зарра. *Тоҳир болтани.. гоҳ қулфга, гоҳ дарвоза занжирининг зулфинига урад, темирдан учқун сачрап.. эди.* П. Қодиров, Юлдузди тунлар. Кўкрак чўнтағидан мўъжазгина ялтироқ қумичани олиб, бир жойини босган эди, «чирс» этиб учқун сачраб, қумичага ўрнатилган пилик аланга олди. К. Яшин, Ҳамза.

3 Нарсаларнинг сачрайдиган, сочиладиган энг майда бўллаги, зарраси. *Темир учқуни.* — Совуқ шамол зўрайиб, қор учқунлари бурунга, кўзга, пешонага урила бошлади. Ҳ. Фулом, Машъал. Қалин, қора булут яна битта-битта совуқ учқун ташлаб, ҳамма ёқни қоплаб олган. Ӯ. Ҳошимов, Икки сурат.

4 кўчма Сезги, ҳиссиёт, қобилият ва ш.к. белгиси. *Лекин кўнглида гоҳо ўйлт этган учқун чақнайди.* Бу — умид, рўшинолик, најзот учқуни. С. Сиёев, Аваз. ..бу хотинда, ширин-сўзлиги ва ташқи кўринишини ҳисобга олмаганда, сатангликдан учқун ҳам ўйқ эди. С. Зуннунова, Гулхан.

УЧҚУНЛАМОҚ 1 Учқун сачратмоқ, учкунлар сочмоқ. Электр сими учқунлади.

2 Зарра (учқун) тарзида ҳаракатланмоқ (қ. учқун 3). Қор жуда эринчоқлик билан майдалаб, сийрак учқунлар эди. П. Турсун, Ўқитувчи.

З кўчма Учқун чиқармоқ, учқун (зарра) сифатида намоён бўлмоқ (қ. учқун 4). Агар бу умид учқунламаса, ҳаёт уқубатга айланаб, кўнгиллар вайрон бўларди. Ҳ. Фулом, Тошкентликлар. Шу тонда Тоҳирнинг кўнглида ҳам умид учқунлагандай бўлди. П. Қодиров, Юлдузли тунлар.

УЧҚУР 1 Тез уча оладиган, тезучар. Вақт бамисоли бир учқур қуш экан. Ж. Абдуллахонов, Йўл.

2 кўчма Тез чопа оладиган; чопқир. Қамчи еб ўрганмаган учқур бедов олдинга ўқдай отилиб, эгасини бало-қазодан олиб чиқиб кетди. П. Қодиров, Юлдузли тунлар.

3 кўчма Жуда тез (учиш каби) ҳаракатланувчи (мавхум нарсалар ҳақида). Учқур замон билан қалқиб, чайқалиб, Чарх уриб бораман гирдоблар аро. Э. Воҳидов, Чароғбон. [Ойбекнинг] Қакроқ дудоқларида айтилмаган сўз.. учқур хаёлида улкан китоб.. қолиб кетди. Миртемир, Йўқлаш. Йиллар учқур, ўтаверади, Хотиралар тобора оғир.. Ҳ. Даврон.

УШАЛМОҚ Бўлак-бўлак бўлиб синмоқ, майдада-майда бўлинмоқ. Тун совуғи билан қотган лой оёқ остида, синиқ шиша парчаси каби, қирс-қирс ушалади. Ойбек, Танланган асарлар.

Орзуси (ёки нияти, умиди ва ш.к.) ушалмоқ. Орзуси, умиди амалга ошмоқ, рўёбга чиқмоқ. Ука, ер олганимдан кейин ҳам ўша мўлжалларим юзага чиқмади, орзуларим ушалмади. А. Қаҳҳор, Кўшчинор чироқлари. Кунлар келар, толеингиз ёр – Ушалади умид ва армон. Файратий.

УШАТМОҚ 1 Бўлак-бўлак қилиб синдирмоқ, майда бўлакларга бўлмоқ, ажратмоқ, синдирмоқ. Қурдат.. нонларни ушатди, чой қўйди. М. Исмоилий, Фарғона т.о. Отхонада дийдираб, кунжара ушатиб, қўйларга беради. Ойдин, Ҳазил эмиш.. тиши билан нўхатдек қандни ушатиб, бир қултум чой ичди.. Ойбек, Танланган асарлар.

2 Урмоқ, уриб пачақламоқ. -Уриб, жагани ушатмадингми? – Қодир гуваладек муш-

тини ҳавода тўлғади. Н. Норқобилов, Бекатдаги оқ учча.

3 с.т. кам қўлл. Йирик пулни шу қийматдаги майда пуллар билан айирбош қилмоқ, майдаламоқ. Юз сўмликни ушатмоқ.

Патир (ёки нон) ушатмоқ этн. Йигит ва қизни никоҳлаш ҳақида аҳдлашмоқ, келишмоқ, унаштирмоқ. Орадан уч-тўрт кун ўтгач, нон ушатиб, фотиҳа ҳам қилинди. Ҳ. Нуъмон ва А. Шораҳмедов, Ота. Розилик бериб. патир ушатасиз, бир ойга қолмай, қизингизни ўйнаб-кулиб узатасиз. К. Яшин, Ҳамза. Рўзани ушатмоқ Овқат еб қўйиб, рўзани бузмоқ. Жаноби устоз! Рўзангизни ушатиб қўйдингизми? «Латифалар». Тахорат ушатмоқ қ. таҳорат.

УШБУ кўрс. олм. кт. Шу, мана шу; мазкур. Ушиб ёзган мактубимни Бошдан-оёқ тоза кўр, Озроқ муҳаббатинг бўлса Тезроқ жавоб ёза кўр. Ҳамза. Ёвга қарши газаб-ла Чақнар эди кўзлари. Ҳамон менинг эсимда Унинг ушбу сўзлари. З. Диёр.

УШЛАМОҚ 1 Қўл, панжа билан дахл қилмоқ, тутмоқ. Пешонасини ушламоқ. Икки қўли билан бошини ушламоқ. Кўкрагини ушламоқ. ..бу текин томошадан завқланиб, қоринларини ушлаб, қотиб-қотиб кулишарди. Э. Раимов, Ажаб қишлоқ. Бу киши шунака, боғдан деворларни ушлаб чиқиб кетмаса, ҳисоб эмас.. А. Қаҳҳор, Асарлар. Набижон беморнинг томирини ушлаб, юзига қаради. С. Зуннунова, Кўк чироқлар.

2 Қўл, панжа, бармоқ(лар) орасига олмоқ, шундай ҳолда тутмоқ. -Оғироқ бўлинг, шайх! – деди сўйил ушлаб турган йўғон бир йигит. К. Яшин, Ҳамза. Эшик олдига етганида, негадир ўзининг ҳам ўша ёқса кетаётганини сезиб, ҳаяжон ичиди тутқични ушлади. Ў. Ҳошимов, Қалбингта қулоқ сол. Ҳар замонда бир қўлида тўрхалта, бир қўлида зонтик ушлаган қари-қартанглар, болалар ўтиб турибди. Э. Раимов, Ажаб қишлоқ. Ализамон унинг қўлидан ушлаб, тинчлантиргандек силаб қўйди. А. Обиджон, Аканг қарагай, Гулмат.

3 Қўл билан тутиб олмоқ; тутмоқ. Улар [қизлар] чимчиловчиларни қарғайдилар. Ушлаб олсалар, урадилар. Ойбек, Танланган асарлар. Қиз уни [тобуқни] ушлаб олгани кўп уринди.. А. Қаҳҳор, Кўшчинор чироқлари. Войдод, ҳой, қўшнилар.. ушланглар.. ҳой, Абдураҳмон, ушила уни! С. Зуннунова, Олов.

4 Қўлга олмоқ, қўлга туширмоқ (мас., жиноятчини). Бу ерга келиб, фақат айрим хавфли шахсларни кузатиб, уларни жиноят устида ушлаб, қамоққа ташлаш билан кифояланиб.. К. Яшин, Ҳамза. Бир неча солдат келиб, маҳбусларни ушлади, ясовул ҳаммасининг қўлига кишин урди. М. Исмоилий, Фаргона т. о.

5 Бирор ҳолатдан (кетиш, йўқ бўлиш ва ш.к. дан) сақламоқ; тутмоқ. Уни то шу пайтгача икки нарса ушлаб турар эди: ..биродарининг ўйига қуруқ қўл билан кириб боргиси келмасди. У шаҳид кетган бўлса, болалари зориқаётгандир, бир тишламадан бўлса ҳам у-бу олиб борай, дерди. Т. Малик, Ажаб дунё. Беаёв тонг яқинлашмоқда. Ёвдан тортиб олинган жойни ушлаб туришса, бас. Назармат, Жўрлар баланд сайрайди. У Зулфиқорни ортиқ ушлаб турмай, фотиҳа берди. Мирмуҳсин, Меъмор.

6 Бериладиган ҳақни ёки унинг бир қисмини бермасдан чегириб олмоқ, олиб қолмоқ, тутиб қолмоқ (қарз, жарима каби тўловлар ҳисобига). Кассир ойликдан беш сўм ушлади.

7 кўчма Сақламоқ, тутмоқ. ..ёлғиз бошимга ҳам Тошкентдан, ҳам Марғилондан икки хотин ушлаб туриши оғирлик қила бошлади. А. Қодирий, Ўтган кунлар. Саид ака, болалар эрталаб албатта сут ичишлари керак деб, кўн ўшлардан бери мол ушларди. Ў. Умарбеков, Ѓўн ёмғири.

8 Риоя қилмоқ, амалда тутмоқ (қонун-қоида, таомил кабилар ҳақида). «Er-сув ишлаганини! Фақат ишлаган тишлайди!» шиорини маҳкамам ушлаб иш қилдик. Н. Сафаров, Оловли излар. Шариатни маҳкамам ушлаган хотин шаҳарда иккита бўлса, бири – мулла Норқўзининг хотини, иккинчиси – шу! А. Қаҳҳор, Майиз емаган хотин.

9 Қўзгамоқ, тутмоқ (вақти-вақти билан авж оладиган касаллик ҳақида). Кутимаганда санчиқ ушлади. — Кумушни ўқтин- ўқтин оғриқ ушламоқда. А. Қодирий, Ўтган кунлар.

Нозик жой(и)дан ушламоқ Қалтис, жиддий еридан тутмоқ. Дарҳақиқат, Кумуш энг нозик жойдан ушлаган эди. А. Қодирий, Ўтган кунлар. Этагини ушламоқ айн. этагини тутмоқ қ. этак. Ўртоқжон, мен сенинг раҳбарлигингда одам бўламан, деб этагингни

маҳкам ушлаганман. А. Қаҳҳор, Қанотсиз читтак.

УШОҚ I Ноннинг майда бўлакчалари; увоқ. Сухари ушоги. Патир ушоги. — -Қаддини кўтаргунча, заводчи бойлардан солиқ олинмаслиги керак, — деди.. нон ушоқларини териб ўтирган Ёлмонбой. Ж. Шарипов, Хоразм. Раҳмим келиб уларга, Айвончага дон сепдим. Ҳар хил нарса: қўноқ, сўк Ҳамда ушоқ нон сепдим. Уйғун.

2 Жуссаси, гавдаси кичик, заиф, нимжон. Ушоқ киши. — Ҳикояни тинглаган сарим, бу қотма, ушоқ чол кўз ўнгимда салобат касб этиб.. гавдаланаради. Ҳ. Назир, Узр, отахон. Ёши қирқ бешга бориб қолган.. ушоқ, пакана Нуруллаев турмада баттарроқ чўқди. Ж. Шарипов, Хоразм.

3 шв. Бола, бола-чақа. [Оқсоқол:] Мўғул келиб, ўзимизни қул қилиб олса, хотин, ушоғимизни бозорга чиқариб сотса, яхшими? М. Осим, Ўтрор.

УШР [а. عشر – ўндан бир] тар. Дехқончиликдан келадиган даромаднинг ўндан бири ҳисобидан олинадиган солиқ. Ҳазинани бойитаман деб, ҳалқни гадо қилдингиз.. ушр деб оласиз, улог деб оласиз. Уйғун ва И. Султон, Алишер Навоий. ..ўлтону ушр солиқлари раиятни тобора қашшоқлаштириб, тинкасини қуритди. Мирмуҳсин, Меъмор.

УШУ, у-шу [хит.] спрт. Шахсни камолотга етказишнинг фалсафий, ахлоқий ва руҳий-жисмоний (психофизик) жиҳатларга асосланган, турли хил қуроллар билан ёки қуролсиз жанг олиб бориш усулларини қамраб оловчи маҳсус жисмоний машқлардан иборат анъанавий хитойча ҳарбий санъатлар мажмуюи.

УШУК I шв. Совуқ. Қорабўрон. Ўлат. Кор. Ушук. Камчил эди замбарағу тўён. Миртемир.

Ушук урмоқ айн. совуқ урмоқ. қ. совуқ. ..қулоқ-бўрнимни ушук уриб, госпиталда ҳам ётиб чиқдим. А. Мухтор, Давр менинг тақдиримда.

УШУК II шв. кам қўлл. Эртак, чўпчак. Бир пайтлар ушугимизни эшишиб одам бўлганлар буғун ўзимизга ушук айтиб ўтираса-я! «Ёшлик».

УШШОҚ [а. عشاق – «ошиқ I» с. кўпл.] мус. «Шашмақом»нинг иккинчи мақомлар турӯхига оид куй ва шу кўйдаги ашуланинг номи. Юнус ака катта йигинларда «Ушишоқ»

айтадиган бўлса, уста Сирожиддинни топтириб келмай иложи йўқ. Мирмуҳсин, Со занда.

ҮЮМ Бир ерга уйиб ташланган нарса; тўп, тўда. *Қум уюми. Шагал уюми. Фишт уюми. Китоблар уюми.* — Ҳаммамиз кўсак уюми атрофига ўтириб олиб, кўсак чувирдик. У. Икромов, Унутилмас хотиралар.

ҮЮМОҚ шв. Ивимоқ.

ҮЮР Орасида бир айғири бўлган биялар тўдаси. Узоқ йўл босган уюр ҳовуз атрофидаги барханларнинг ёнбағрида тўзон булутидаи бўлиб ётибди. А. Мухтор, Давр менинг тақдиримда. Ўти тизза бўйи кела-диган кене яйловларда ўилқи уюрлари.. ўтлаб юрибди. А. Шермуҳамедов, Ўт-ўланлар во-дийси.

ҮЮРМА Ўралиб ҳаракат қилувчи кучли шамол; бўрон, гирдибод; шундай шамол билан юқорига кўтарилиб тушадиган майда нарсалар. *Тўзон уюрмаси. Қорли уюрма.* — Саҳрода келган қум уюрмаларидан ўзларини сақлаш учун ҳамма жониворлар ин-инига беркинди, чўл ҳувуллаб қолди. М. Осим, Аждодларимиз қиссаси. *Уюрма ер юзини сунурмоққа қасд этгандаи, тиккайган нима-ки бор, комига тортмоққа уринади.* Н. Норқобилов, Бекатдаги оқ уйча. ..саратонда завол топган, қуриган хаслар осмон бўйи уюрмада чирпирак бўлиб айланади. Н. Норқобилов, Бекатдаги оқ уйча.

ҮЮШИҚ Уюшган, жипслашган, аҳил. *Уюшиқ маҳала.*

Үюшиқ бўлаклар тлиш. Гапда бир хил сўроққа жавоб бўлиб, бир хил синтактик вазифани бажариб, тенг боғловчилар ёки санаш оҳанги билан боғланган бўлаклар.

ҮЮШМА Бир мақсад йўлида биргаликда ҳаракат қилиш учун бирлашган кишилар ёки ташкилотлар бирлашмаси; иттифоқ, ташкилот. *Ёзувчилар уюшмаси.* — *Ер ислоҳоти ўтказилиш олдидан қишлоқ камбағаллар уюшмаси тузилади.* А. Қодирий, Обид кетмон. У [Мўмин] ҳозир шу фикрда бўлиб, колхозга вақтинчалик бир уюшма деб қарап, ишга асло ихлос қўймас эди. П. Турсун, Ўқитувчи.

ҮЮШМОҚ I Ўзаро бирлашиб, бир мақсад йўлида бирга ҳаракат қиладиган гуруҳ, жамоа, ташкилот ҳосил қилмоқ, бирга ҳаракат қилиш учун ўзаро бирлашмоқ. Келганидан буён ҳаваскорларни тўплаб, тў-

гарак очмоқчи бўлиб юрган Жалолхон ҳали жуда уюшиб, қовушиб бўлмаган тўғаракнинг дастлабки бадиий хизматини кўрсатди. Р. Файзий, Чўлга баҳор келди.

ҮЮШМОҚ II шв. Увишмоқ. ..болалар уюшган оёқларини ишқалаб ёзib, ерга туша бошладилар. И. Раҳим, Чин муҳаббат. Бўрии полвоннинг қалби уюшиб кетди. Т. Мурод, Юлдузлар мангу ёнади.

ҮЮШТИРМОҚ I 1 Уюшмоқ I фл. орт. н. [Абдурасул] Қамишканада биринчи мартаба батрак-камбағалларни уюштиради. П. Турсын, Ўқитувчи.

2 Ташкил қилмоқ. Ҳашар уюштирмоқ. Фитна уюштирмоқ. — Ўтган ўши санъат-шунослик институти Хоразмга экспедиция уюштириди. Газетадан. Ҳозирги хурсандчилик, тантананинг ҳаммасини Комилжон уюштирганигини у биларди. С. Зуннунова, Янги директор.

ҮЮШТИРМОҚ II Уюшмоқ II фл. орт. н. Хушрўйнинг оғиздан чиққан бу таҳдид бечора онанинг юрагини уюштирадир. А. Қодирий, Ўтган кунлар.

ҮЮШҚОҚ Бир мақсад йўлида бирлашиш, уюшишга ҳаракат қиладиган, шунга интилувчан. *Биз, ишчилар, жуда катта уюшқоқ оиласиз.* А. Мухтор, Опа-сингиллар..ташаббускор, уюшқоқ, энг муҳими, бир тан, бир жон бўлиб, қовушиб меҳнат қилаётган колективлар бор. «Ўзбекистон қўриқлари».

ҮЮШҚОҚЛИК Уюшиб, қовушиб ҳаракат қилиш, иш-фаолиятда яхши уюшиш, жипслашиш. *Меҳнат интизоми шундай бир воситаки, у ишда уюшқоқликни, ташаббускорликни.. таъминлайди.* «Ўзбекистон қўриқлари». Дастлабки кунданоқ уюшқоқлик билан иш бошланиб, терим суръати кучая борди. Р. Файзий, Чўлга баҳор келди.

ЎЯ 1 Ёввойи ҳайвонлар, қушлар ва ҳашаротларнинг яшаш ва кўпайиш учун мослаб ясаган жойи, уйи; ин. Қалдирғоч уяси. Арининг уяси. Юмронқозиқнинг уяси. Бўри уяси. Қуш уясида кўрганини қилар. Мақол. Йўлбарс боласини тутмоқ учун йўлбарс уясига кирмоқ керак. Мақол. — Қуш дўстлари, қушларни кутинг, дараҳтларга уя ўрнатиб. З. Диёр. Қаердадир ўргимчак уясига илинган пашша гингиллар эди. А. Қаҳдор, Сароб.

2 қ.х. Ургуни ташлаш, экиш учун очилган чуқурча, жой. Ҳар уяга маълум миқдор-

да чигит экишга кўчиши.. энг муҳим масалалардандир. Газетадан. Энди чигитни жўякка эмас, уяга экар эканмиз, Ҳатамбек. Н. Сафаров, Ҳаёт мактаби.

3 Ёмон ниятил кишилар ўрнашган ёки учрашадиган, тўпланадиган жой, макон. Жосулар уяси. Текинхўрлар уяси. Ўғрилар уяси. — Кўзголончилар аввалги гайрат билан олга талпиндилар. Душман уясига айланган Кармана шаҳрига ўйл очиқ эди. М. Осим, Аждодларимиз қиссаси. — Уша пайтда бизнинг колхозга ҳаромхўрлар уя қўйган экан, мен кейин билдим, — деди Аброр. П. Қодиров, Қалбдаги күёш.

4 кўчма Фитна, ваҳима, қайгу ва ш.к. лар кўплаб мавжуд бўлган ёки пайдо бўладиган жой, макон. Адоват уяси. Фисқ-фужур уяси. — Сиз аввал шаҳардаги гулуни бартараф қилинг, фитнанинг уясини топинг. П. Қодиров, Юлдузли тунлар.

УЯЛАМОҚ I Уя курмоқ. Қўлтигимда ари уяласа чидайман-у, лекин қаллигининг чўлга боришига чидолмайман. А. Ҳасанов, Чироқлар. Кимсасиз қишлоқлар, таҳта қоқилган деразалар, кўршапалак уялаган қутсиз уйлар.. тоғ манзараларига қабристондай соvuқ тус бериб туриши. А. Мухтор, Чинор.

Уялаб экмоқ қ.х. Оралиғи бир хил бўлган уялар ҳосил қилиб, шу уяларга уруғ экмоқ. Сиз, уялаб чигит эксан қандоқ бўлади.. десангиз, раҳматлик Маллайо ака эсимга тушади. Н. Сафаров, Ҳаёт мактаби.

УЯЛАМОҚ II Ётган жойидан туролмай қолмоқ, туришга мажоли келмай қолмоқ (ҳайвонлар ҳақида). Қора қушлар айланганига бирорта чўлоқ қўй уялаб қолиб кетганми, деган эдим. П. Қодиров, Қора кўзлар.

УЯЛИ Муайян ҳудуднинг турли участкаларида уяча (хонача) тартибида симметрик жойлашган радиоузаткичлар асосида ишловчи алоқага оид. Уяли алоқа.

Уяли телефон Симсиз телефон тури; қўл телефон.

УЯЛМАЙ-НЕТМАЙ реви. Уят, ор-номус ҳақида ўлламасдан; уят-андишага бормай. Тўйдан бир кун бурун қизни ҳаммомга олиб боришиларига бало борми, уялиб-нетишмайди ҳам. К. Яшин, Ҳамза. Уялмай-нетмай, Маҳмуд номига хутба ўқитайлик, дейди-я! М. Осим, Карвон йўлларида.

УЯЛМОҚ Уят-андиша ҳис-сезгисини тўймоқ. Эр ўигитнинг уялгани — ўлгани.

Мақол. — Ортиқ бир сўз деёлмадим Андишалик бу ишдан. Лекин отда уялмадим «Хайр, жоним» дейишдан. Т. Тўла. -Дилор, ўртоғинг қаерга тушган? — Дилора ҳам бўйига етиб қолган қиз эди, бўласига тик қарашибдан уядими, гўзлар ичидан туриб: -Уйида, — деди. М. Исмоилий, Фарғона т. о.

УЯТ 1 Ўз қилмиши, ноўрин хатти-ҳаракатидан хижолатлик ҳисси; номус. Бетамизда бет бўлмас, Безорида уят бўлмас. Мақол. — Кўнглида уйғонган қўрқувми, уятми — аллақандай тушуниб бўлмас бир туйғудан ранги ўчиб кетганини ўзи ҳам сезиб, Анварга зимдан қараб қўйди. Ў. Ҳошимов, Қалбингга қулоқ сол. [Їўлчи:] Андак инсоф, уят керак. Чолнинг меҳнатда чириган кўксига бигизни санчаверманг! Ойбек, Танланган асарлар. Уятни ўигиштириб қўйиб, Замираларникуга телефон қилди. Ў. Умарбеков, Ёз ёмғири.

2 Ахлоқ-одоб, таомил талабига тўғри келмайдиган, унга зид иш, хатти-ҳаракат ва ш.к. Санам хола ишқ-муҳаббатни қаттиқ уят ҳисоблар эди. П. Қодиров, Қора кўзлар. Ё ўғлинг сартарош бўлса, уяласани? Дунёда гарлик уят, ўғирлик уят! Э. Раимов, Ажаб қишлоқ.

3 Уят бўладиган, уятли. Ўтган хотинга гап ташлайди, уят гапларни гапиради. Чўлпон, Кеча ва кундуз. Ҳисобчи уят сўз айттиб, оёғини кўтарди-ю, тепмади. С. Сиёев, Еруглик.

4 Уятли иш, хатти-ҳаракат, ҳолат кабиларни алоҳида таъкидлаш, қайд этиш учун қўлланади. Дудуқланма, буйруқ бажарилдими, ўйқми? Уят! И. Раҳим, Чин муҳаббат. Соқолингизда битта ҳам қора тук ўйқ-ку, ёлғон гапирасиз, уят! Ойбек, Танланган асарлар.

УЯТЛИ Киши уяладиган, кишини уялтирадиган; хижолатли. Ҳолмурод бу ҳақда эндиғина шубҳа қилас, гёё бир уятли иш қилиб қўйгандай, ўз-ўзидан номусланар эди. М. Абдулла, Кутимаган меҳмон. Болалар кетиб қолишибди.. жуда уятли иш бўлдику-а! Ў. Ҳошимов, Қалбингга қулоқ сол.

2 Уят бўладиган, уят мазмунли. Қори Зоҳид [ѓўзининг] қозикалан ўғли билан бошидан ўтказган ҳодисаларни уятли таъбирлар билан ёзиб қўйган экан. С. Айний, Эсадликлар. Ўткинчиларга уятли гаплар айтиб боши-

лади, ҳатто бир хотинга ҳужум қилди. А. Қаҳдор, Сароб.

Уятли бўлмоқ Уятли, хижолатли ҳолатда қолмоқ. Биз сиздан жуда ҳам уятли бўлдик, почча. А. Қодирий, Обид кетмон. **Уятли қилмоқ** Уятли, хижолатли ҳолга қўймоқ. Қўйинг, бобо, ўзимиз ечиб минармиз, бизни уятли қилманг. «Эрали ва Шерали».

УЯТМОҚ с.т. Уялмоқ.

УЯТСИЗ 1 Уят-номуси йўқ; номуссиз, шарманда. Қандай даҳшат! Беномус, уятсиз хотин. Ў. Умарбеков, Ёз ёмғири.

2 Ахлоқ-одобга тўгри келмайдиган. Уятсиз ҳатти-ҳаракатлар. Уятсиз гап.

3 Шундай шахсларга нисбатан ҳақорат сўзи сифатида қўлланади (қ. уятсиз 1). «Номард! – деб ўйлади Чарос аламдан қақшаб, – атайлаб таъна қилгани келибсан-да, уятсиз!» Ў. Ҳошимов, Қалбингта кулоқ сол.

УЯТСИЗЛИК Уятсизга хос ҳатти-ҳаракат, хислат. Бу ҳўрлик, бу одатдан ташқари уятсизлик бечора қутидорни жуда эзган.. эди. А. Қодирий, Ўтган кунлар. Мирзакаримбойнинг уятсизлиги, дадасининг нодонлиги.. ва ҳоказони ҳикоя қиласарди [Гулнор]. Ойбек, Танланган асарлар.

УЯТЧАН Уят-номус ҳис-туйғуси кучли; тортинчоқ. Невматжон хуштабиатли, уятчан бир йигит бўлиб, одамлар билан ҳам жуда одобли, бир маромда сўзлашарди. Ж. Шарипов, Саодат. Бирорга ишқингиз тушса, қиз боладан беш баттар уятчан бўлиб қолар экансиз. П. Турсун, Ўқитувчи.

УЯТЧАНИЛИК Уятчан эканлик, уялиш ҳис-туйғуси кучлилик. Қизининг қўрқоқлигиндан, уятчанилигидан фойдаланиб, уларни зўр билан ажратиб, қизни тутиб, бошқа кишига берсалар, оқибати ёмон бўлади. С. Айний, Эсадаликлар. -Рахмат! – деди, кейин шу сўзининг ўзини уятчаник билан секин тақрорлади. А. Мухтор, Опа-сингиллар.

УҚА Безак учун газмол буюмлар, кийим-кечак ва ш.к. нарсалар четига тикиб, қадаб қўйиладиган узун энсиз мато. Ислом барлос қаҳрли кўзларини юқорига – ипак чодирнинг кўркам уқаларига, ранг-баранг ипак шокиллари осилиб турган шипга тикди. Ойбек, Навоий. Очик деразадан кирган баҳор шамоли деразанинг, учига уқа тутилган сурп пардасини силкитди. С. Аҳмад, Ҳукм. Зарбоф тўни ёқасига заррин уқа тутилган барваста

эшик оғаси кириб, таъзим қилди. Х. Султонов, Бир оқшом эртаги.

УҶАЛАМОҚ 1 Баданни ёки унинг бирор қисмини босиб силамоқ, эзғиламоқ, ишқаламоқ. Анорхон кечаси билан камтирнинг бошларини уқалаб, хўрзоларнинг товушларини тинглаб чиқди. И. Раҳим, Ихлос. Афғон чойфуруши қорнини тўйғазиб бўлиб, дарров оёқларини чўзди, тиззаларини уқалаб, гапга тушди. А. Мухтор, Опа-сингиллар. Саид кўзини ўиртиб, қовоқларини уқалаб, уйқусини қочирди. Й. Муқимов, Олов ва ниҳоллар.

2 Ишқаб кўчирмоқ. Терговчи ўйланиб қолди ва зўр бериб пешонасининг кирини уқалар эди. А. Қаҳдор, Сароб. Ашур кийимларига ёпишиб қуриб қолган лойни уқалаб туширяпти. П. Қодиров, Уч илдиз.

3 Ишқаб, доналарни сўта, пўст ва ш.к. дан кўчириб туширмоқ, ажратмоқ, тозаламоқ. Кунгабоқарни уқаламоқ. — Жўхорини амакимнинг ўғли учдан бирга қайриб, уқалаб, келтириб берди. Ф. Гулом, Тирилган мурда. Қози пиёлани олдига қўйди-да, сўйилган анордан катта бир бўллагини олиб, ўирик қизил доналарни кафтига уқалай бошлади. М. Исмоилий, Фарғона т. о.

УҚМОҚ 1 Мазмунини ўзлаштироқ, билиб етмоқ; англамоқ, тушунмоқ. Гапни гапир уққанга, жонни жонга сукқанга. Мажол. — Қассоб бошини тез-тез иргаб, уқиб олганини шора қилди. П. Турсун, Ўқитувчи. [Қоидаларни] Роса ўқиб, ёдлаб ол, Үқиб, дилга жойлаб ол. Қ. Муҳаммадий.

2 Пайқаб олмоқ, ҳис қилмоқ, сезмоқ. Олимов бошқа болаларнинг ҳам ҳайрат билан боқкан кўзларидан шундай савонни уқсан эди. Ҳ. Назир, Сўнмас чақмоқлар. Қиз-жувонларнинг кўзларидан факат қишлоқ одамларига хос соддалик ва тераңликни уқиш мумкин. Э. Усмонов, Ёлқин.

УҚТИРИШ 1 Уқтиримоқ фл. ҳар. н. Сен саҳро боласига сўзни уқтириши ҳам қийин. Ойбек, Танланган асарлар.

2: уқтириш ҳати Ёзма шарҳ, изоҳ.

УҚУБАТ [а. عقوبة – жазо; таъзир; ўч, қасос; жарима] Руҳий ёки жисмоний азоб, қийноқ, жафо. Гуломжон бу кекса дунёда жуда кам яшаган бўлса ҳам, бошидан жуда кўп уқубатлар кечирди. М. Исмоилий, Фарғона т. о. Э парвардигорим.. боламини ўз паноҳингда асра, қолган умримни уқубатга ташлама! Мирмуҳсин, Меъмор.

УҚУБАТЛИ Азоб ва қийноқли, мاشақ-қатли. Уқубатли меҳнат. Уқубатли ҳаёт. — Қасос ўйли! Оҳ, бу уқубатли ва мардана ўйлар. Ш. Тошматов, Эрк қуши. Бу ҳид Шахнозанни ғалати, ҳам ширин, ҳам уқубатли бир аҳволга солиб кетди. С. Зуннунова, Гўдак ҳиди.

УҚУВ 1 Кишининг бирор нарсани тушиуни, билиб олиш хусусияти; дид, фаҳм, фаросат. Ҳар ишга уқув керак. — Махмуда уқуви зўрлиги, саводилиги ва уддабуролиги туфайли ҳар қандай янгиликни тез ўзлашибриб олади. Газетадан. Ҳаваси келарди-ю, шунга маҳорати, кучи, уқуви етадими-йўқми, ўйлаб кўрмас эди. Шуҳрат, Шинелли йиллар. Эрматжон билан Иномжон ремонтига киришган бўлса ҳам, баъзи жойларига уқувлари етмай, мурватни бураб олишга олиб, жойига қўёлмай, унинг [Кўқонбойнинг] юрагига гулгула сола бошлади. Мирмуҳсин, Қизил дурралар.

2 Ўқиш-ўрганиш кучи, имконияти; истеъдод, қобилият. Шеър яхши нарсаку-я, лекин уни ёзишга уқувимиз ўйқ. Ойдин, Суҳбати жонон.

УҚУВЛИ 1 Уқуви яхши; дид-фаросатли. Уқувли қиз. — Солдат уқувли, эпчил, ботир бўлмоғи лозим, — деди генерал. Ойбек, Қуёш қораймас. Дастурхон безашда бунақа уқувлисини учратмаган эдим. И. Ўқтамов, Хикоялар.

2 Ләёқатли, истеъдодли. Уқувли, тажрибали кишилар.

УҚУВСИЗ 1 Уқуви яхши эмас, диди паст. Содда кун кечиришга ўрганган уқувсиз бир қишлоқи аёл нима ҳам қила олади? П. Турсын, Ўқитувчи. Қишлоққа келадиган кўчма кинонинг уқувсиз механиклари узид ташлаган ямоқ ленталардан йигиб, олақуроқ «кинофильм» қилган эди. С. Аҳмад, Чўл шамоллари.

2 Таланти, истеъдоди йўқ. Буларнинг ҳаммаси уқувсиз ёш артистлар томонидан биринчи марта биринчи репетицияда бажарилган ролдай ясама чиқди. А. Қаҳкор, Сароб.

УГОН эск. дин. Худо, олло, тангри. Тўғонбек салмоқланиб деди: -Маблагни сўзсиз берганларга, уғоним гувоҳ, тилимни қимирлатмадим. Ойбек, Танланган асрлар.

УҲ унд.с. Чарчаш, бўғилиш каби руҳийжисмоний ҳис-туйғуларни ифода этади. [Марям:] Уҳ! Жуда қийин ҳолда қолдим-да! Ҳамза, Ким ўғри? -Уҳ, бу Говнинг қилаётган найранги! — деди-да, Абдурасул токчага суяб қўйилган қўшотарни қўлига олди. П. Турсун, Ўқитувчи.

УҲ ТОРТМОҚ айн. уҳламоқ. У [Қобил] ғамгин ва хаёлчан гапириб, ҳикояси давомида неча-нечча марта уҳ тортди. Ш. Рашидов, Бўрондан кучли.

УҲДА [а. սագ — масъулият, жавобгарлик; кафиллик] айн. уdda. Аммо тўрт юз жаллоднинг қаршисига чиққан бир кишининг уҳдаси, албатта, бир кишича эди. А. Қодирий, Ўтган кунлар.

УҲЛАМОҚ «Уҳ» демоқ, уҳ тортмоқ.